

বীতংস

নারায়ণ গঙ্গোপাধ্যায়

বেঙ্গল পাবলিশার্স

১৪, বান্ধব চাটুজ্জৈ স্ট্রীট, কলিকাতা।

এই বইয়ের সব শর্ট গল্পই নানা সাময়িক পত্র-পত্রিকা থেকে আহরিত।

‘বীতংস’ আমার প্রথম গল্পের বই। রচনাগুলির নির্বাচনে বন্ধুবর অধ্যাপক বীরেন লাহিড়ী এবং বান্ধবী আশা সাত্তালের সহায়তা পেয়েছি— তাঁদের আমার রুতজ্ঞতা জানাই। আর যার ঐকান্তিক আগ্রহ ও যত্নে ‘বীতংস’ আত্মপ্রকাশ করতে পারল, বইটি তাঁকেই নিবেদন করবার সুযোগ ও সৌভাগ্য সানন্দে গ্রহণ করছি।

নববর্ষ দিবস

১৯৫২

নারায়ণ গঙ্গোপাধ্যায়

ଅନ୍ତର୍ଦ୍ଧ୍ୟ କଥାକାର

ଶ୍ରୀଯୁକ୍ତ ନନୋଜ ବନ୍ଧୁ

କରକମଳେ

সূচী :

১।	বীতংস	...	১
২।	হাড়	...	১৯
৩।	নীলা	...	৩১
৪।	প্রদীপ ও প্রজাপতি	...	৪৯
৫।	তৃণ	...	৬২
৬।	নিশাচর	...	৭৮
৭।	সৈনিক	...	৯৪

বীতংস

সংসার-আশ্রমে থাকবার আর কোনো অর্থ হয় না।

সুন্দরলালের মোহ কেটে গিয়েছে অস্তুত। আজ যে তোমার বন্ধু, সামান্য স্বার্থের জন্তে কাল সে তোমার গলা টিপে ধরতে পারে; বড় আদরের যে সহোদর ভাইটিকে তুমি একদণ্ড চোখের আড়াল করতে পারো না, এক ছটাক জমির জন্তে কাল হয়তো সে তোমার নামে এক নম্বর ফৌজদারী রুজু ক'রে দেবে; যে রূপবতী স্ত্রীর পায়ে যথাসর্বস্ব পণ ক'রে তুমি কাপড়ে গহনার নৈবেদ্য সাজিয়ে দিচ্ছ, একদিন ভোরবেলা হয়তো দেখবে গায়ের ছটু তেওয়ারীর সঙ্গে সে রাতারাতি হাওয়া হয়ে মিলিয়ে গিয়েছে। সুতরাং মোহ-মুদগরের ভাষায় একদিন 'কা তব কান্তা কন্তে পুত্রঃ' বলে বেরিয়ে পড়াটাই বুদ্ধিমানের কাজ।

এবং সুন্দরলাল বুদ্ধিমান লোক। তাই তিরিশ বছর না পেরোতেই সংসার ছেড়ে স্বরূপ হয়েছিল তার অগত্য যাত্রা। কোনো বন্ধুই আজ আর তাকে পিছু টানে না। মহিষ চুরির ব্যাপার নিয়ে গায়ের জমিদারের সঙ্গে এখন আর মামলা করতে হয় না। ছটু তেওয়ারীর সন্দেহজনক গতিবিধি লক্ষ্য করবার জন্তে দিনরাত চোখ কাণ খাড়া ক'রে বসে থাকবার দরকার নেই। পাথরের মতো নির্ভয় রাজা মাটিতে কঠিন পরিশ্রমে লাঙ্গল ঠেলে যদি ভালো গমের ফলন না করা যায়, তা হলেও এখন আর সঙ্কটের তাবনা ভাবতে হয় না।

এ জীবনের সঙ্গে তার কি তুলনা হয়? সামনে একখানা ছবির মতো নীল পাহাড়, তার সর্বান্তে সাঁওতাল পরগণার অপূর্ব বনশ্রী। তুমুকা বাওয়ার রাস্তাটা পাহাড়ের গা ঘেঁষে ঘেঁষে অনেক দূর দিয়ে বেরিয়ে গেছে, সেখান

থেকে এতটুকুও পোড়া পেট্রোল গ্যাসের গন্ধ এসে এখানকার আকাশ বাতাসকে আবিল ক'রে দেয় না। হর্নের বিকট শব্দে ভয়ত্রস্ত গোরুর পাল এখানে উধ্বংসে ছুটে পালায় না; লাল রঙের বড় বাসখানা থেকে এক টুকরো পোড়া সিগারেট বা রেশমি শাড়ীর একটা চলতি ঝলক মুহূর্তের মধ্যে যে একটা চাকল্যকর জগতের সংবাদ দিয়ে যায়, তার প্রভাব থেকেও এ জায়গাটা একেবারেই মুক্ত।

এখানে জঙ্গলের মধ্যে ডুম্‌ডুম ক'রে টিকারা বাজে। হাওয়ায় হাওয়ার স্বপ্নের মতো শালের ফুল উড়ে যায়। স্বপ্ন মছয়া বন আকুল হয়ে ওঠে, ছোট ছোট গোলাপ জামের মতো মহয়ার সাদা ফুলগুলি তিক্তমধুর রসে টস্‌টস্‌ করতে থাকে, আর তার গন্ধে হরিয়ালের দল এসে ডালে পাতায় নাচানাচি করে তখন সুন্দরলালেরও যেন নেশা ধরে যায়। সত্যিকারের আনন্দ তো এইখানেই। মোতিহারীর আদালতে যারা ফৌজদারী মামলার তদ্বির করে, কিম্বা সীতামারীর চিনির কলে আখের দালালী করেই যারা দিন কাটিয়ে যাচ্ছে, তারা এর মর্ম কী বুঝবে?

তারা না-ই বুঝল। কিন্তু সুন্দরলাল বুঝেছে। এখানকার সাঁওতালদের মনের ওপর রীতিমতো আসন গেড়ে বসেছে সে। তারা তাকে শ্রদ্ধা করে, হয়তো বিশ্বাসও করে আজকাল। সুন্দরলাল গেকুয়া নেয়নি বটে, তবু সে সম্মানসি। দণ্ডী কিম্বা ব্রহ্মচারী, এ প্রশ্নের উত্তর পাওয়ার ক্ষেত্রে সাঁওতালেরা কখনো ব্যগ্র হয়ে ওঠে না। সুন্দরলাল হাত দেখতে জানে, বা ব'লে তা নাকি ছবছ মিলে যায় সব। শিকড়-বাকড় সম্বন্ধেও তার প্রচুর জ্ঞান, বহু কঠিন রোগে তার ওষুধ নাকি অব্যর্থ ক্রিয়া দেখিয়ে দিয়েছে।

সে শৈব, না রামায়ণ, না গাণপৎ এ নিয়ে তর্ক চলতে পারে, কিন্তু দেখা যায় তার কোনোটার ওপরেই বিদ্বেষ নেই। ব্যোম ভোলার নামে সে গাঁজার কলকিতে দম চড়িয়ে দেয়, স্তব্ব করে তুলসীদাসী রামায়ণ পড়ে। এখনো যারা “বোড়ার” পূজায় মুগী বলি দেয়, তাদের পূজোর প্রসাদ নিতে

তাকে কখনো আপত্তি করতে দেখা যায় না। সময় তো মোটে দু'মাস, কিন্তু এর মধ্যেই সাধু সন্দরলাল মহাপুরুষ সন্দরলালে রূপান্তরিত হওয়ার উপক্রম করছে।

আকাশে সন্ধ্যার রঙ। সাঁওতাল পরগণার পাহাড়ের অরণ্যমণ্ডিত চূড়ায় চূড়ায় নিবিড় ছায়া সঞ্চারিত হতে লাগল। শাল বন ঘেরা দূরের উপত্যকাটা থেকে যে ছোট পথটা ঘুরে ঘুরে ওপারে অদৃশ্য হয়ে গেছে, তাকে দেখে মনে হয় যেন মৃত একটা বিশাল অক্টোপাসের প্রসারিত নিশ্চল বাহ। যেন মৃত্যুর আগে একবার ওই পাহাড়টাকে মুখের ভেতরে টেনে আনবার শেষ চেষ্টা করেছিল।.....

পাহাড়ের গায়ে গায়ে ওই পথটা বেয়ে সন্দরলালের ভূটানী খচ্চরটা নেমে এলো। এটা ওর সন্ধ্যাসের সঙ্গী,—নাগা সন্ধ্যাসীর লোটা চিমটার মতোই অপরিহার্য। সন্ধ্যাসী হলেও সন্দরলাল একেবারে বাবা ভোলানাথের মতো ছাই মেখে নিরংকুশ হয়ে বেরিয়ে পড়েনি, অশন-বসনের দায়টা সে মানে। তাই ডেরা তুলতে হ'লে তার ছোট্ট গাঁটুরটাকে খচ্চরের পিঠেই বেঁধে নিতে হয়। তা ছাড়া কেন কে জানে, অস্তুত সপ্তাহে একবার তাকে সহর থেকে ঘুরে আসতে হয়, শিশু-সামন্তদের দর্শন দেবার জগ্বেই হয়তো। সেকারণেও খচ্চরটাকে বাদ দিয়ে চলবার জো নেই।

ছোট ছোট পায়ে খুঁ খুঁ করে হাঁটতে হাঁটতে খচ্চরটা একেবারে সাঁওতাল পাড়ার মাঝখানে এসেই থামল। মাথার পাগড়ীটা খুলে এক পাশ দিয়ে লাফিয়ে পড়ল সন্দরলাল। কাঁচা চামড়ায় তৈরী পুরোনো নাগরা জুতোটার কাঁটা লোহাগুলোতে একটা কর্কশ শব্দ বেজে উঠল, আর সেই শব্দটাকে ছাপিয়ে ময়লা চাপকানটার লম্বা পকেটে বন বন ক'রে লাড়া দিলে কয়েকটি ধাতু মুদ্রা।

বহু দূর থেকে আসতে হয়েছে। খচ্চরটারও পরিশ্রম হয়েছে খুব। ঘাড়ের ওপরকার ছোট ছোট খাড়া লোমগুলোর তলাটা ঘামে ভিজে গেছে,

মুখের পাশে পাশে কেনার আভাস। দড়ির লাগামটা ধরে তাকে ধীরে ধীরে হাঁটিয়ে নিয়ে চলল সুন্দরলাল।

—কোথা থেকে এলে বাবাঠাকুর ?

প্রশ্ন শুনে সুন্দরলাল মুখ তুলে তাকালো। সামনে বড় সাঁওতাল। গ্রামের লোকে মোড়ল বলেই মান্য করে তাকে। পরণে বস্ত্রের বেশি বাছল্য নেই, শুধু ছোট একটি ফালি নেংটির মতো ক'রে পরা। মাথার কাঁকড়া চুলগুলোকে ঘিরে আর একটুকরো কাপড়, তার একপাশে গোটা তিনেক পালক গোঁজা। হাতে বাঁশের ছিলা দেওয়া কুচুচে প্রকাণ্ড একটা ধনুক, আর সেই সঙ্গে গোটা কয়েক বাঁটুল।

—কে মোড়ল ? কী শিকার পেলি রে ?

—কিছু নয় বাবাঠাকুর। মহুয়া বনে গিয়েছিলুম হরিয়াল মারতে, কিন্তু বরাত ধরাপ। তুমি কোথা থেকে এলে ?

—আমি ? প্রশান্ত হাসিতে সমুজ্জ্বল হয়ে উঠল সুন্দরলালের মুখ। এ হাসিটাকে আধ্যাত্মিক মনে করলে দোষ হয় না। সাধনার পথে সে যে কতখানি এগিয়ে গেছে, এ হাসি দেখে তার কিছুটা অনুমান করা চলে :

—আমি ? আমি গিয়েছিলুম ওপারের ওই গাঁয়ে। ওখানে একজনকে ভূতে ধরেছিল কিনা, এসে বড্ড কান্নাকাটি করছিল। তাই একবারটি ঝেড়ে দিয়ে আসতে হ'ল।

প্রগাঢ় শ্রদ্ধায় বড় একবার সর্বাঙ্গ নিরীক্ষণ করলে সুন্দরলালের। সত্যি কথা,—সন্ন্যাসের কোনো লক্ষণ নেই সুন্দরলালের শরীরে। চুলটি দিব্যি ক'রে আঁচড়ানো, চাপকানের পকেট থেকে পিতলের ডিবে বের ক'রে তা থেকে মস্ত একটা খিলিপান মুখে পুরে দিলে। জর্দার চমৎকার গন্ধটা দম্ভরমতো লোভনীয়। চলার সঙ্গে সঙ্গে পকেটের টাকাগুলো বন বন ক'রে বেজে উঠছে।

তবু সুন্দরলাল যে সাধু মোহান্ত, তাতে সন্দেহ করবার হেতু কী !

মুগ্ধ বিশ্বয়ে ঝড়ু বললে, ভূত ছাড়ল ?

—ছাড়বে না ? চালাকি নাকি ? একি যে সে মজ্ঞ ! হিমালয়ের চূড়ায় পাঁচ শো বছর ধরে ধ্যান করছেন নাক্স বাবা । ইয়া লম্বা লম্বা সাদা দাড়ি, লুটিয়ে পড়েছে একেবারে পা পর্যন্ত । আর সে কী চেহারা, দাঁড়ালে তালগাছের মাথায় গিয়ে ঠেকে । সেবার আমি নেপালে পশুপতিনাথের মন্দিরে ধ্যান করছি বসে । মাঝ রাত্তির ঘুট ঘুট করছে অন্ধকার—হঠাৎ যেন পূর্ণিমার চাঁদের আলো ছড়িয়ে পড়ল চারদিকে । তাকিয়ে দেখি ওই মূর্তি—পেছনে দাঁড়িয়ে মিটি মিটি হাসছে ।

হৃষ অশু গেছে । পায়ের তলায় মড় মড় করছে শুকনো শালের পাতা । ঝড়ু মোড়লের সারা গা ভয়ে ছমছম করে উঠল ।

—তারপরে ?

—তারপরে আর কী ? সুন্দরলালের কঠে গর্বের আভাস লাগল : নাক্স বাবা বললেন, যা ব্যাটা, তোর হয়ে গেছে । আজ থেকে সিদ্ধিলাভ করলি তই । ভূত-পিরেত-পিশাচ-দানো তোর ছায়া দেখলেও ছুটে পালাতে পথ পাবে না ।

দুপাশের বন জঙ্গলগুলি সন্ধ্যার সঙ্গে আরো ঘন ক'রে ছায়া ছড়িয়ে দিয়েছে । সুন্দরলালের মুখ দেখা যায় না, তবু ঝড়ু একবার সে মুখখানাকে দেখবার চেষ্টা করলে । এমন একটা লোকের পাশে পাশে হেঁটে চলেছে, ভাবতেও সে রোমাঞ্চিত হ'য়ে উঠল ।

বনের পথটা পেরোতেই সামনে গ্রাম দেখা দিল । আকাশের এক কোণে গুজ্জা ত্রয়োদশীর চাঁদ এতক্ষণ কোথায় আত্মগোপন ক'রেছিল কে জানে ! জঙ্গলের আড়ালটা কেটে যেতেই কাঁকর বিছানো পথটার ওপর তার আলো ঝিলমিল করে উঠল । সাঁওতাল পাড়ায় মাদলের শব্দ । মহুয়ার গন্ধের সঙ্গে ওই শব্দটার চমৎকার একটা ছন্দোগত ঐক্য আছে বোধ হয় ।

ঝড়ু সবিনয়ে বললে, একবার নাচ দেখতে যাবে না বাবাঠাকুর ?

—নাচ ? আচ্ছা, চল্।

হৃদিকে মাটির দেওয়াল গাথা ছোট ছোট নীচ বাড়ি। মাঝখানে একটু-খানি ফাঁকা জায়গায় বসেছে নাচের আসর। কষ্টিপাথরের তৈরী কালো চেহারার দুজন পুরুষ ছলে ছলে মাদলে বা দিচ্ছে, আর সেই মাদলের তালে তালে ঝুঁকে ঝুঁকে কয়েকটি মেয়ে নৃত্য করছে। পরস্পরের বাহুতে তারা আবদ্ধ, মুখে অক্ষুট গানের উচ্ছ্বাস। সে গানের ভাষা বোঝবার জো নেই, কিন্তু তার ধ্বনিটা একটা বিচিত্র গুঞ্জনের মতো বাজছে।

সুন্দরলালকে আসতে দেখে মাদল আর নাচ হুই-ই থেমে গেল। মেয়েদের কালো চোখে দেখা দিল কৌতূকের উজ্জল আভা, পুরুষদের কণ্ঠে উঠল ভক্তিমুগ্ধ কলরব। কেউ কেউ উঠে এসে সাষ্টাঙ্গে প্রণাম করলে, কেউ বা আবার কোথা থেকে কাঠের একটা চৌপাই টেনে নিয়ে এল।

যথোচিত মর্যাদা আর গাম্ভীর্য নিয়ে চৌপাইটাতে আসীন হ'ল সুন্দরলাল। পুরুষেরা ঘিরে বসল তার চারপাশে। নাকের রূপোর আংটির ভেতর আঙ্গুল দিয়ে মেয়েরা তাকিয়ে রইল নিবোধ দৃষ্টিতে।

সুন্দরলাল গম্ভীর হয়ে বললে, নাচ ধামালি কেন ? চলুক না।

ঝড়ু মোড়লের কণ্ঠস্বর ব্যগ্র হয়ে উঠল : হাঁ হাঁ, নাচ চলুক। ভালো ক'রে নাচ দেখিয়ে দে বাবা ঠাকুরকে।

আবার মাদলে বা পড়ল। শাল বনের ওপর দিয়ে চাঁদ তখন অনেকখানি উঠে এসেছে। মেয়েদের উজ্জল চোখগুলিতে, স্তম্ভাঙ্গ সম্পূর্ণ দেহত্রীর ওপর দিয়ে জ্যোৎস্না গড়িয়ে পড়তে লাগল তরল লাবণ্যের মতো। সংসার-বিরক্ত সুন্দরলাল নিজের অজ্ঞাতেই খানিকটা সংস্কৃত হয়ে উঠল হয়তো। হয়তো বা রক্তের এই চাঞ্চল্যটা, পুরোপুরি দার্শনিকভাবেই অনুপ্রাণিত নয়।

দশ বারোটি মেয়ে এক সঙ্গে নাচছিল। তাদের ভেতর প্রায় প্রোটা

ধেকে নিতান্ত বালিকা পর্যন্ত সব স্তরের মেয়েই আছে। তবে যুবতীর সংখ্যাই বেশি। অথবা অল্পেতেই এরা বুড়িয়ে যায় না ব'লেই হয়তো এদের ঘোঁষন সব সময়ে বয়সের হাত ধরে চলে না। হুম্বরলালের সংসার-শ্রমের কথা মনে পড়ে। তার স্ত্রীর বয়স তো এখনো কুড়ি পার হয়নি, কিন্তু—

চমক ভাঙল। এক ভাঁড় মহয়ার মদ এসে গেছে। ঝড়ু বললে, পেসাদ ক'রে দাও বাবা ঠাকুর।

হুম্বরলাল আপত্তি করলে না। সন্ধ্যাসের শেষ স্তরে উঠে সে নির্বেদ লাভ করেছে বলা চলে। মাটির পাত্রে ক'রে উগ্রগন্ধী মহয়ার মদে গলা ভিজিয়ে নিলে হুম্বরলাল।

জ্যোৎস্নায় জোয়ার এসেছে ততক্ষণে। বাতাসে শাল ফুলের গন্ধ। এ দেশের লোক ও গন্ধটাকে স্বাস্থ্যের অঙ্গুল মনে করে না, কিন্তু ওর সঙ্গে মহয়ার তিক্ত মদিরতা মিশে গিয়ে আফিমের মতো একটা বিবাক্ত নেশায় যেন আচ্ছন্ন করছে চৈতন্যকে। কী কার্য কারণযোগে ওপাশের একটি তরুণী মেয়ের আন্দোলিত দেহবল্লরীর ওপর গিয়ে স্তব্ধ হয়ে পড়ল হুম্বরলালের দৃষ্টি। যেন মুছিত হ'য়ে গেল বললেই ঠিক বলা হয়।

সর্বাঙ্গে স্বাস্থ্যপুষ্ট সম্পূর্ণতা। এমন মেয়ে এই অবাধ স্বাস্থ্য সৌন্দর্যের দেশেও বিরল। হুম্বরলালের চোখ জ্বলতে লাগল।

—ওই মেয়েটা কে রে মোড়ল।

প্রশ্ন শুনে ঝড়ু সাঁওতাল কৃতার্থ হয়ে গেল যেন।

—ওই, ওর কথা বলছ? ওতো আমারি মেয়ে—বুধনী।

চাপকানের পকেটে হাত দিয়ে হুম্বরলাল টাকা পরসাগুলোকে নাড়াচাড়া করতে লাগল। সে বৈরাগী, সে হিসাবে ধাতববস্তুর ওপরে তার হতচাঁ অনাসক্তি থাকা উচিত তা নেই। হুম্বরলালের ভারী ভালো লাগে টাকা বাজানোর শব্দটা। ঠিক যেন গানের মতো কাণে বাজে।

—বুধনী? বাঃ বেশ নাম তো। ডাকতো ওকে।

বুধনী এগিয়ে এল। কতকটা বিশ্বয়, কিছুটা কৌতুক। ভয়ও যে একেবারে না আছে তা নয়। সুন্দরলাল হাত দেখতে পারে, ভূত ছাড়াতে পারে, আরো কত কী জানে ঠিক নেই। তার সামনে এসে দাঁড়াতে বুক যে ধানিকটা ছুর ছুর করবেই—এই তো স্বাভাবিক।

কয়েক মুহূর্ত বুধনীর মুখের দিকে, স্তব্ধ হয়ে রইল সুন্দরলালের দৃষ্টি। গায়ের কাপড়টা ভালো ক’রে টেনে দিয়ে সংযত হওয়ার চেষ্টা করলে বুধনী।

জামার পকেট থেকে ছুটো টাকা বের ক’রে আনল সুন্দরলাল : এই নে, তোদের খেতে দিলুম। আর—আর—

মুহূর্তে কোথা থেকে কী হয়ে গেল। হয়তো মল্লয়ার প্রভাবেই বিচিত্র রকমে গাঢ় ও গভীর হয়ে উঠেছে তার কণ্ঠস্বর : তুই কেন এখানে পড়ে আছিস বুধনী। তোর যে ভারী জোর বরাত। নান্দা বাবার কথা যদি সত্যি হয়, তা হলে সহরে গিয়ে যে তোর কপাল ফিরে যাবে এ তো আমি চোখের সামনেই দেখতে পাচ্ছি।

সুন্দরলাল যেন দৈববাণী করছে। এ যেন সে নয়—যেন তার সত্তার ভেতর থেকে আর একজন কে আবির্ভূত হয়ে এল। সাঁওতালেরা জানে মাঝে মাঝে তার ওপরে ঠাকুর-দেবতার ভর হয়।

—চলে যা, চলে যা তুই। দেবতার নাম করে বলছি তুই চলে যা। সাঁড়ী, চুড়ি, তেল—যা চাপ সব পাবি।

ভয়ে বিশ্বয়ে সর্দারের চোখ দুটো যেন কোটর থেকে বিস্ফারিত হয়ে বেরিয়ে আসবার উপক্রম করছে। দেবতার নামে যা বলবে অঙ্করে অঙ্করে ফলে যাবে সব। দেবতার একটি কুদৃষ্টিতে ঝাঁকে ঝাঁকে জ্যান্ত মানুষ মরে নিঃশেষ হয়ে যেতে পারে—গ্রামের পর গ্রাম পুড়ে ছারখার হয়ে যেতে পারে। ভীত চঞ্চল সাঁওতালেরা চার পাশে এসে ভিড় ক’রে দাঁড়ালো, এই স্বযোগে নিজেদের ভাগ্যটাকে একবার যাচাই ক’রে নিলে হয়।

—সহর! সাড়ী—চুড়ি—তেল! একটা অভূত স্বপ্নলোক। বৃখনার চিন্তা আকস্মিকভাবে যেন খেই হারিয়ে ফেলছে।

সুন্দরলালের ওপর এখন পুরোপুরি ঠাকুরের আবির্ভাব। বুড়ো জেঠা টুঁড়ুকে সে বাতলে দিচ্ছে হাঁপানির ওষুধ। দিগ্দিগন্ত উদ্ভাসিত ক’রে নির্মল চাঁদের আলো অসীম প্রীতি আর বিশ্বাসের মতো বাবে পড়ছে—ছড়িয়ে যাচ্ছে যেন রজনীগন্ধার অসংখ্য ছিন্ন পাপড়ি। মহুয়ার গন্ধে শালফুলের বিষাক্ত নিশ্বাস চাপা পড়ে গেল।.....শুধু অকারণে চঞ্চল হয়ে উঠেছে ভূটানী ধচ্চরটা। কী একটা অস্বস্তি অম্ভব করে খট খট শব্দে সে মাটির ওপর পা ঠুকতে লাগল।

খুব ভোরে ওঠা সুন্দরলালের অভ্যাস।

স্বয়ং সামনের পাহাড়টাকে ভালো করে রাঙিয়ে তোলায় আগেই সে ঘরের বাইরে দড়ির খাটিয়ায় এসে বসে। তারপর হয়তো স্মর করে তুলসীদাস পড়া শুরু হয় তার :

“বটহ বঢ়হ বিরহিনী দুখ দাই

এসহ রাহ নিজ সন্ধিহি পাই,

কোক শোকপ্রদ পঙ্কজদ্রোহী,

অবগুণ বহত চন্দ্রমা তোহি—”

কিন্তু সীতার বিরহ নিয়ে বেশিক্ষণ সময় কাটাবার জো নেই। সাঁওতালেরা তাকে গুরু বলে মানতে শুরু করেছে আজকাল, সব কিছু কাজেই তার পরামর্শ ছাড়া এখন আর চলে না।

পাহাড় থেকে হরিণের পাল নেমে গম খেয়ে যাচ্ছে, তার কি প্রতীকার? বড়কা সাঁওতাল কি এক সাঁওতাল মেয়ের কপালে সিঁচুর লেপে দিয়েছে, অথচ সমাজের আইনে তাদের বিয়ে হতে পারে না, এর কি ব্যবস্থা করা যেতে পারে? অমুকের পায়ের ঘা আজ তিন মাস ধরে সারছে না, কেউ কি তার কোনো অনিষ্ট করল?

এমন অনেক প্রশ্নের সীমাংসাই করতে হয় হৃন্দরলালকে। কিন্তু নান্দা বাবার আশীর্বাদের জোর আছে তার ওপরে। পশুপতিনাথের মন্দির থেকে লাভ করা সিদ্ধি—সহজ কথা নয়। তিরিশ বছর বয়েস পেরোনোর আগেই প্রাক্তন পুণ্যের বলে ইহলোক-পরলোকের সড়ক পাকা করে নিয়েছে সে।

আজ্ঞা সকালে তিলক সাঁওতাল এসে দেখা দিলে।

—তোমার সঙ্গে একটা জরুরি কথা আছে বাবা ঠাকুর।

প্রকাণ্ড একটা ভাঙের গুলি মুখে পুরে দিয়ে হৃন্দরলালের মনটা প্রসন্ন হয়ে উঠল। “রামচরিত মানস” এক পাশে ঠেলে সরিয়ে রেখে প্রশ্ন করলে,

তিলক সাঁওতাল গলার আওয়াজ নীচু করে আনল : তুমি বাণ মারতে জানো ?

—বাণ ?—একটা বিচিত্র হাসিতে হৃন্দরলালের চোখমুখ সমুজ্জ্বল হয়ে উঠল : আমি বাণ মারতে জানিনে ? আমি জানিনে তো কে জানে শুনি ?

তিলক সাঁওতাল অপ্রতিভ হয়ে বললে, তাই বলছিলুম।

—তাই বলছিলি ? তাই আবার কি বলবি ? সেবার আসামের চা বাগানে এক সায়েবকে মেরে দিলুম না ; তিনটা দিনও পেরোল না, মুখে রক্ত উঠে একেবারে—হঁ হঁ !

—কাবার হয়ে গেল ?

—বিলকুল। খালি বাণ ? ইচ্ছে হলে পিশাচ চালান করতে পারি।

তিলক রোমাঞ্চিত হয়ে উঠল। বাণ মারা—কী ভয়ানক। তুমি জানোও না—মাটিতে রেখা দিয়ে তোমার মূর্তি আঁকা হয়ে গেল, আর সেই মূর্তির বুকে মেরে দেওয়া হ’ল মন্ত্রপুত তীর। নিশ্চিন্ত মনে সারাদিন ক্ষেতে কাজ ক’রে সন্ধ্যাবেলায় তুমি বাড়ি ফিরেছ, হঠাৎ অসহ ব্যথা উঠল তোমার বুকে। তারপর কাশির সঙ্গে সঙ্গে তোমার ফুসফুস ছুটো ছিঁড়ে টুকরো টুকরো হয়ে বেরিয়ে আসতে লাগল—সাতটা দিনের ভেতরেই তুমি পুরোপুরি নিকশ

হয়ে গেলে। আর পিশাচ! যে পিশাচসিদ্ধ, তার অসাধ্য কী আছে? এই সাঁওতাল পরগণার পাহাড়ে পাহাড়ে কত অশরীরী প্রেতাঙ্গী ছায়ার মতো ঘুরে বেড়ায় কে বলতে পারে? সন্ধ্যার কালো আবরণের তলায় যখন শালের বনগুলো ভয়ঙ্কর হয়ে ওঠে, তখন তাদের বড় বড় খসখসে পাতার মর্মরে সেই প্রেতাঙ্গীরা নিখাস ফেলে যায়। সে নিখাস যার গায়ে লাগে, গোড়া কাটা লতার মতো শুকোতে শুকোতে একদিন শেষ আয়ুর বিন্দুটি অবধি তার মিলিয়ে যায়, বাষ্প হয়ে। যেদিন রাত্রে পাহাড়ের মাথায় মাথায় ঝড় ওঠে, মহা গাছগুলো উপড়ে পড়ে, রাতচরা হরিণগুলো অবধি প্রাণের ভয়ে গমের ক্ষেতে নেমে আসে না—সে রাত্রিতে তারা উৎসব করে। সে-সময় যদি কেউ একবার ভুল করে ঘর থেকে বেরিয়ে আসে, তা হলে পরের দিন তার হাড় মাংসের একটি টুকরোও কোথাও খুঁজে পাওয়া যায় না। এই সমস্ত প্রেতাঙ্গী—এই সমস্ত ভয়ঙ্কর পিশাচেরা সব সুন্দরলালের হাতধরা।

—কাকে মারতে হবে?

তিলক চমকে উঠল। সুন্দরলাল হাসছে। হাসিটা মনোরম নয়—কী একটা অজ্ঞাত কারণে সমস্ত মনটাকে সংকুচিত, সঙ্কুচিত করে আনে।

ব্যগ্র কণ্ঠে তিলক বললে: ও গাঁয়ের ডোমন মাঝিকে। কিছুদিন থেকেই আমার পিছে লেগেছে। বললে বিশ্বাস করবে না বাবা ঠাকুর, ওর তুক মস্তরের চোটেই গত মাসে আমার ছেলেটা মরে গেল। তাগড়া জোয়ান ছেলেটা।—দেখতে দেখতে ছট্-ফটিয়ে মরে গেল।

তিলকের চোখের কোণ অশ্রুসিক্ত হয়ে উঠল।

—হুঁ! গম্ভীর হয়ে গেল সুন্দরলাল: তোর কাজটা ক’রে দেব আমি—পিশাচ চালান দিয়ে দেব। পরশু শনিবার, কয়েকটা ফুল আর সিঁদুর নিয়ে আসবি, আমি তিনটে নরমুণ্ড জোগাড় ক’রে রাখব। তাই দিয়ে পিশাচ পূজো করতে হবে। তা হলে কী হবে জানিস?

তিলক ঘাড় নাড়ল।

তা হলে রোজ রাত্তিরে সে যখন ঘুমিয়ে থাকবে, তখন প্রকাণ্ড একটা কালো পিশাচ এসে চেপে বসবে তার গায়ের ওপর। তারপর সেই পিশাচটা তার মুখখানাকে নলের মতো ছুঁচালো ক'রে দিয়ে তার মাথার ভেতর থেকে চোঁ চোঁ ক'রে রক্ত আর ঘীলু শুষে খাবে। তারপর—

কথাটা অসমাপ্ত রেখে সুন্দরলাল হেসে উঠল। তার বলার ভঙ্গিতে এই সকালের আলোতেও তিলকের মাথার চুলগুলো খাড়া হয়ে উঠেছে আতঙ্কে। দৃশ্যটা সে মনের সামনে কল্পনা করতে লাগল।

—যা মাঝি, পরশু আসিস। ফুল আর সিঁদুর যেন মনে থাকে। আর একটা কথা। এর পরে কিন্তু ক'দিন তোকে গাঁয়ের বাইরে আর কোথাও গিয়ে থাকতে হবে। ডোম্বনের রক্ত খাওয়া শেষ হয়ে গেলে পিশাচটা আশে পাশে খুঁজে বেড়াবে তোকে। পেলে কিন্তু আর রক্ষা রাখবে না।

আর একবার তিলকের আপাদমস্তক নিদারুণ বিজীষিকায় চমকে উঠল।

তিলক চলে যাওয়ার পর সুন্দরলাল অনেকক্ষণ ব'সে রইল নীরবে। সামনে 'রামচরিত মানসে'র খোলা পাতাগুলো ফর ফর ক'রে উড়ে যাচ্ছে। উড়ন্ত একরাশ কালো কালো পলাতক হরফের মাঝখানে গঙ্গাদানধারী হনুমানের একখানা বীরমূর্তি পলকের জগ্রে উকি মেরে গেল—রূঢ় ঋনিকটা রঙের প্রলেপ। দূরে মাঠের ওপর চরছে একদল মহিষ, দুটির গলায় বাঁশের বড় বড় চোঙ্গা বাঁধা। আর সব কিছুর ওপর দিয়েই সকালের রোদ প্রসন্ন একটা দীপ্তিমণ্ডলের মতো উদ্ভাসিত।

তবু চিন্তায় বিভোর হয়ে উঠেছে সুন্দরলালের মন। এমন ক'রে আর চলে না। দু'মাস—মাত্র দু'মাস সময়, অথচ এমন একটু একটু ক'রে এগোতে গেলে গোটা বছরই যে কাবার হয়ে যাবে। ওদিকে “দীজন টাইম” পেরিয়ে গেলে এ সবে ক'নটারই কোনো অর্থ হয় না।

চেনা হাসির আকস্মিক একটা বজ্রা শুধু কাণ নয়—সমস্ত মনের ওপরই যেন ভেঙ্গে আছড়ে পড়ল। নদীর ঢেউয়ের মতো উচ্ছলিত চটুলতায় রাঙা কাকরের পথ বয়ে একদল মেয়ে এগিয়ে আসছে। দিকে দিকে বসন্তের বিহ্বল মদিরতা,—আর তার মাঝখানে এরা যেন পরিপূর্ণ পানপাত্র। হাতের ছোট ছোট কাঁপিগুলি ভ'রে মছা কুড়িয়ে নিয়েছে, আর খোঁপায় জড়িয়েছে পত্রপল্লবে সমৃদ্ধ এক গুচ্ছ নাগকেশরের ফুল।

সুন্দরলালকে দেখেই থমকে দাঁড়ালো মেয়েরা। নিজেদের ভেতরে কিছুক্ষণ কি সতর্ক আলোচনা চলল তাদের। সুন্দরলালকে তারা ভয় করে, কিন্তু তার চারদিক দিয়ে অতীন্দ্রিয় রহস্যের যে ঘন একটা কুয়াসা ঘেরা, তাদের কোতূহলী মন মাঝে মাঝে সেই কুয়াসার ভেতরে প্রচ্ছন্ন জগৎটাকে আবিষ্কার করতে চায়।

বুধনী ইতস্তত করছে, কিছু যেন একটা বলবার আছে তার। অত্যন্ত বিপন্ন মুখে আঙুল দিয়ে গলার রূপোর হাঁহুলিটা খুঁটতে লাগল সে। একটা মেয়ে আলগাভাবে তাকে ধাক্কা দিলে—যেন তাদের সকলের কাছেই বুধনী কী একটা কৌতুক এবং কোতূহলের বস্তু হয়ে উঠেছে।

সুন্দরলালের চোখে মুখে অতি-প্রকট তীক্ষ্ণতা :

কিরে বুধনী ?

কিন্তু বুধনীকে কিছু আর বলতে হল না। বাঁধ ভেঙ্গে উচ্ছ্বসিত কল তরঙ্গে যেন বেরিয়ে এল জোয়ারের জল। হাসির দোলায় মেয়েদের পরিপূর্ণ অপরূপ তহু সৌষ্ঠব ছন্দোময় হয়ে উঠল—সুন্দরলালের মনে হল : কামনার যেন শাপিত ধানিকটা কালো আগুন দেহ-প্রদীপগুলিতে উঠলো শিখায়িত হয়ে।

—এত হাসছিল যে, সুন্দরলালের চোখ দুটো নির্লজ্জভাবেই ঘুরতে লাগল বুধনীর সর্বাঙ্গকে বিশ্লেষণ করে। এ দৃষ্টি হয়তো শরীরের কেবল বাইরেটাকেই দেখছে না, হয়তো তীক্ষ্ণ একটা সন্ধানী আলো ফেলে বুধনীর মনটাকেও দেখে ফিরছে। এ যোগীর দৃষ্টি—ভোগীর নয়।

বুধনীর সাহসের ষেটুকু অবশিষ্ট ছিল, সুন্দরলালের দ্বিতীয় প্রশ্নে তাও যেন মিলিয়ে গেল নিঃশেষ হয়ে। মেয়েদের হাসি দ্বিগুণ হয়ে উঠল। পরস্পরেই রূপের প্রখর বিদ্যুৎ ছড়িয়ে দিয়ে তারা পথের ওপর দিয়ে এক ঝলক দখিনা বাতাসের মতো বয়ে গেল। সুন্দরলাল হাঁ করে তাদের দিকে তাকিয়েই রইল।

দু'মাস মাত্র সময়—কিন্তু দু'টি দিন মাত্র বেশী দেরী হয়ে গেলে সত্যিই কি আর ক্ষতি হবে! বাগানে অনেক মেয়ে আছে, কিন্তু বুধনীর জুড়ি নেই। সুন্দরলালের দুটো চোখে যেন গোখরো সাপ ঊকি মারতে লাগল। সায়ের ভাল মাহুঘের কদর বোঝে দু'দিন বিলম্ব তার কাছে কিছুই নয়।

আধ্যাত্মিক দিক দিয়ে সুন্দরলাল যে অনেকটা এগিয়ে গেছে, তাতে আর সন্দেহ কি?

সন্ন্যাসী মানুষ, ঘর ছেড়ে সেই কবে বেরিয়ে পড়েছে। বিষয় বাসনার কোনো প্রলোভনই নেই—সংসারে পরের উপকার ছাড়া আর কিছুই সে জানে না। বড়ু সাঁওতাল একথা বিশ্বাস করে, বুধনীর সন্দেহমাত্র নেই, সুন্দরলালের মুখের দিকে তাকাতোও গা কেঁপে ওঠে তিলকের।

কিন্তু পশুপতিনাথের মন্দিরে পাওয়া সেই সিদ্ধ মন্ত্র। তার বলে কি না সম্ভব হয়। সুন্দরলাল টাকা তৈরী করতে পারে নিশ্চয়। কারো দরকার পড়লে অবাচিতভাবেই সে কাঁচা করুকরে টাকা বের ক'রে দেয় নতুন টাকা—ঝকঝকে টাকা। হয়তো অনেকটা এই কারণেই সাঁওতালেরা এত বেশি ক'রে তার কাছে মাথা বিকিয়ে বসে আছে। ইচ্ছে করলে সে নাকি ছুড়ি পাখরগুলোকে অবধি তাল তাল সোনা বানিয়ে দিতে পারে। জিজ্ঞেস করলে কোন জবাব দেয় না—রহস্যময়ভাবে হাসে।

আরো কয়েকদিন পরে।

বিলি সাঁওতালনীর কি একটা মানসিক। শালবনের মাঝখানে সিঁদুর

মাখানো ওই যে বড় কালো পাথরটা—ওখানে শিং বোড়ার পূজো। উপচার মুগী আর মহয়ার মদ।

খচ্চরে চড়ে সুন্দরলাল এসে উপস্থিত হন।

তখন বলী শেষ হয়ে গেছে। পাথরটার চারপাশে ছিন্নকণ্ঠ মুগীর রক্ত। শালফুলের গন্ধে বাতাসটা কেমন ভারী—যেন নিঃশ্বাস ফেলতেও কষ্ট হয়।

মাদল বাজছে—তার সঙ্গে চলেছে নাচ। কিন্তু জ্যোৎস্না রাতের মহয়া মন্দির অসংযত নাচের দোলা এ নয়। সে নাচে রক্তে রক্তে একটা তরল নেশা বনিয়ে আসে, আর এ নাচ যেন মনের ওপর একটু অস্বস্তির আমেজ দেয়। পাহাড়ের কোল জুড়ে বহুদূর পর্যন্ত চলে গেছে নিবিড়-নিবন্ধ শালের বন—বড় বড় পাতা স্তরে স্তরে সূর্যকে আড়াল করে সৃষ্টি করেছে প্রায়াক্ষকার একটা নিভৃত লোক। সেই নিভৃত লোকের মাঝখানে অশরীরী শিং বোড়া যে কোন মুহূর্তেই হয়তো বা দলবল নিয়ে সশরীরী হয়ে উঠতে পারে।

সুন্দরলাল আসতেই মদের পাত্র এগিয়ে এল। মহয়ার সুরায় আকণ্ঠ পরিপূর্ণ করে নিলে সুন্দরলাল। শিং-বোড়ার কালো পাথরটার গায়ে রক্ত আর সিঁড়ির লেপা। হঠাৎ দেখলে মনে হয় পাথরটা যেন কার একখানা প্রসারিত মুখ—সত্যি সত্যিই যেন রক্ত খেয়েছে, যেন আরো রক্ত খাওয়ার জন্যে তাকিয়ে আছে তৃষ্ণার্ত চোখে।

সুন্দরলাল হঠাৎ দাঁড়িয়ে উঠল। একবার স্থির রক্ত চোখ মেলে তাকালো সকলের দিকে। তারপর টলতে টলতে এগিয়ে গিয়ে সোজা পাথরটার সম্মুখে আছাড়ে পড়ল। পায়ে লোহার নাগতোলা কাঁচা চামড়ার জুতা আর কুর্তীর পকেটের টাকাগুলোয় মিলে উঠল একটা চকিত যুগ্মধ্বনি।

কয়েক মুহূর্ত পরেই আবার উঠে দাঁড়াল সে। জামায় খানিকটা ধুলোর দাগ। একটু আগেই পান খেয়েছিল, মুখের দুপাশে খানিকটা

লাল রঙের গাঁজলা বেরিয়ে রয়েছে বীতংসভাবে। সকলের ওপর দিয়ে একবার তীক্ষ্ণ দৃষ্টি বুলিয়ে নিয়ে হঠাৎ সে তাণ্ডব তালে নাচতে শুরু করে দিলে।

সোৎসাংহে মাদল বেজে উঠল—ডুম ডুম করে উল্লাস জানালো নাগাড়া টিকরা। সুন্দরলালের ওপর ভর হয়েছে—শিং-বোঙার ভর। সাঁওতালদের চেতনার ওপর চাড়িয়ে পড়ল ভয় আর আনন্দের একটা বিচিত্র অম্লভূতি।

হেলেছুলে সুন্দরলাল নাচতে লাগল। মুগাঁর খানিকটা রক্ত সে হাতে মুখে মেখে নিয়েছে, এই মুহূর্তে তাকে পৈশাচিক বলে মনে হতে পারে। পায়ের কাঁচা চামড়ার জুতাটা দূরে ছিটকে পড়েছে—পকেটের টাকাগুলো সমান তালে বাজছে বন্ বন্ করে।

আকস্মিকভাবে সুন্দরলাল থেমে দাঁড়ালো।

অপ্রকৃতিস্থ চোখ দুটো যেন রক্তে ভিজিয়ে আনা। তার কণ্ঠে সেই দৈববাণীর স্বর :

—ঝড়ু সাঁওতাল, শুনহিস? আমি শিং-বোঙা, তোদের ডাকছি—
শুনহিস?

আরো জোরে জোরে টিকারা বাজতে লাগল, আকাশ চিরে উঠল মাদলের শব্দ। সাঁওতালেরা সাষ্টাঙ্গে প্রণিপাত করলে। ঝড়ু সাঁওতাল কাঁপা গলায় বললে, কী হুকুম বাবা?

—আমার কথা শোন। তোদের গাঁয়ে মড়ক লাগবে ‘হয়জা’র মড়ক!—
একটি প্রাণীও বাঁচবে না, মরে’ সব শেষ হয়ে যাবে। ‘করম’ দেবতার রাগ পড়েছে তোদের ওপর—তোদের কাউকে রাখবে না, কাউকেই নয়।

চম্কে মাদলের শব্দ থেমে গেল—হাত থেকে নাগাড়া টিকারা ধসে পড়ল। শালফুলের গন্ধে বাতাসের গতি যেন স্তব্ধ হয়ে রয়েছে।

সাঁওতালেরা হাহাকার করে উঠল। মেয়েদের মুখ থেকে বেরিয়ে এল ভয়ানক আর্তনাদ। এক সঙ্গে কলরব উঠলঃ কী উপায় হবে আমাদের বাবা ঠাকুর?

সুন্দরলালের কণ্ঠে দৈববাণীর স্বর আরো তরঙ্গিত হয়ে উঠেছে। ঝড় ওঠবার আগে ধুম্‌ধামে কালো মেঘে আবৃত ঈশান দিগন্তের মতো তার মুখ :

—উপায় আছে। নাড়া বাবার শিষ্য এই সাধু সুন্দরলালকে আঁকড়ে ধর। ও তোদের পথ দেখিয়ে নিয়ে যাবে, ওর সঙ্গে তোরা উত্তরে চলে' যা। সেখানে ঘর পাবি, জমি পাবি, এর চেয়ে অনেক স্বখে থাকবি।

আপত্তির ক্ষীণ প্রতিবাদ তুলে ঝড়ু মোড়ল বললে, কিন্তু বাবা, ঘরবাড়ী সব ফেলে—

—ঘর বাড়ী, ঘর বাড়ী! বিকৃত অক্ষুটিতে সুন্দরলালের রক্তমাখা কুটিল মুখখানা প্রেতের মতো দেখাতে লাগল : ঘরবাড়ী আঁকড়ে থেকে সব মরবি তা হলে। করম বাবা তোদের কাউকে আস্ত রাখবে ভেবেছিল! হাড় মাংস চিবিয়ে খাবে—মনে রাখিস। কুকুর বেড়ালের মতো মরবি সব।

সুন্দরলালের চোখ দুটো রক্তে ভিজিয়ে আনা। সেই দুটো চোখের ভেতর সাঁওতালেরা যেন ভাবী মহামারীর প্রতিচ্ছবি দেখতে পেল।

বনবাস ছেড়ে আবার সংসারের দিকে ফিরতেই হ'ল সুন্দরলালকে। উপায় নেই। 'করম' দেবতার কোপ থেকে এই নিরীহ সাঁওতালদের তার রক্ষা করতেই হবে। আর বিপন্নকে উদ্ধার না করলে তার কিসের সন্মাস।

সকালের আলোয় সাঁওতাল পরগণার বনশ্রী অপরূপ হয়ে উঠেছে। পাহাড়ে পাহাড়ে বসন্ত যেন আনন্দের উল্লাসে ভরজিত। ছোট ছোট গোলাপজ্বামের মতো সাদা মহুয়ার ফুল তিক্ত মধুর রসে পরিপূর্ণ হয়ে টুপটুপ ক'রে ধসে পড়ছে। ডালে ডালে সবুজের ছিট দেওয়া হরিয়ালের নাচ—ঘুঘুর একটানা করুণ ডাক।

গলার সামনে গাঁটির বাঁধা সুন্দরলালের ভুটিয়া খচরটা টুকটুক শব্দে ক্ষুদে ক্ষুদে পা ফেলে এগিয়ে চলেছে। পেছনে মাদল বাজছে—একটা অশ্রুট গানের গুঞ্জন। সাঁওতাল পুরুষেরা খর ছাড়ার দুঃখ ভোলবার জন্তেই কেউ হয়তো বাঁশিতে স্বর দিয়েছে। মেয়েদের মুখে কোনো ক্কাভের ইঙ্গিত নেই।

পথ চলবার আনন্দে তারা লীলায়িত, মাদলের ধনির সঙ্গে সঙ্গে তাদের কালো চুলে সাদা ফুলের মঞ্জরীগুলি ছলে উঠছে। বুধনীর চোখে স্বপ্ন-সহর, চুড়ি, তেল আর শাড়ী ! দেবতার হুকুম পেয়েছে সে।.....

.....আসামের চা বাগানে কুলি ঘোণানো কী যে অসম্ভব ব্যাপার, সেটা সাহেব জানে। কালো জরে দলে দলে লোক মরছে, আশপাশ থেকে একটি কুলি আনবারও জো নেই। বুধনীকে বাদ দিয়ে—আড়কাঠি হুন্দরলাশ হিসেব করতে লাগল : বুধনীকে বাদ দিলে, বেয়াল্লিশ জন কুলিতে তার কমিশন পাওনা হয় কত !

সাঁওতাল পরগণার বিমুক্ত প্রকৃতিকে পরিপ্লাবিত করে দিয়েছে বনস্তের অরুণ আনন্দধারা। সকালের হাওয়া লেগে পাগড়ী পথের ওপর কুঞ্চুড়ার একরাশ রাঙা পাপড়ি ঝুর ঝুর করে ঝরে পড়ল।

হাড

লোহার ফটকের ওপারে দুটো করাল দর্শন কুকুর। যে দৃষ্টিতে তারা আমার দিকে তাকাচ্ছিল সেটা বন্ধুত্ববাচক নয়। এক পা এগিয়ে আবার তিন পা পেছিয়ে গেলাম।

ফটকের বাইরে অনিশ্চিতভাবে দাঁড়িয়ে রইলাম খানিকক্ষণ। ফিরে যাব? শ্বামবাজার থেকে এতদূরে পয়সা খরচ করে এসে দুটো কুকুরের সঙ্গে দেখা করেই ফিরে যাব?

রায়বাহাদুর এইচ, এল, চ্যাটার্জি—ইন-ই তো বটে। কিন্তু ডাকি কাকে? দরওয়ানের ঘরটা বন্ধ। ওদিকে বাগানের একপাশে যেখানে চমৎকার গ্র্যাণ্ডিফ্লোরা ফুটেছে, একটা মালী ঝাঁজরি হাতে সেখানে কী যেন কাজ করছিল। আমাকে একবারও তার চোখে পড়েছিল কিনা জানিনা। না পড়াটাই স্বাভাবিক।

কিন্তু কী করি। চাকরীর উমেদার। বহু কষ্টে পরিচয়পত্র মিলেছে একখানা—পিতৃবন্ধু বলে একটা কথাও শুনেছিলাম। রায়বাহাদুর একটা কলমের খোঁচা দিয়ে দিলেই হয়ে যেতে পারে চাকরীটা। কাজেই এক সময়ে আমাকে দেখে হয়তো কারো কৌতূহল উদ্ভিত হয়ে উঠবে, আপাতত সেই শুভ মুহূর্তেরই প্রতীক্ষা করা যাক। গেটের সামনে পাগচারি স্নরু করে দিলাম।

প্রসারিত রাসবিহারী অ্যাভিনিউ। মোটর-ট্রাম-মানুষের অবিচ্ছিন্ন স্রোতোধারা। মাথার ওপর এরোপ্লেনের পাখার শব্দ—জাপানী-দস্যুর আক্রমণ আশংকায় পাহারা দিচ্ছে। দি লায়ন হাউস উইংস!

—গব্ব-ব্ব-ব্ব—

পেছনে ক্রুদ্ধ গর্জন। চমকে তাকিয়ে দেখি একটা মহাকায় কুকুর চলে এসেছে একেবারে গেট পর্যন্ত। আর লোহার রেলিঙের ভেতর দিয়ে বাইরে বের করে দিচ্ছে ভোঁতা সিক্ত নাকটা। চোখ দুটোতে সোনালি আগুন জ্বলজ্বল করছে—ঝকে উঠছে দুটো নতুন গিনির মতো। কয়েকটা হিংস্র দন্ত বিকাশ করে আবার বললে, গব্ব-ব্ব-ব্ব—

লক্ষণ স্তব্ধের নয়। ‘শকটং পঞ্চহস্তেন’—শাস্ত্রকারেরা বোধ হয় কুকুরের মহিমা টের পাননি তখনো। গেটের সামনে থেকে আরো দু পা দূরে এসাম। আশা ছাড়তে পারছিল। উমেদারের আশা অনন্ত।

একটু দূরে মনোহরপুকুর পার্ক। আপাতত মনোহর নয়—বুড়ুকুর কলোনী বসেছে সেখানে। নগরীর নির্মল স্ফটিক জলে জোয়ারের টানে ভেসে আসা একরাশ দুর্গন্ধ আবর্জনা। চীৎকার করছে, কলহ করছে, পরস্পরের মাথা থেকে উকুন বাছছে, জানোয়ারের মতো ঝুকে পড়ে কালো জিভ দিয়ে খাচ্ছে হাইড্রেনের ময়লা জল। সহানুভূতি আসেনা, বেদনা আসেনা, শুধু একটা অহেতুক আশংকায় মনটা শিউরে উঠে শিরশির করে। দেশজোড়া ক্ষুধা যেন মা-কালীর মতো রসনা মেলে দিয়েছে—এ ক্ষুধার আগুন কবে নিভবে কে জানে। একমুঠো ভাত আর এক খাবলা বাজরাই কি যথেষ্ট এর পক্ষে? আরো বেশি—আরো বেশি—এমন কি রাসবিহারী অ্যাভিনিউয়ের এই ছবির মতো বাড়ীগুলো পর্যন্ত?

বাতাসে একটা গন্ধের তরঙ্গ এল। না, বুড়ুকুদের নোংরা গন্ধ নয়, গ্র্যাণ্ডিফ্লোরার উগ্রমধুর এক ঝলক স্মৃতি। অ্যাসফল্টের চওড়া রাস্তা, কালো মার্বেল বাঁধানো সিঁড়ি, রঙীন কাচ দেওয়া জানালায় সিল্কের পর্দা, চীনা-মাটির টবে কম্পমান অর্কিড।

—কাকে চাই আপনার?

মিষ্টি মধুর কণ্ঠ—ম্যাগোলিয়ার গন্ধের সঙ্গে যেন তার মিল আছে।

তাকিয়ে দেখি গেটের ওপারে কোথা থেকে একটি ষোড়শী এসে ঠাড়িয়েছে। স্বাস্থ্য-সমুজ্জল দীর্ঘকায়ী একটি গৌরাদ্বী মেয়ে। ট্রাউজার পরা, সঙ্গে ছোট একটি সাইকেল। আবার প্রশ্ন হল : কী দরকার ?—এই চুপ !

গর্জন বন্ধ করে শান্ত হয়ে দাঁড়াল কুকুরটা। মেয়েটির মুখের দিকে মুখ তুলে প্রসাদাকাজ্ঞীর মতো লুক্কভাবে লেজ নাড়তে লাগল।

ভীত শুকনো গলায় বললুম, রায়বাহাদুর আছেন ?

—বাবা ? ইঁ আছেন বই কি।

—একটু দেখা করা সম্ভব হবে ?

—আম্নন।

লোহার ফটক খুলে গেল। অ্যাসফল্টের রাস্তায় এবার বিস্তৃত আমন্ত্রণ। উজ্জল ময়ূপ পথ—আমার তালি দেওয়া জুতোটার চাইতে অনেক পরিষ্কার :

সবুজ পর্দা সরিয়ে ভেতরের কার্পেটে পা দিলাম। নীল রঙের একটু শিথল আলোয় ঘরটা আচ্ছন্ন হয়ে আছে। সেটির ওপর পা তুলে আশোষায় অবস্থায় এক ভদ্রলোক কী পড়ছিলেন। আমাকে ঘরে ঢুকতে দেখেই উঠে বসলেন।

নমস্কার প্রতি নমস্কারের পালা শেষ হল। ভদ্রলোক বললেন, বহ্নন। কী দরকার ?

স্পন্দিত বৃকে পরিচয়পত্রখানা বাড়িয়ে দিয়ে আসন নিলাম।

রায়বাহাদুর ধামধানা খুলে মনোনিবেশ করলেন চিঠিতে আর আমি মাঝে মাঝে ভীক দৃষ্টিতে তাঁকে লক্ষ্য করতে লাগলাম। ভারী গোল একখানা মুখ—টকটকে ফরসা স্বকের ভেতর দিয়ে যেন রক্ত-কণিকা বাইরে ফুটে বেরিয়ে পড়ছে। ব্লাড-প্রেশার কথাটার ডাক্তারী সংজ্ঞা জানিনা, কিন্তু কথাটার বাংলা অর্থ যদি রক্তাধিক্য হয় তা হলে ভদ্রলোক নিশ্চয়ই ব্লাড-প্রেশারে ভুগছেন !

নিঃশব্দ কয়েকটি মুহূর্ত। কোথায় একটা যদি টিক টিক করছে। হাড়ায়

উড়ছে রায়বাহাদুরের কিমানোর হাতাটা। বাঁ হাতের অনামিকায় অমন জলজল করছে কী ওটা? হীরাই নিশ্চয়।

চিঠি পড়া শেষ করে রায়বাহাদুর আমার মুখের দিকে তাকালেন। চোখের দৃষ্টি শান্ত আর উদার। অবচেতন মন থেকে কেমন একটা আশ্বাস যেন মাথা চাড়া দিয়ে উঠল, হয়তো হয়েও যেতে পারে চাকরীটা।

—প্রমথর ছেলে তুমি? আরে তা হলে তো তুমি আমার নিজের লোক। তোমার বাবা আর আমি—ফরিদপুরে ঈশান ইন্সুলে একসঙ্গেই পড়েছিলাম। প্রমথ? ও, হি ওয়াজ্, এ নাইস্ বয়!

আমি বিনয়ে মাথা নত করে রইলাম।

—তোমার বাবা যখন রেজিগ্নেশন দেয়, সে খবর আমি পেয়েছিলাম। ছোটবেলা থেকেই ও খুব স্পিরিটেড, অগ্নায় কখনও সহিতে পারত না। নইলে এত সহজে অমন চাকরী ছেড়ে দিলে। অ্যান্‌ এক্সেসপেনসনাল বয় হি ওয়াজ্!

নিরুত্তর হয়ে থাকা ছাড়া আর কী করা যায়। পিতৃ-প্রশংসায় বিনীত হয়ে থাকাই উচিত ভক্ত সন্তানের।

—তারপর, চাকরী পাচ্ছনা যুদ্ধের বাজারে? এম-এ পাশ করে কেরান্টি-গিরির উমেদারী করছ? বাঁ এ ম্যান ইয়াং ফ্রেণ্ড, বেরিয়ে পড়ো অ্যাডভেঞ্চারে। চাকরী নাও অ্যাক্টিভ সার্ভিসে, ভিড়ে পড়ো নেভিতে।

বললাম, নানারকম অস্থবিধে আছে, অনেককে দেখা শোনা করতে হয়। তা ছাড়া একটা অনিশ্চিত অবস্থার মধ্যে—

—অনিশ্চিত!—তীক্ষ্ণ হয়ে উঠল রায়বাহাদুরের দৃষ্টি: জীবনটাই তো অনিশ্চিত হে ছোকরা। আমিও একদিন নিজেকে ভাসিয়ে দিয়েছিলাম অনিশ্চয়তার মধ্যে। সিঙ্গাপুরে কাটিয়েছি দশ বৎসর, ভেসে গেছি হাওয়াই, ম্যানিলা, তাহিতি, ফিলিপাইন, মিকাদোর দেশে জাপানে। পৃথিবীটাকে চোখ মেলে না দেখলে বাঁচবার অর্থ নেই কোনো।

—তা বটে।—আমি ক্লিষ্টভাবে হাসলাম। রায়বাহাদুরের কথাগুলো ভালো, অত্যন্ত মূল্যবান। অ্যাডভেঞ্চার নেই বলেই তো বাঙালীর সমস্ত প্রতিভা ব্যর্থ হয়ে গেল। কিন্তু ভালো কথা জানলেই কি ভালো হওয়া যায়? যুদ্ধকে ভয় করি আমি, সাইরেনের শব্দে আমার বৃকের ভেতরটা থর থর করে কেঁপে ওঠে। ইউ-বোট বিঘ্নিত ফেনিল সমুদ্রে নিরুদ্দেশ-যাত্রা আমাকে কবি-কল্পনায় উদ্ভুদ্ধ করে তোলে না। তা ছাড়া পৈতৃক অর্থে প্রশান্ত মহাসাগরের স্বপ্নরাজ্যে ভেসে বেড়ানো, আর বোমারু ঈগলের মৃত্যু-চঞ্চুর তলায় দূরবীণের শাণিত চোখ মেলে অ্যাক্টি-এয়ারক্রাফট নিয়ে প্রতীক্ষা করা—আমার সন্দেহ হয় এ দুটোর মধ্যে অনেকখানি অসঙ্গত ব্যবধান আছে।

পাইপে আগুন ধরিয়ে রায়বাহাদুর বললেন, কত জায়গাতে ঘুরেছি আমি। হাওয়াইয়ের সেই হলুহলা ড্যান্স, স্টিভেনশন ব্যালেন্টাইনের প্রবাল-দ্বীপের দেশ, ফিলিপাইনের যাহুবিজা। বিচিত্র সব কালেক্শান আমার, দেখবে?

কালেকশান দেখবার মতো মনের অবস্থা নয়। পঁচিশ টাকার প্রাইভেট ট্যাক্সি আছে একটা, এখনি বেরিয়ে পড়তে হবে সেই উদ্দেশ্যে। কিন্তু পিতৃ-বন্ধু রায়বাহাদুরকে চটানো চলে না, তাঁর কলমের একটা জাঁচড়েই হয়ে যেতে পারে চাকরীটা।

উঠে জোরালো একটা ইলেক্ট্রিকের আলো জাললেন রায়বাহাদুর। তারপর ঘরের এক কোণে একটা লোহার আলমারী খুললেন তিনি। তার ভিতর থেকে বেরিয়ে এল কালো ভেলভেটের একটা বাস্ম, সেটা এনে রাখলেন আমার সামনে। ঢাকনাটা খুলে বললেন, দেখেছ?

দেখলাম, কিন্তু একী কালেকশন! কতগুলো ছোট বড় হাড়ের টুকরো। প্রত্যেকটার সঙ্গে একখানি করে নম্বরের ছোট লেবেল ঝুলছে। আশ্চর্য হয়ে বললাম, হাড় নাকি এগুলো?

—হাঁ, হাড় বই কি।—আমার মুখোমুখি হয়ে বসলেন রায়বাহাদুর :
কিন্তু সাধারণ হাড় নয়। এদের প্রত্যেকের বিস্তৃত পরিচয় আছে,
অমাহুযিক সব গুণ আছে। সমস্ত প্যানিফিক ঘুরে আমি এদের সংগ্রহ
করেছি। কিন্তু ওয়ান মিনিট প্রীজ—স্বষি মাদার ?

স্বষি ঘরে ঢুকল। সেই মেয়েটি।

—ডাকছ বাপী ?

—আমাদের চা—

—বলছি এখুনি—নাচের ভঙ্গিতে সমস্ত তনু দেহটিতে একটা দোলা দিয়ে
স্বষি বেরিয়ে গেল।

রায়বাহাদুর আবার আমার দিকে দৃষ্টি প্রসারিত করলেন ! তারপর
দামী দুর্লভ একষণ্ড হীরার মতো পরম স্বল্পে একটুকরো হাড় তুলে আনলেন
বাক্স থেকে।

—বলতে পারো, কিসের হাড় এটা ?

নিশ্চয়ই ভয়ানক একটা কিছু। ভয়ে ভয়ে বললাম, গরিলা ?

ননসেন্স !—রায়বাহাদুর প্রচণ্ড একটা ধমক লাগালেন আমাকে :
প্রশান্ত মহাসাগরে গরিলা থাকে শুনেছ কখনো ? এটা রোডেশিয়ানের
স্বজাতীয় কোনো আদি-মানবের চোয়ালের হাড়।

—রোডেশিয়ান ?

—হাঁ, রোডেশিয়ান।—রায়বাহাদুর স্পষ্ট অপ্রসন্ন হয়ে উঠলেন :
রোডেশিয়ানের নাম জানানো ? অর্ধেক মাহুয, অর্ধেক গরিলা, মাত্র কয়েক
শো বছর আগেও পৃথিবীতে অস্তিত্ব ছিল তাদের।

বোকার মতো বললাম, আজ্ঞে হাঁ, জানি বই কি।—অবচেতন মনের
কাছে স্বরটা যেন বাজলো মোসাহেবীর মতো। কিন্তু উমেদারী করতে হলে
মোসাহেবী তো অপরিহার্য।

—এটা সেই রোডেশিয়ান ক্লাশের কোনো জীবের হাড়—মাহুযেরও

বলতে পারো। কোথায় পেয়েছি জানো? মিণ্ডানাও দ্বীপে কাটাবাটু বলে জায়গা আছে একটা। তারই কাছাকাছি একটা গাঁয়ের সর্দারের কাছ থেকে এই হাড় আমি কিনেছিলাম। কত দাম দিয়ে কিনেছিলাম বলতে পারবে?

ধমক ষাওয়ার ভয়ে স্পষ্ট উত্তর দিতে সাহস হলনা। বললাম, অনেক দাম হবে নিশ্চয়।

—নিশ্চয়। পাচ হাজার টাকা।

—পাঁচ হাজার টাকা!—রায়বাহাদুরের হাতের তেলোয় ওই বস্তুটির দিকে স্তম্ভিত দৃষ্টিতে তাকিয়ে রইলাম আমি। ইঞ্চি তিনেক লম্বা, চ্যাপটা আকৃতির, অনেকটা ছুরির ফলার মতো দেখতে। বিবর্ণ হয়ে যাওয়ায় হরিদ্রাভ রং ধরেছে, রায়বাহাদুরের বিকটকায় কুকুরগুলোর নোংরা দাঁতের মতো।

—খুব বেশি মনে হচ্ছে? মোটেই নয়। এর ইতিহাস শুনলে তুমি—

দূর থেকে একটা তীব্র কোলাহলে বাকী কথাগুলো উড়ে গেল মুহূর্তে। বাইরের পথে ট্রামের শব্দ, ঘরের ঘড়িটার টিকটিক করে ছন্দোবদ্ধ স্বর বজার—সব কিছুকে ছাড়িয়ে সেই কোলাহল কানে এসে আঘাত করে। কিন্তু কলরবটা অপরিচিত নয়, কোনো অজ্ঞাত কারণে ক্ষুধার্ত জনতার সমুদ্র উত্তাল হয়ে উঠেছে।

রায়বাহাদুরের মুখ অপ্রসন্ন হয়ে উঠল: পার্কের ওই ডেসটিচুটগুলোর জালায় রাতে আর ঘুমোনো যায় না। বোধ হয় খাবার-দাবার কিছু মিলেছে তাই এই চীৎকার। খেতে না পেলে চীৎকার করবে, খেতে পেলেও তাই।

সবুজ পর্দা সরিয়ে একটা ট্রে নিয়ে বেয়ারা ঘরে ঢুকল। চা, খাবার। পিতৃদেবের বস্তুটো রায়বাহাদুর সত্যি সত্যিই মনে করে রেখেছেন দেখা যাচ্ছে। এ যাত্রা বোধ হয় হয়েই যাবে চাকরীটা।

রায়বাহাদুর বললেন, নাও।

বিনা বাক্যব্যয়ে একটা প্লেট কাছে টেনে নিলাম। ক্ষিদেও পেয়েছে বিলক্ষণ। বেলা এগারোটায় মেস থেকে খেয়ে বেরিয়েছি, বেলা সাড়ে পাঁচটা বেজে গেছে এখন। এর মধ্যে এক কাপ চা খাইনি, একটা সিগারেট পর্যন্ত নয়।

দূরে আবার সেই বুড়ুসুদের চাঁৎকার। ডাষ্টবিন উন্টে ফেলে দিয়ে যেমন করে সচাঁৎকারে বগড়া করে কুকুরের দল। মনশ্চক্ষে দেখতে পাচ্ছি ওরা গোগ্রাসে গিলছে, খিচুড়ির ড্যালা গলায় আটকে চোখ যেন ঠেলে বেরিয়ে আসছে ভেতর থেকে, অথচ আরো পাওয়ার জন্তে অবরুদ্ধ হুরে আতঁনাদ করছে। আর আমরা এখানে চা খাচ্ছি কত মাজিত, কত সংযত আর ভদ্রভাবে। মুখটা সিকি ইকি ফাঁক করে দাঁতের কোণে কেঁক্ কাটছি— উদ্দেশ্যটা যেন খাওয়া নয়, ঘাসের শীষ চিবানোর মতো দাঁতের একটুখানি বিলাসিতা মাত্র। চায়ের কাপে এমনভাবে চুমুক দিচ্ছি যে এতটুকু শব্দ হচ্ছে না—ঠাটের আগায় আল্গাভাবে চুষনের মতো একটু ছোঁয়াচ লাগছে। গপ্‌গপ্‌ করে গেলা, হস্‌ হস্‌ করে শব্দ করা—জীবনের সমস্ত এস্‌থেটিক আনন্দ তাতে বিশ্বাস হয়ে যায়। খাওয়াটা যেমন স্থূল, তেমনি গ্রাম্য হয়ে ওঠে।

মুখ থেকে চায়ের পেয়ালা নামিয়ে রায়বাহাদুর বললেন, হাঁ, কী বলছিলেন? এই হাড়খানা। বড় বিচিত্রভাবে সংগ্রহ করেছিলেন এটাকে। ওখানকার সর্দার এখানাকে পরত মুকুটে। কারণ যার মাথায় এই হাড় থাকবে সে হবে যুদ্ধে অজেয়—শত্রুর হাজার অস্ত্রাঘাতও তার কোন অনিষ্ট করতে পারবেনা। ওদের কোন এক বাহুর পুরোহিত একে মন্ত্র সিদ্ধ করে দিয়েছিলেন। অনেক বটে আমি এটাকে যোগাড় করি, কিউরিয়ার অপূর্ব নমুনা হিসেবে। ওয়েল ইয়াং ম্যান, বাহুবলিয়ার বিশ্বাস করো তুমি?

সন্ধ্যা ঘনিয়ে আসছে ঘরের মধ্যে। মনোহরপুত্র পার্ক থেকে অবিচ্ছিন্ন চাঁৎকার। বাহুবলিয়ার বিশ্বাস করি বই কি। শশ্রুশ্রামল লক্ষ্মীর ভাণ্ডার

বাংলা—হরিবর্ষদেব, শশাঙ্ক-নরেন্দ্রের তলোয়ার ঝলসিত বাংলা। কার মস্তবলে সেই বাংলা থেকে উঠে এল এই প্রেতের দল ? মাঠভরা ফসল কার মস্ত্রে নিশ্চিহ্ন হয়ে মিলিয়ে গেল, একটি কণাও পড়ে রইলনা কোনখানে ? বাহুবলিয়ার বিশ্বাস না করে উপায় কী।

বললাম, হাঁ, ইয়ে—কত রকম ব্যাপারই তো আছে, বিজ্ঞান দিয়ে তার—

—দেয়ার ইউ আর—হু' নম্বরের হাড়খানা হাতে তুলে রায়বাহাদুর বললেন, আমিও সেই কথাই বলছি। স্টিভেনশনের সেইসব গল্পগুলো পড়োনি ? দেখতে দেখতে একটা সাধারণ মানুষ সাড়ে তিন শো হাত লম্বা হয়ে ওঠে, বড় বড় পা ফেলে পার হয়ে যায় সমুদ্র, আর জলের তলায় নিমজ্জিত সব নাবিকদের ককালগুলো সেই অতিকায় পায়ের চাপে গুঁড়িয়ে যায় মড় মড় করে ? তাহিতির আকাশে ঝড়ের কালো মেঘ রক্তের মতো রাঙা হয়ে ওঠে, ক্ষাপা বাতাসের সঙ্গে সঙ্গে আগুনের হুকা বয়ে যায়, আকাশ থেকে যে বৃষ্টির ধারা নেমে আসে, তা জল নয়, টকটকে তাজা রক্তের ফোঁটা। আর কেমন করে হয় জানো ? এইরকম—ঠিক এমনি একখানা হাড়ের গুণে।

ভীত শঙ্কিত দৃষ্টিতে আমি সেই হাড়ের দিকে তাকালাম। অল্প সময় হলে এসব কথা গল্পিকার মহিমা-প্রসূত মনে হত কিন্তু সমস্ত আবহাওয়াটাই যেন এই সমস্ত কাহিনীর জগ্নেই প্রসূত হয়ে আছে। ধরের মধ্যে জলছে জোরালো বিদ্যুতের আলো। গ্র্যাণ্ডক্লোরা আর রায়বাহাদুরের পাইপ থেকে কড়া তামাকের গন্ধ। হাওয়ায় জানালার নীল পর্দাগুলো প্রশান্ত মহাসাগরের নীল তরঙ্গ-মালার মতো দোল খাচ্ছে। রায়বাহাদুরকে মনে হল যেন অপরিচিত দেশের সেই অভূতকর্মা যাদুকর—তাঁর হাতের হাড়ে মুহূর্তে ভেল্কি লাগতে পারে।

—পূর্ণগ্রাস সূর্যগ্রহণের সময় পূজো করে কুমারী মেয়েকে বলি দেয় ওরা। তারপর তাকে পুড়িয়ে হাড়গুলো যা থাকে তা মাটির তলায় পুঁতে দেয়।

সাত বছর পরে মহাসমারোহে সে হাড় তুলে আনা হয়, ফেলে দেওয়া হয় সমুদ্রে। সে হাড় যে জলের তলা থেকে তুলে আনতে পারে সেই হয় এই ষাটুবিদ্যার মালিক। ষত প্রেতাত্মা সব তার অমুচর হয় তখন, সে যা খুশি তাই করতে পারে। তাল তাল পাথর তার ক্ষমতায় সোনা হয়ে যায়, তার আদেশে লতা-পাতাগুলো অজগর সাপ হয়ে ফণা তুলতে পারে—

আমি বসে রইলাম মন্ত্রমুগ্ধের মতো। রায়বাহাদুরের চোখ দুটো জ্বলছে, হাতের হীরাকাটা জ্বলছে, জ্বলছে বলি-দেওয়া সেই কুমারী মেয়ের হাড়খানা, নীল পর্দাগুলো জ্বলছে, আগুনের মতো জ্বলছে অতি তীব্র শক্তির বৈদ্যুতিক আলোটা। সমস্ত ঘরটা যেন জ্বলন্ত। আর সেই জ্বলন্ত ঘরের মাঝখানে মিলিয়ে যাচ্ছে ম্যাগ্নোলিয়ার গন্ধ, পাইপের তামাকের গন্ধ, ভেলভেটের বাস্ক থেকে উঠে আসা কী একটা ঔষধ-গন্ধ। মনে হল যেন আমার সামনে একটা আগুনের কুণ্ড জ্বলছে, তার লকলকে আগুনে পুড়ে যাচ্ছে একতাল কাঁচা মাংস—তামাটে ধোঁয়ায় ছড়িয়ে পড়ছে দগ্ধ মেদ আর চুলের অত্যুগ্র দুর্গন্ধ—যেন আমার নিশ্বাস বন্ধ হয়ে এল।

—চাট্টি ভাত দাও মা—একটুখানি ফ্যান—

মোহ ভেঙে গেল মুহূর্তে। তাহিতি দ্বীপে মানুষ পুড়ছে না, পুড়ছে কলকাতায়। বুভুক্ষার লেলিহান শিখায়। রাসবিহারী অ্যাভিনিউয়ে বিরাম নেই ট্রাক্কির। ট্রাম চলছে, মোটর চলছে, চলছে ‘স্বপ্নসম লোকযাত্রা’। কিন্তু সব কিছুকে ছাড়িয়ে ছাপিয়ে ওই চীৎকার এসে যা দিচ্ছে কানে। কী অস্বাভাবিক গলার জোর, কী দানবীয় আর্তনাদ! মরবার আগে মানুষের গলার স্বর কি ওই রকম গগনভেদী হয়ে ওঠে!

রায়বাহাদুর আবার ক্রকুঞ্চিত করলেন বিরক্তিতে। শব্দটা তারও কানে এসেছে। বড় বেশি প্রত্যক্ষ, বড় বেশি বাস্তব। মানুষের ক্ষুধাটা বড় বেশি নয়। এক মুহূর্ত ভুলে যাওয়ার জো নেই, তলিয়ে যাওয়ার উপায় নেই কোথাও। কোথায় তাহিতি-ম্যানিলা-হনোলুলু বাহু-রাজ্য, আর কোথায়—

কিন্তু আমার মনে পড়ে গেল তাঁর দরজায় দুটো করালদর্শন এবং করাল দর্শন কুকুর। নতুন গিনির মতো ঝকঝকে পিঙ্গল চোখ মেলে তারা পাহারা দিচ্ছে, কোনো অনাহুত রবাহুতের সাধ্য নেই তাদের সতর্ক প্রহরী এড়িয়ে এ রাজ্যে অনধিকার প্রবেশ করে। এ যাহুমন্ত্রের দেশ। বাইরের পৃথিবীতে যত ক্ষুধাই উত্তাল হয়ে উঠুক না কেন, এখানকার ফলের গন্ধ, রায়বাহাড়রের হাতের জলজলে হীরাখানা অথবা নীল পর্দার গায়ে বিদ্রুতের আলো—কোনোখানে তার এতটুকুও বৈলক্ষ্য দেখা দেবে না।

—এই হাড়গুলো আমার বহু যত্নের কালেকশন। অনেক আছে, প্রত্যেকটারই এইরকম সমস্ত গুণ। প্যাসিফিক ঘুরবার সময় এগুলো সংগ্রহ করাই ‘হবি’ ছিল আমার। ভাবছি এই নিয়ে বই লিখব একখানা।

কেমন যেন অস্বস্তি লাগছে। কেবলই মনে হচ্ছে একটা অমাতৃষিক গন্ধ আসছে নাকে, আগুনের গন্ধ, পোড়া মাংসের গন্ধ। পালাতে পারলে যেন বেঁচে যাই। কিন্তু চাকরীটা! রায়বাহাড়রের কলমের এক আঁচড়, মাত্র একটি আঁচড়েই সেটা হয়ে যেতে পারে।

—হাড় জোগাড় করেছি, কিন্তু মস্তগুলো পাইনি। সেগুলো অনধিকারীকে শেখায় না ওরা। যদি পাওয়া যেত—রায়বাহাড়র হাসলেন—যদি পাওয়া যেত তা হলে এতদিনে কত কী অঘটন ঘটিয়ে বসতাম কে জানে। হয়তো সমস্ত পৃথিবীর চেহারাই বদলে যেত মস্তবলে। আর এই যে ছোট্ট দাঁতটা দেখছি, এটা—

অস্তিরাজ্য থেকে যখন মুক্তি পেলাম, রাত তখন নটার কাছাকাছি।

উপসংহারে রায়বাহাড়র বললেন, ইয়াং ম্যান, কেন পঞ্চাশ বাট টাকার চাকরীর জন্য বোরাঘুরি করছ? বী কারেজিয়াস! ভাগ্যের সন্ধ্যানে বেরিয়ে পড়ো, নাম লেখাও অ্যাক্টিভ সার্ভিসে! সামনে পড়ে রয়েছে সমুদ্র, পড়ে রয়েছে পৃথিবী। কেরাগীগিরি করে কী হবে?—

ক্লান্ত নিরাশ গলায় বললাম, তা বটে, কিন্তু চাকরীটা পেলে—

—ওই চাকরী চাকরী করেই উচ্চ গেল দেশটা।—রায়বাহাদুর উদ্দীপিত হয়ে উঠলেন : তুমি প্রমথর ছেলে। তোমার বাবা, হোয়াট এ স্পেন্‌ডিড বয় হি ওয়াজ ! বাপের নাম রাখতে হবে তোমাকে। একটা নগণ্য কলম-পেশার চাকরীর মধো নিজের সমস্ত ফিউচারকে নষ্ট করে দিয়োনা। আই উইস ইউ অল সাক্সেস্‌ ইন্‌ লাইফ। আচ্ছা, গুড্‌ নাইট—

—নমস্কার—

ব্ল্যাক-আউটের আলোহীন পথ। উপদেশের বোঝা ঘাড়ে করে ভারী পায়ে চললাম এগিয়ে। ট্যশনিতে আজ আর যাওয়া হলনা। ছাত্রের বাবা মহাজন লোক, পাই পয়সা বাজে খরচ করেন না। একদিনের মাইনে কেটে নেওয়া বিচিত্র নয়।

সামনে ডাস্টবিন। পাশের অবগুষ্ঠিত ল্যাম্পপোস্ট থেকে একটা ছোট আলোকচক্র পড়েছে তার ওপর। তিন চার জন অমাহুযিক মানুষ তার ভেতর হাত ডুবিয়ে খুঁজছে ঋণ। একটু দূরেই একটা কঙ্কালসার কুকুরের ছায়ামূর্তি—নতুন প্রতিযোগীদের কাছে ভিড়বার ভরসা পাচ্ছে না। কাঠির মতো হাত-পা আর বেলুনের মতো পেট-ওয়ালা একটা ছোট ছেলে দু'হাতে কী চুষছে প্রাণপণে। হাড় ? হাঁ, হাড়ই তো।

আমি ধমকে ধেমো দাঁড়ালাম। কোথায় একটা সাদৃশ্য বোধ—সেই বলি-দেওয়া কুমারী মেয়ের হাড়খানার মতোই দেখতে। যার গুণে তাহিতির আকাশে কধিরাক্ত মেঘ ভেসে ওঠে, ঝড়ের সঙ্গে সঙ্গে আগুনের কাপটা বয়ে যায়, ঝর ঝর করে ঝরে তাজা রক্তের বৃষ্টি। কলকাতার আকাশেও কি মেঘ করেছে, ভালো করে তারাগুলীকে দেখতে পাচ্ছি না? ওই কালো আকাশের রঙ আগুনের মতো লাল হয়ে উঠবে কবে, এই ম্যাগোলিয়ার গন্ধ-জড়িত মিঠে হাওয়ায় ঝড়ো আগুনের বলক লকলক করে বয়ে যাবে কবে ?

হাড় ওরা পেয়েছে, কেবল মস্ত পাওয়াটাই বাকী।

নীলনা

বাংলাদেশের বাণিজ্যিক মানচিত্রটা খুলে ভাস্করের চোখে পড়েছিল উত্তর থেকে পূর্ব বাংলার বুক অবধি পৈতের মতো টানা রেখায় ‘স্বগার কেন’ লাইন। আর উত্তর বাংলার এই সীতাগঞ্জ জায়গাটা তার অগ্রতম প্রধান কেন্দ্র। আধ মাড়াইয়ের পর্ব শেষ হলেই দশমনী কড়াইতে গুড় জ্বাল শুরু হয় চারিদিকে আর সারা বছর সেই গুড় চালান হয় বাংলার নানা অঞ্চলে। শুধু পরিমাণই নয়, উৎকর্ষের দিক থেকেও এখানকার গুড়ের জুড়ি খুঁজে পাওয়া যাবে না। ওপরটায় স্বগন্ধি মধুর মতো তরলাংশ ভাসতে থাকে, তার তলায় মিছরির মতো দানাদার গুড় জমাট বাঁধে। রসটা শুকিয়ে নিলে সে গুড় জ্বাভা চিনির কাছাকাছি গিয়ে দাঁড়ায়।

মারোয়াড়ী ফিনান্সার প্রস্তাবটা শুনে লাফিয়ে উঠল। ভাস্করের ওপরে তার অখণ্ড বিশ্বাস। সারা ভারতবর্ষে তার মস্তবড় কারবার, ধানের কল, পাটের কল, আমেদাবাদের এজেন্ট। মানুষ চিনতে তার ভুল হয় না। বললে বেশ তো, চটপট জমি ইজারা নিয়ে ‘মিসিন’ বসিয়ে দিন। আপনাকেই আমি ম্যানেজার করে পাঠাব।

অতএব একদিন কলকাতা থেকে সমস্ত বন্দোবস্ত করে নিয়ে ফার্স্ট ক্লাস কামরাতে রওনা হল ভাস্কর। জেলা স্টেশনের জংশনে গাড়ী বদল করে ব্রাহ্ম লাইনের ট্রেনে দু’ঘণ্টা মস্তুর যাত্রা শেষ করে অত্যন্ত নগণ্য একটা স্টেশনে এসে সে নামল। দিন সাতেক ডাক বাংলায় কাটিয়ে গোরুর গাড়ী আর সাইকেলে ছুটোছুটি করে আর তাড়ায় তাড়ায় নোট বিলিয়ে সব ঠিক হয়ে গেল। সাইডিঙে তিন চারটে লাইন বেরিয়ে গেল মিলের সাইট পর্যন্ত, এল ওয়াগন বোকাই লোহা লকড় আর স্বল্পপাতি, এল ক্রেন। তারপর দেখতে

দেখতে বিশাল চিনির কলের বিরাট লৌহমূর্তি উঠল আকাশের বক বিদীর্ণ করে, বয়লারে জলতে লাগলো আগুন। চেনে, চাকায়, জু আর বন্টুতে, সিম ফার্নেসে, সীতাগঞ্জ আর মতিহারীর গাড়ী গাড়ী আখ হাজার হাজার মণ চিনিতে রূপান্তরিত হয়ে বেরিয়ে আসতে লাগল। বক্বকে উজ্জল তার গুভতা, ইলেকট্রিকের আলোয় একরাশ মুক্তো চূর্ণের মতো সে চিনি ঝলমল করতে লাগল।

ম্যানেজার ভাস্কর কিন্তু বাঙালী নয়। জাতে সে মাদ্রাজী, তার পুরো নাম ভাস্কর নটরাজন।

অল্প বিশ্ববিদ্যালয়ের নামী ছাত্র সে, স্ট্যাটিস্টিক্সে তার রেকর্ড। হীরালাল নাথমলের ফার্মে ঢুকেছিল মাঝারী গোছের একটা চাকরী নিয়ে। কিন্তু কয়েক বছর পরে মালিকের নেক নজর তার ওপর এসে পড়ল। তারপর থেকেই নিরবিচ্ছিন্ন আরোহণের ইতিহাস এবং পরিশেষে বারোশো টাকা মাইনেতে এল সীতাগঞ্জ হীরালাল সুগার মিলের জেনারেল ম্যানেজার হয়ে।

ফাঁকা মাঠটা ইন্দ্রপুরী হয়ে গেছে। ইলেকট্রিকের আলো, বাবুদের কোয়ার্টার, কুলীদের শেড! পীচের রাস্তাটা মোটরের তেলে আরো চক্চকে যেন ইম্পাতের পাতের মতো জলে উঠছে। লরী, ওয়াগন আর ট্রলীর সমারোহ।

সন্ধ্যার পরে কোয়ার্টারের দোতলায় একগাদা অ্যাপ্লিকেশন নিয়ে বসেছিল ভাস্কর। খবরের কাগজে বিজ্ঞাপন দিয়েছিল একজন পার্সোনাল সেক্রেটারীর। অ্যাপ্লাই উইথ ফটো। বলা বাহুল্য, মহিলা সেক্রেটারীই তার দরকার।

মাথার ওপর বৌ বৌ করে ঘুরছে পাখা। বিদ্যুতের আলোয় সে পাখাটার বিচিত্র চলচ্ছায়া ঘরময় খেলা করছে, মনে হচ্ছে কোথায় যেন উড়ছে প্রায় অশরীরী একটা বিরাট পতঙ্গ। ঠোঁটের কোণে পুড়ছে কড়া সিগার।

দরখাস্ত এসেছে অনেকগুলো, দুটি অ্যাংলো ইণ্ডিয়ান ছাড়া সবই বাঙালী মেয়ে। অ্যাংলো ইণ্ডিয়ানদের দরখাস্ত সে অবশ্যে দূরে সরিয়ে রেখেছে। ওই সম্প্রদায়ের মেয়েদের ওপরে তার একটা সহজাত বিতৃষ্ণা আছে আর বাঙালী মেয়েদের প্রতি আছে একটা স্বাভাবিক লোলুপতা আর কৌতূহল।

একরাশ ফটো। চকচকে উজ্জ্বল চোখ, তন্দ্রাচ্ছন্ন ঘুমন্ত চোখ। কোনোটা প্রগলভ হাসিতে মুখর, কোনোটা নিবোধ ভাতিতে নীরব। ভাস্কর লোভীর মতো তাকিয়ে রইলো। মোগল বাদশাদের মতো যদি এ যুগেও হারেমের বন্দোবস্ত করা যেত, তা হলে এদের সবগুলিকে এনেই জড়ো করত এক সঙ্গে।

কাকে ছেড়ে কাকে নেওয়া যায়। মনে পড়ল মাদ্রাজের ছাত্রজীবনের কথা। খবরের কাগজে বেরোতো বাঙালী মেয়েদের সম্বন্ধে সব বিস্ময়কর সংবাদ। তাদের উজ্জ্বল কালো চোখে বাংলার শ্রামশ্রীর মেতুরতাই শুধু ছায়া বনিয়ে তোলে না, তাদের হাতের পিস্তল থেকে কাঁকাঁলো আগুন ছড়িয়ে পড়ে। সে সব খবর পড়তে পড়তে চমকে উঠতো বৃকের রক্ত, ঝম ঝম করে উঠতো শরীর। মনের সামনে কল্পজগতের যে সমস্ত মায়ামূর্তি দেখা দিত তাদের কাছে মুহূর্তে মিথ্যা হয়ে যেত কঠিন চেহারার মাদ্রাজী মেয়েরা। আগ্নেয় শিলার মাটিতে পূর্বঘাট পাহাড়ের ছায়ায় যারা পূজো দিতে যায় মন্দিরে, স্রুদ্র গঙ্গার পলিমাটিতে কোমল শান্ত বাঙালী মেয়েদের সঙ্গে তুলনা করে তাদের মনে হত খেলার পুতুল।

তারপর ভাস্কর এল কলকাতায়। বাঙালী বীরাদ্রনাদের দেখা মিলল না বটে কিন্তু মোহ গেল না। ট্যাগোরের দেশে। ‘রেড্ অলিগার্সের’ নন্দিনীকে এখানে কোথায় খুঁজে পাওয়া যাবে! ‘লাভার্স গিফট আর ক্রসিং’-এ যাদের কালো হরিণ চোখ তাকে আকুল করে দিয়েছিল তারা কি এই?

ব্যবসা ও টুকিটাকি প্রয়োজনের খাতিরে মেয়েদের সংস্রবে আসতে হয়েছে অবশ্য। কিন্তু ঘনিষ্ঠভাবে মিশবার সুযোগ ভাস্কর কখনও পায়নি।

অথচ ট্রামে বাসে যখন দুটি ছেলে মেয়ে পাশাপাশি বসে আলাপ করেছে, তখন কি একটা তীব্র অস্বস্তিবোধে চঞ্চল হয়ে উঠেছে মন! বিলাতী সিনেমায় প্রজাপতির মতো রঙীন হয়ে দল বেঁধে এসেছে বাঙালীর মেয়েরা, ছবি দেখার চাইতে চকোলেট আর আইসক্রীম খেয়েছে বেশি আর ভাস্কর অভদ্র বিস্ফারিত চোখ মেলে যেন তাদের গিলে ফেলতে চেয়েছে।

এতদিনে মিলেছে সুযোগ। ফটোগুলো নাড়াচাড়া করতে করতে একটা ছবিতে এসে দৃষ্টি নিস্তব্ধ হয়ে গেল তার। কৈশোর আর যৌবনের সন্ধিক্ষণে একটি মেয়ে। স্নিগ্ধ চোখ দুটি যেন লাভণ্যে ঢলঢল করছে। সমস্ত মুখে একটা অদ্ভুত করুণতা—এ শুধু বাঙালী মেয়েতেই সম্ভব, এই ট্যাগোরের দেশে, এই সবুজ ধান আর পদ্মার দেশে।

ভাস্করের মুখ দিয়ে বেরোলো—ইউনিক!

পরিচয়টা তলাতেই লেখা আছে। সবুজ কালীতে, স্থঠাম বড় বড় হরফে। কুস্তলা রায়, অর্থনীতির অনার্স গ্রাজুয়েট।

কয়েক মুহূর্ত সে নির্নিমেষ নেত্রে তাকিয়ে রইল সেদিকে। ছবি আর হাতের লেখায় অপূর্ব সুর বাঁধা, যেন মেয়েটির সমস্ত পরিচয় স্পষ্টতর করে তুলেছে। নিবে যাওয়া চুকটটাতে আর একবার মুখাণ্ডি করলে, তারপর একটা প্যাড টেনে নিয়ে খস খস করে লিখতে শুরু করলে : ডিয়ার ম্যাডাম, আই অ্যাম গ্ল্যাড টু ইন্ফর্ম ইউ—

ভোরের অস্পষ্ট অন্ধকারের মধ্যেই মিলের লোহালকড়গুলো আর্তনাদ শুরু করে দেয়। চিমনির মুখ দিয়ে ধোঁয়া উদগার হয় আকাশের দিকে। নিম্পিষ্ট ইক্ষুভূপ থেকে ট্যাঙ্কে রস গড়িয়ে পড়ে, আর সেই রস যায় ভ্যাকুয়াম প্যানে, ষ্টিমে জ্বাল হয়ে বেরিয়ে আসে ধবধবে সাদা চিনি। বছরে ছমাস কাজ চলে পূর্ণোত্তমে, তারপর অফ্ সীজন। মিলের কাজ বন্ধ থাকলেও ওয়াগন বোঝাই চিনি নিয়মিত চালান যায় কলকাতার বাজারে।

কুস্তলা রায় এসে যোগ দিয়েছে ভাস্করের পার্সোনাল সেক্রেটারী হয়ে।

একটা চিঠি ডিক্টেট করে চলেছে ভাস্কর আর কুন্তলার টাইপ রাইটার প্রতিধ্বনি তুলছে ষ্টাখট শব্দে। কয়েক মুহূর্ত নীরবতার পর টাইপ-রাইটারে চোখ রেখে কুন্তলা বললে, ইয়েস্! তারপর!

—তারপর? তারপর?—ভাস্কর কথাকাটা যেন নিজের মনের মধ্যেই গুঞ্জন করতে লাগল। আন্তে আন্তে জবাব দিলে, থাক!

বিস্মিত চোখ তুলে কুন্তলা তাকাল ভাস্করের মুখের দিকে। ভাস্করের নির্নিমেষ চোখ দুটোও তারি ওপরে নিবদ্ধ। যেমন মুগ্ধ তেমনি মুখর। কুন্তলার কপালে ছোট ছোট ঘামের বিন্দু জমে উঠল।

—কী চমৎকার সকাল মিস রায়। শুধু কাজ করে এমন সকালটা নষ্ট করতে ইচ্ছে করছে না। একটা রাইডে আপত্তি আছে তোমার?

—রাইড? কিন্তু চিঠিটা যে জরুরী, আজকের ডাকে—

—জরুরী?—ভাস্কর যেন অসহিষ্ণু হয়ে উঠল: বিচার করতে গেলে নান্নুষের প্রত্যেকটি মুহূর্তই জরুরী মিস রায়। সময়কে অত হিসেব করে খরচ করতে গেলে বাঁচাটা অসম্ভব হয়ে ওঠে।

টাইপ-রাইটারের ওপর কল্পই রেখে বক্র গ্রীবায় এবং উজ্জ্বল কটাক্ষে ভাস্করকে লক্ষ্য করতে লাগল কুন্তলা। শ্যামবর্ণ খর্ব চেহারা, অতিরিক্ত প্রশান্ত কপালটাতে চন্দনের তিলক-চিহ্ন। প্রতিভার দীপ্তিতে চোখ দুটো জলজ্বল করছে। ঠোঁটের কোণ দুটো চাপা আর দৃঢ়-সম্বদ্ধ, স্থির প্রতিজ্ঞার কঠোরতায় মণ্ডিত। টেবিলের ওপরে রাখা কালো হাতের কজির হাড়টা অস্বাভাবিক চওড়া, ছোট ছোট বোটা আঙুলগুলো বাস্তবতার দ্যোতক।

অথচ ভাস্করের কণ্ঠে যা প্রকাশ পেল, তার চেহারার সাথে সে স্বরের মিল নেই। একটা নিবিষ্ট আবেশ। মাদ্রাজের আয়েশিলা বাংলার পলি-মাটির মতো কোমল আর শ্যামল হয়ে উঠেছে।

ভাস্কর বললে চলুন মিস্ রায়। চমৎকার মোটরের রাস্তা আছে,

গ্রামের ভেতর থেকে একটু বেড়িয়ে আসা যাক। ফিরে এসে চিঠিটা শেষ করলেই চলবে।

কুন্তলা উঠে দাঁড়াল। সহজ স্নিগ্ধ কণ্ঠে সে বলল, চলুন।

বাইরে আকাশ-গলা শরতের রোদ। মিলের লৌহ-কঠিন দেহটা যেন সোনায় স্নান করছে। যন্ত্রের কলরব উঠছে আকাশে, নীরব হয়ে মিলিয়ে যাচ্ছে হালকা মেঘ ভেসে বেড়ানো নিঃসীম নীলিমতায়। বিদ্রোহী প্রমিথিয়ুসের বজ্রকুণ্ডে জ্বলছে আগুন। কিন্তু আকাশ থেকে আজ আর দেবতার অভিশাপ নেমে আসছে না, একরাশ ঝরা শেফালীর মতো মুঠো মুঠো সোনালী রোদে যেন আশীর্বাদ ঝরে পড়ছে।

গ্যারেজ থেকে বেরিয়ে এল ভাস্করের ঝকঝকে পষ্টিয়াক। নতুন মডেলের আমেরিকান গাড়ী, পরিচ্ছন্ন, দ্রুতগামী। সোফারের সীটে বসে ভাস্কর পাশের দরজাটা খুলে দিলে। বললে, এস।

কুন্তলা ইতস্তত করলে এক মুহূর্ত : আমি বরং পিছনের সীটে—

পরক্ষণেই অসহিষ্ণু বিরক্তিতে কুঞ্চিত হয়ে উঠল ভাস্করের কপাল।

—পেছনের সীটে বসলে গল্প করব কা করে? এসব ডেলিকেসি অর্থহীন।

এক টুকরো বস্কিম হাসি কুন্তলার ঠোঁটের কোণে বিভ্রাতের রেখার মতো ঝলক দিয়ে গেল। শুধু সেক্রেটারী হিসাবে নয়, ভাস্কর তাকে পেতে চায় আরো কাছে, আরো নিবিড়ভাবে। তার উজ্জ্বল চোখ দুটো আচ্ছন্ন হয়ে উঠেছে, তার কঠিন হাতের আঙুলগুলো কাঁপছে ক্ষুধার্ত পুরুভুজের প্রসারিত বাহুগুলোর মতন। নিরুত্তরে কুন্তলা উঠে বসল তার পাশে, টেনে বন্ধ করে দিলে দরজাটা।

মন্ডণ পীচের পথ দিয়ে নিঃশব্দে লঘুছন্দে এগিয়ে চলল মোটর। ব্যবসায়িক প্রয়োজনে কোম্পানী এই পথটাকে টেনে নিয়েছে জেলার সহর পর্যন্ত। রাইডের পক্ষে আদর্শ।

মোটরের স্পীড বাড়িয়ে দিয়ে নীচ গলায় ভাস্কর বললে, আমার পাশে বসতে অস্বস্তি লাগছে মিস্ রায়?

অপস্রয়মান দিগন্তের দিকে তাকিয়ে অগ্রমনস্ক স্বরে জবাব দিলে কুন্তলা। বললে, অস্বস্তি আর কিসের? আমি আমার 'বসে'র নির্দেশ পালন করছি

—'বস্'?'—ভাস্কর যেন অস্বস্তি বোধ করলে : শুধুই 'বস্'? Are we not friends, too?

—ফ্রেণ্ডস্?—নিরুৎসুক কণ্ঠে জবাব এল : তা হবে।

ভাস্করের চোখ জ্বালা করতে লাগল, স্পন্দিত হতে লাগল ঠোট দুটো। কত বলবার আছে এর জবাবে, উদ্বেল কণ্ঠে, উচ্ছ্বসিত ভাষায়। ভাস্কর পড়েছে ট্যাংগোরের রেড অলিগাস, গার্ডেনার. পড়েছে লাভার্স গিফ্ট আর গীতাজলি। অন্ধের ছাত্র হলেও কাব্যের প্রতি তার মোহ ছিল। সবুজ ধানের ক্ষেতে কৃষ্ণকলির কালো হরিণ চোখ তাকে আকুল করে দিয়েছে, অঞ্জনা নদীর ধারে খঞ্জনা গ্রামের প্রান্তে সে খুঁজে ফিরছে কোন রজনাকে, যক্ষপুরীর দেশে নন্দিনীর হাতে জলেছে কোন মায়ানত্রে প্রদীপ? সমস্ত মনটা টগবগ করে ফুটতে লাগল, যেন বৃকের ভেতর থেকে উঠে আসা খানিকটা জমাট বাষ্পে নিখাস বন্ধ হয়ে এল তার।

ভাস্কর বললে, কেন ফ্রেণ্ড হতে আপত্তি আছে নাকি তোমার?

কুন্তলার মুখ সূক্ষ্ম হাসিতে রেখায়িত হয়ে উঠল : অসম বন্ধুত্বের কোন মূল্য নেই। তার চাইতে বাস্তব সম্বন্ধটাই ভালো।

—বাস্তব?

—বাস্তব বই কি। আপনি তো প্র্যাকটিকাল মানুষ, কথাটা আপনিই ভালো বুঝবেন।

তীর প্রতিবাদে না-না করে উঠল মন, কিন্তু ভাস্কর কিছু বলতে পারল না। ট্যাংগোরের কবিতা সে পড়েছে বই কি, কিন্তু স্ট্যাটিসটিক্সের ভাষা

ছাড়া তার প্রকাশ নেই। চৌচৌর ওপর দাঁত রেখে ভাস্কর স্টিয়ারিং মনো-নিবেশ করলে, ঘুরতে লাগল স্পীডোমিটারের কাঁটা।

পথে দুপাশে সোনার ধান আর আখের ক্ষেতে অনাবিল শরৎ। একদিকে রেললাইনের বাঁধ, তার তলায় ছোট ছোট ডোবাতে কলমী ফুল, শাদা আর রাঙা শালুকের মেলা বসেছে। কাশ তুলছে এখানে ওখানে, উড়ন্ত নীলকণ্ঠ পাখীর পাখার সঙ্গে আকাশের নীল রঙ যেন একছন্দে মিলে গেছে। ফুলগাছগুলোর মাথায় স্বর্ণতার জল ছড়ানো, যেন সোনার ওড়না জড়িয়েছে তারা।

ছোট ছোট গ্রাম আর পাড়া দেখা দেয়, মিলিয়ে যায় আবার। পাড়া-গুলোর দিকে তাকিয়ে একটা জিনিষ স্পষ্ট হয়ে উঠছিল কুন্তলার কাছে। এই হচ্ছে সীতাগঞ্জের বিখ্যাত গুড় তৈরীর অঞ্চল। কিন্তু তিন বছর মিলের প্রতিবন্ধিতা করে সে অঞ্চল বানচাল হতে বসেছে। আখ মাড়াইয়ের ‘ক্রাসার’গুলো মরচে ধরে কাং হয়ে আছে মাটিতে, দশমণী কড়াইগুলো উবুড় হয়ে আছে, রোদে জলে গুড়িয়ে যাচ্ছে প্রতিদিন। দাদন দিয়ে কতক জমির আখ কিনে নিয়েছে স্ফাগর মিল, কতক জমির চাষারা আজকাল আর গুড় তৈরীর পরিশ্রম করতে চায় না, বেশী দামে কোম্পানীকে আখ বেচে দিয়ে তারা নিশ্চিন্ত হয়। তা ছাড়া যারা মজুর হয়ে ঢুকেছে তাদের তো কথাই নেই। মিল থেকে মুঠো ভরে মাইনে পায় তারা, জীবন যুদ্ধের প্রশ্রুতা অনেক সহজ হয়ে গেছে।

বাইরের দিকে কুন্তলার কৌতুহলী দৃষ্টি লক্ষ্য করলে ভাস্কর। বললে, গাড়ী থামাব? মাঠে একটু বেড়াবে মিস রায়? হাত বাড়ির দিকে তাকিয়ে কুন্তলা বললে, দশটা কিন্তু বাজে।

—বাজুক না।—মোটরের ব্রেক কষলে ভাস্কর: সময় মূল্যবান মিস রায়, কিন্তু সেটা মিলে—এখানে নয়।

নিরন্তরে হাসলে কুন্তলা। তেমনি ছোট, আর সংক্ষিপ্ত একটুকরো হাসি।

মোটর থামিয়ে গ্রামের পথ দিয়ে হেঁটে চলল হুজনে। বাঙ্গলার চিরন্তন পল্লী। পচা ডোবা, জংলা আমের বন, দারিদ্র্য আর অস্বাস্থ্যের নখরাক্ষ। আট মাইল দূরে সীতাগঞ্জ হুগার মিলের ঐশ্বৰ্যের সঙ্গে বৈসাদৃশ্যটা অতি বেশি প্রকটিত। হাড় বের করা বলদ চলেছে ধুকতে ধুকতে। আশ্বিনের আবির্ভাবে শরৎলক্ষ্মী এসে আসন পাতেননি, ঘরে ঘরে দেখা দিয়েছে ম্যালেরিয়া। ভাঙা ঘরের বারান্দায় দড়ির খাটিয়াতে একটা লোক ছেঁড়া কাথা মুড়ি দিয়ে পড়ে ছিল।

এই কি সেই বাঙলা, ট্যাগোরের দেশ? এখানেই কি সবুজ ধানের ক্ষেতে কৃষ্ণকলির দেখা মিলবে? মুখ দিয়ে ভাবনার প্রতিধ্বনি বেরিয়ে গেল ভাস্করের : ইজ দিস্ বেঙ্গল ?

ভাস্করের গলার অবজ্ঞার সুরটা তীরের মতো তীক্ষ্ণ হয়ে বিঁধল কুন্তলার কানে। চোখের তারা দুটো জল জল করে উঠল। স্পষ্ট মুহূর্তের জবাব দিলে, নো, দিস্ ইজ ঠাভিং বেঙ্গল।

ভাস্কর চমকে তাকাল কুন্তলার মুখের দিকে। এ তার টাইপিস্ট সেক্রেটারী কুন্তলার কথা নয়। জালালাবাদ পাহাড়ে বাদেদের অস্ত্রে আগুন জ্বলেছিল, এর মধ্যে কোথায় যেন তার ফুলিঙ্গ খুঁজে পাওয়া যায়।

কুন্তলা স্মিষ্ট কণ্ঠে ডাকলে, মিষ্টার নটরাজন্ ?

ভাস্কর আবার চমকে উঠল।

সত্যিই আমরা আজ থেকে বন্ধু তো ?

নিশ্চয়, তাতে কি আর সন্দেহ আছে ?

তা হলে বন্ধুর অহরোধ রাখো। এই দরিদ্র বাঙলা দেশকে যারা লুণ্ঠ করে নিচ্ছে তাদের হাত থেকে একে বাঁচাও তুমি।

স্থির হয়ে দাঁড়াল ভাস্কর। সমস্ত চেতনা মুহূর্তে মুখর আর চকিত হয়ে উঠেছে। কুন্তলার চোখ দুটি যেন সম্মোহিত করবার ভঙ্গিতে তার ওপর আবদ্ধ হয়ে আছে। সে চোখে আলো ছায়ার মতো খেলা করে যাচ্ছে

বিপ্লবী নায়িকার অগ্নিদীপ্তি আর কাঁপন লাগা বাউবনের মাথায় শুকতারার স্নিগ্ধ আলোর ছটা।

মুন্দের মতো ভাস্কর বললে, আচ্ছা।

তারপর খানিকটা নীরবতা। পথ চলতি গাঁয়ের লোক সভয়ে সেলাম করলে দুজনকে। মুন্সিগোছের যারা বড় সাহেবকে চিনত, সাঁপাঙ্গে লুটিয়ে পড়ে প্রণাম করলে। কিন্তু ভাস্করের কাণের কাছে ক্রমাগত বাজতে লাগল বন্ধুর অনুরোধ। কুন্তলা একদিন তার কাছে আসবে হয়তো, কিন্তু তার সূচনাতেই যে প্রতিশ্রুতি তাকে দিতে হল, এ কি শুধু কথার কথাই? অথবা এর দাবী বেড়ে চলবে, বেড়েই চলবে, তারপর চরম মুহূর্ত যখন আসবে তখন সে পূর্ণ মূল্যের পরিমাণটা ঠাড়াবে কতখানি? কুন্তলার কালো চোখে যে ছায়া আর আগুন সে দেখেছে তার কোনোটাই তো মিথ্যে হওয়ার কারণ নেই।

ফিরবার পথে আকস্মিকভাবে কুন্তলার একখানি হাত তার হাত স্পর্শ করতে ভাস্কর মুঠো করে আঁকড়ে ধরলে শুভ্র নরম আঙ্গুলগুলো। কুন্তলা বাধা দিলে না, একটি কথা কইলে না, শিউরে উঠল না একবারও। শুধু কয়েক সেকেন্ড পরে নিঃশব্দে হাতখানা সরিয়ে এনে শাস্ত গলায় বললে, এখন নয়।

দিনের পর দিন। ভাস্কর আবিষ্ট হয়ে উঠতে লাগল। কুন্তলার মন তার প্রতি আর বিমূঢ় নয় এখন, এ সত্যটা ক্রমেই স্পষ্ট হয়ে দেখা দিচ্ছে তার কাছে। কাজের অবসরে দু'চারটে বাজে কথা বললে কোনো প্রতিবাদ আসে না, বরং মাঝে মাঝে জবাব পাওয়া যায়। কোনো একটা ঘনীভূত অবকাশে হাতখানা নিজের কাছে নিয়ে এলে সরিয়ে নেয়না, বরং উষ্ণ কোমল স্পন্দনের সঙ্গে সঙ্গে তাতে ঘাম জমে উঠতে থাকে। আর অন্ধবিদ বিজ্ঞানী ভাস্কর ক্রমেই মুখর হয়ে উঠছে, আশ্চর্যভাবে আয়ত্ত করেছে ভালো করে কথা বলবার ক্ষমতা। দরকার হলে আগেই আন্তরিক গুটিয়ে মিসিনের

কাজে লেগে যেত, তিনদিন দাড়ি না কামালেও তার খেয়াল থাকত না। কিন্তু আজকাল ভাস্কর নিজের সম্পর্কে সচেতন হয়ে উঠছে পরিপূর্ণভাবে। প্রসাধন, জামা-কাপড়ের ক্রীজ, সব কিছু সম্পর্কেই সে পুরোপুরি সজাগ।

কাজ করতে করতে ভাস্কর আড় চোখে লক্ষ্য করছিল কুস্তলাকে। স্ত্রীঠাম আঙ্গুলগুলো যেন খেলা করে যাচ্ছে টাইপ রাইটারের চাবিগুলোর ওপরে। গালে কপালে ছড়িয়ে আছে অলকগুচ্ছ। লাল টকটকে রঙের শাড়ী পরেছে একখানা, তার তীব্রতা যেন চোখকে আঘাত করে। কালো পাড়টা গায়ের ওপর দিয়ে সন্নীস্থপের মতো পড়ে আছে।

মে আই কাম ইন সার ?

এমন মুহূর্তটা ভেঙে টুকরো টুকরো হয়ে গেল। জেনারাল ম্যানেজার ভাস্কর উঠল জেগে।

কাম ইন।

ঘরে ঢুকল কেমিস্ট কান্তি সান্নাল। কুঞ্জন দেখা দিল ভাস্করের মুখে। এই লোকটাকে দু চোখে দেখতে পারে না সে। ভাস্করের কাঁ একটা মন্তব্যে ভুল ধরেছিল একবার। সেই থেকেই কান্তির প্রতি তার একটা বিদ্বেষ প্রমোদিত হচ্ছে প্রত্যেকদিন। তা ছাড়া সব চাইতে আপত্তিকর এই যে কাঁ একটা পূর্ব পরিচয়ের সূত্রে কুস্তলার সঙ্গে তা'র ঘনিষ্ঠতা রয়েছে, দুজনে এক-সঙ্গে চা খায় মাঝে মাঝে, পড়াশুনো করে। তীব্র ঈর্ষার প্রেরণায় ভাস্কর ছিন্ন খঁজছে কান্তির। কিন্তু কান্তি অত্যন্ত কাজের লোক, সরানো সহজ নয় তাকে।

কান্তির মুখে আধ-বোজা চোখ রেখে প্রশ্ন করলে, কী চাই আপনার ?

—একটা নিবেদন আছে।

—বলুন। সংক্ষেপে সারতে হবে, আমার সময় কম।

—সংক্ষেপেই বলছি—ভাস্করের টেবিলটা ধরে ঝুঁকে দাঁড়াল কান্তি সান্নাল। বললে, অত্যন্ত অবিচার হচ্ছে। আপনাকে ব্যবস্থা করতে হবে।

—আমি আপনার ডিক্টেশন চাচ্ছি না—ভাস্করের স্বরে উষ্ণতা প্রকাশ পেল : আপনি শুধু রিপোর্ট করতে পারেন।

—সে তো বটেই, ম্যানেজার আপনি!—কান্তি বিনীত হাসল : কথা হচ্ছে গ্রাম থেকে যারা আখ নিয়ে আসে, গাড়ীর ওজন বাদ দিয়ে তাদের টাকা দেওয়ার কথা। কিন্তু গাড়ীর ওজন বাদ দিতে গিয়ে তাদের আখের অর্ধেক ওজন বাদ দেওয়া হচ্ছে। এ গরীবের ওপর অত্যাচার।

টাইপ-রাইটার থেকে মুখ তুলে কুন্তলা তাকাল একবার। তারপর আবার মাথা নামিয়ে নিলে।

অতঃপর হলে ভাস্কর হয়তো মন দিয়ে শুনত কথাটা, কিছু ব্যবস্থাও করত হয়তো। কিন্তু কান্তির কাছ থেকে কথাটা আসতেই সে অকারণে অর্ধেক হয়ে উঠল। দাঁতের কোণে চেপে ধরলে চুরুটটা। চিবিয়ে চিবিয়ে বললে, জাঁট ইজ নট ইয়োর লুক-আউট। আপনি কেমিস্ট, ল্যাবোরেটরী সম্বন্ধে কিছু বলবার না থাকলে আপনি যেতে পারেন।

কান্তি সোজা হয়ে দাঁড়াল। পাঞ্জাবীর আড়ালে প্রসারিত বুকখানা দেখাতে লাগল কঠিন একটা লোহার বর্মের মতো। স্থিরগলায় বললে, আমার লুক-আউট না হতে পারে। কিন্তু ব্যবস্থা আপনাকে করতেই হবে।

ভাস্কর পিঠ খাড়া করে বসল চেয়ারে। কঠিন খর্ব আঙ্গুলগুলো শক্ত মুঠোয় একটা কাঁচের পেপার-ওয়েটকে আঁকড়ে ধরলে। বললে, সেজ্জহে অতঃ লোক আছে। তারা আমাকে জানাবে। আপনার অনধিকার-চর্চা করবার দরকার নেই।

—দরকার আছে বলেই বলছি। আপনার অতঃ লোক সব ‘করাপ-টেড’, চুরির অংশীদার তারা।

অগ্নেয়-শিলার মাটিতে পড়ল লোহার ঝা, জলে উঠল আগুন। ভাস্কর রুদ্ধস্বরে বললে, অত্যন্ত ইম্পার্টিনেন্স। আপনি চলে যেতে পারেন।

কান্তি একেবারে হয়ে পড়ল ভাস্করের মুখের দিকে। হ’জন প্রতিদ্বন্দ্বী

দু'জোড়া চোখ পরস্পরের দিকে জ্বলতে লাগল ক্ষুধার্ত বাঘের মতো : আমি আপনাকে ইনসিস্ট করছি স্টেপ নেবার জন্তে। নইলে রেজাল্ট খারাপ হবে।

চেয়ার ছেড়ে ভাস্কর লাফিয়ে উঠল : ভয় দেখাচ্ছেন ?

কান্তি এক পাও পিছিয়ে গেল না : যা মনে করেন।

—আই ডিসচার্জ ইউ। পনেরো দিনের নোটাশ দিলুম।

—থ্যাক্স—বর্মা চটির শব্দ করে বেরিয়ে গেল কান্তি।

ভাস্কর বসল চেয়ারে। হাত পা সমস্ত কাঁপছে। এই মিলের সে জেনারেল ম্যানেজার, তাকে ভয় দেখিয়ে যায় একজন কেমিষ্ট! দ্রুত কম্পিত সে তৎক্ষণাৎ লিখলে কান্তির বিচ্যুতি-পত্র : বাকী পনেরো দিনের বেতনও কান্তি পাবে, ভাস্কর অবिवেচক নয়।

কুন্তলা নীরবে টাইপ করে চলেছে। চোখের সামনে এতবড় একটা ব্যাপার ঘটে গেল, অথচ কোন কিছুই সঙ্গে যেন কিছুমাত্র সংযোগ নেই তার। তেমনি তার তনুদেহকে বিরে জ্বলছে লাল-শাড়ীর দীপ্তি, তার গালে কপালে ছড়িয়ে আছে অলক-গুচ্ছ, নাচের ভঙ্গীতে আঙুলগুলো খেলা করে যাচ্ছে টাইপ-রাইটারে চাবির ওপর।

রুদ্ধ কম্পিত স্বরে ভাস্কর বললে মিস্ রায় ?

—স্মার !

—এইটে টাইপ করে দাও এক্ষুণি।

লঘু চরণে কুন্তলা এগিয়ে এল। ভাস্করের হাত থেকে কাগজটা নিয়ে মুহূর্তবে প্রশ্ন করলে, সত্যিই কি আপনি ডিসচার্জ করলেন ওঁকে ?

—এর পরেও ডিসচার্জ করব না ?

মুখের চুরুটটা ভাস্কর হিংস্রভাবে ছুঁড়ে ফেলল ছেঁড়া কাগজের বুড়িটার মধ্যেই : আমাকে ভয় দেখাতে আসে স্কাউটুল !

কুন্তলা নিরুত্তরে ফিরে গেল চেয়ারে। টাইপ-রাইটারের স্বর বাজতে লাগল এক টানা। নিরাসক্ত আর নিবিচার।

ফলাফলটা টের পাওয়া গেল পরের দিনই।

কান্তি সান্ত্বাল কোন স্বযোগে এতখানি জনপ্রিয় হয়ে উঠেছিল কে বলবে। তাকে কাজে না নিলে স্টাইক করবে মিলের অধিকাংশ—অবশ্য আখের দাম যারা চুরি করে তারা বাদে। গ্রাম থেকে আথ আর আসবে না। দীর্ঘসময় নেমেছে যুদ্ধের ছায়া, ওয়াগন দুর্লভ, মোতিহারীর চালান প্রায় বন্ধ। গ্রামের লোকের ওপর অনেকখানি ভরসা, নইলে মিলের আর্থেক কাজ আটকে পড়ে থাকবে।

খবর পেয়ে ভাস্কর জলতে লাগলো মশালের মতো। স্টাইক করবে! করুক না। সে-ও বন্ধ করে দেবে মিল এক সপ্তাহ ভাতা না পেলেই সব ঠাণ্ডা মেয়ে যাবে। আর গ্রামের লোক? সাতদিন আথ না কিনলে ক্ষিদের জালায় এসে লুটিয়ে পড়বে, সেদিন কোন কান্তি সান্ত্বাল তাদের ভাতের খালা বেড়ে দেবে না। এমন ভাস্কর অনেক দেখেছে। তিন বছরের অনভ্যাসে গুড় জাল দিতে ভুলে গেছে সীতাগঞ্জের লোক। তাদের দশমণী কড়াইগুলো ভেঙে ভেঙে গুঁড়িয়ে গেছে মাটিতে, ক্রাসারের চাকাগুলো আজ সহজে আর ঘুরবে না।

—মিষ্টার নটরাজন?

কুন্তলার গলার শব্দে চমকে উঠল ভাস্কর। পেছনের দরজা দিয়ে কখন য়রে এসেছে। সেই লাল শাড়ী যেন নেশার মত আচ্ছন্ন করে রয়েছে তাকে, তার প্রসাধন উজ্জ্বল দেহটা যেন ডুব দিয়ে এসেছে লবণের সমুদ্রে। মিষ্টি গন্ধের একটা তরঙ্গ এসে ভাস্করের স্নায়ুকে যেন চকিত করে দিলে।

—এসো, এসো মিস্ রায়। বোসো এখানে।

কুন্তলা এসে বসল সোফাতে। বেশবাস আর রূপ সজ্জায় দেখাচ্ছে তাকে মায়াবিনীর মতো। কালো চোখ দুটিতে অলিগার্সের নন্দিনীর স্বপ্নাভাস। এখন তার কাজের সময় নয়, তবু অসময়ে এসে দেখা দিয়েছে ভাস্করের প্রাইভেট চেম্বারে।

—তোমাকে এরকম দেখাচ্ছে কেন মিষ্টার নটরাজন ! শরীর কি ভালো নেই ?

—কুন্তলার স্বরে যেন মধু উপছে পড়ল ।

মস্তমস্তের মতো ভাস্কর এগিয়ে এসে বসলো কুন্তলার পাশে ।

—মিলের খবর তো শুনেছ । স্ট্রাইক করবে ওরা ।

—স্ট্রাইক করবে ? —অত্যন্ত মধুরভাবে হাসল কুন্তলা : কক্ক না ।

তোমার মতো ম্যানেজার যখন আছে, তখন আর ভাবনা কি !

মূহূর্তে উদ্ভুদ্ধ হয়ে উঠল ভাস্করের মন । লোলুপ দৃষ্টি আশ্রয় খুঁজতে লাগল কুন্তলার মুখের ওপর : তুমি আমাকে সাহায্য করবে মিস্ রায় ?

—নিশ্চয় করব, কেন করব না ! উই আর ফ্রেণ্ডস্ । মোর ছান ছাট ।

—মোর ছান ছাট ! —ভাস্করের কাছে চকিতে মিথ্যে হয়ে গেল এই ফ্যাক্টরী, এই বিভ্রাট, কান্তি সাত্ত্বালের যা কিছু ধ্বংস । রুদ্ধশ্বাসে জবাব দিলে, মোর ছান ছাট ?

কুন্তলার গালের লালিমা আরো ঘন হয়ে উঠেছে । নীলার মতো জ্বলছে নীল চোখ, সে চোখে সমস্ত না-বলা কথাই অত্যন্ত স্পষ্ট আর প্রকট হয়ে দেখা দিয়েছে । কম্পিত আঙুলে ভাস্করের প্রসারিত বাহুতে মৃদু আঘাত দিয়ে বললে, বড্ড মাথা ধরেছে আমার । আমাকে একটা রাইড দেবে তুমি ?

শিরায় শিরায় রক্তের কলধ্বনি বেজে উঠল জোয়ারের জলের মতো । উষ্ণ নিঃশ্বাস পড়তে লাগল দ্রুত । ভাস্কর মুখধানাকে আরো ঝুঁকিয়ে দিলে কুন্তলার দিকে : রাইড নিশ্চয় দেব, কিন্তু তুমি—

চকিতে নিজের মুখ সরিয়ে নিলে কুন্তলা । বললে, একটু পরে । রাইড থেকে ফিরবার পরে ।

উত্তেজিত স্নায়ুগুলোকে সংযত করে নিলে ভাস্কর । বললে বেশ, তাই চলো ।

মোটর পথের ধারে রেখে ছুজনে এগিয়ে চলল আলোর পথ দিয়ে। বানের জমি শেষ হয়েই ধানিকটা জংলা মাঠ, এখানে ওখানে ফুটেছে বন-গোলাপ, লজ্জাবতীর বেগুনে রঙে আকীর্ণ হয়ে আছে মাটি। ছোট জলার ওপারে কাশের বন যেন আয়নায় মুখ দেখছে। বিকালের পড়ন্ত আলোয় ধূসর রঙের দুটো খরগোস কাণ খাড়া করে পালিয়ে গেল স্তম্ভ দিয়ে। উঁচু উঁচু ঢিবির ওপর ঘন শ্রামল ঘাসের মঞ্চমল বিছানো।

ভাস্কর বললে এসো, বসা যাক।

ছুজনে বসল একটা ঢিবির ওপর। পথচলতি কুন্তলা কোন্ সময় একটা বনগোলাপ তুলে নিয়ে পরেছে খোঁপায়। বাতাসে ভাসছিল তার লঘু সুরভি। গেরুয়া রঙের রোদে অপরূপ দেখাচ্ছে মুখখানা, লাল শাড়ীটা জলছে যেন একপাত্র বিলিত মদ। চাঁপা ফুলের মতো হাতখানা কোলের ওপর ছড়িয়ে রয়েছে স্কুমার নিশ্চিন্ত ভঙ্গিতে।

ভাস্কর কুন্তলার কাছে অত্যন্ত ঘন হয়ে বসল। সমস্ত মাঠটা বিস্ময়কর-ভাবে নির্জন। সূর্য অস্ত যাচ্ছে। একদিকে আকাশটা রক্তে মাখা, অগ্নিদিকে গাছপালাগুলো সব কালো হয়ে আসছে—সমষ্টিভূত, অবয়বহীন ক্যামেরার সিলুয়েত ছবির মতন।

—মিস রায়?

কুন্তলা কোনো উত্তর দিল না। শুধু প্রশান্ত উজ্জল চোখে তাকাল ভাস্করের মুখের দিকে। সে চোখে শরতের আকাশের নির্মল নীলিমা, বিকসিত শাপলা-শালুকের প্রসন্নতা। কৃষ্ণকলি আর নন্দিনী একাকার হয়ে গেল।

ওরা যখন মোটরে ফিরে এল, তখন রাত হয়েছে সামান্য। দিগন্তে দেখা দিয়েছে টাদের ফালি, বন-গোলাপের মুহূ গন্ধ রাত্রির হাওয়ায় শরীরী হয়ে উঠেছে। জলার জলে জলছে মাণিক। ভাস্করের সমস্ত চেতনা যেন ঘুমিয়ে পড়েছে। রক্তের চাঞ্চল্য গেছে থেমে, কিন্তু শরীরের প্রান্তে প্রান্তে তখনো

দেশারের মীড়ের মতো স্পন্দন বাজছে। কুন্তলা তার শেষ গানটার একটা কলি গুঞ্জন করছে তখনো : এঁকে যাব আমার গানের আলপনা—

মোটরটা চলেছে আস্তে আস্তে। এই রাত্রি, এই গান—প্রাণহীন বস্তুটাকেও যেন নিশি পেয়েছে।

সামনে সীতাগঞ্জের স্মার মিল। ইলেকট্রিক আলো বলমল করছে। দূরত্বে মিলিয়ে গেল বন-গোলাপের গন্ধ চঞ্চল আরণ্য পৃথিবী—মোহ জাগানো বনজ্যোৎস্না। ভাস্কর সরে বসল কুন্তলার পাশ থেকে।

বাজারটা পেরোতেই কুলি বস্তু। তার সামনে এসেই আটকে গেল মোটরটা। পথ বন্ধ। প্রকাণ্ড জনতা সামনেটা আটকে রয়েছে, সভা করছে। অসহিষ্ণু ভাস্কর হর্ণ বাজাল।

কিন্তু লোকগুলো সরে গেল না, বরং হর্ণের শব্দে তারা যেন উত্তাল হয়ে উঠল। একটা কলরব ছুড়িয়ে গেল চারদিকে—ম্যানেজার!

মুহূর্তে প্রায় পঞ্চাশজন লোক ঘিরে ধরল মোটরটাকে।

—হজুর, বিচার চাই।

বা-খাওয়া সাপের মতো ফণা তুলল ভাস্কর। আচ্ছন্ন আঙুলগুলো চমকে উঠে নির্ভরভাবে পড়ল স্টিয়ারিংয়ের লোহার ওপর : কিসের বিচার?

কাস্তিবাবুকে আবার বাহাল করতে হবে। চাষাদের ঘারা ঠকায়, তাদের শাস্তি দিতে হবে।

জেনারেল ম্যানেজার শিখায়িত হয়ে উঠল। তীব্র কণ্ঠে কী একটা বলবার উপক্রম করতেই চমকে তাকাল পাশে কুন্তলার দিকে। কুন্তলা তাকে স্পর্শ করেছে।

হুজনের দৃষ্টি মিলল। কুন্তলার চোখে আলোছায়া খেলা করছে। চোখের তারা দুটো জ্বলছে নীলার মতো। কুন্তলা মধুর অলস গলায় বললে, আজকের সন্ধ্যাটাকে নষ্ট করে দিতে চাও তুমি?

কী বলতে যাচ্ছিল, কী বলা উচিত, ভাস্করের মন থেকে দেখতে দেখতে

মিলিয়ে গেল তা। সম্মোহিতের মতো বললে, কী খবর?

ওদের বলে দাঁও, কান্দিবাবুকে আবার কাজ নেবে তুমি। ওদের ওপর স্বেচছা করবে।

তীব্র সংঘাতে আলোড়িত হয়ে উঠল গন। পরাজয়! শেষকালে পরাজয় স্বীকার করতে হবে তাকে। কিন্তু—কিন্তু কুন্তলার চোখ তখনো তার ওপরে স্থির হয়ে আছে। নিম্পলক নীলার মতো উজ্জ্বল আর শাণিত।

মস্তমুগ্ধ ভাস্কর প্রতিধ্বনি করে গেল, বেশ কান্দিবাবুকে আবার কাজে নেব আমি। সকলেরই স্বেচছা হবে।

আকাশ কাঁপিয়ে উঠল কোলাহল, উঠল জয়ধ্বনি। কিন্তু জয়ধ্বনি ভাস্করের নয়, কান্দির।

দাঁতের ওপর দাঁত চেপে ভাস্কর আবার মোটরে স্টার্ট দিলে। সামনে মিল। লোহায় লক্করে যন্ত্রপাতিতে বিরাট এবং তর্কাতীত বাস্তবতা। পোড়া ক্রুড অয়েলের কড়া গন্ধ ছড়িয়ে পড়ছে চারদিকে।

কিন্তু এ কী করে বসল ভাস্কর। এই যে দুর্বলতার প্রশ্ন সে আজ দিল এর পরিণতি কোথায় গিয়ে দাঁড়াবে। জনতার দাবী—সে দাবী তো হাতের মুঠোর মধ্যেই শেষ হয়ে যাবে না। সে দাবী বেড়ে চলবে, বেড়েই চলবে। তারপর ত্রিপাদ বামনের মতো একদিন—

কুন্তলার প্রথম দিনের কথা মনে পড়ল : দিস্ ইজ স্টার্ভিং বেঙল ;

তবে? তবে? ভাস্কর যেন বিদ্যুতের চমক খেল একটা। তবে কুন্তলা কি?—কিন্তু সংশয়টা স্পষ্ট রূপ নিতে গিয়েই আবার পরস্পরে বৃদ্ধদের মতো মিলিয়ে গেল। কুন্তলার নীলার মতো চোখ দুটো তখনো মোহিনী মায়ায় জলছে। এই চোখ, এমনি চোখ আর একবার কোথায় দেখেছিল ভাস্কর? হ্যাঁ—তার নিজের দেশেই, মাদুরা অঞ্চলের এক নটরাজের মন্দিরে। নটরাজের তৃতীয় নেত্রে এমনি একধুও হীরা জলছে, উজ্জ্বল, অপরূপ। কিন্তু সে হীরার তীব্র বিষ সঞ্চারিত, স্পর্শ করলেই অপমৃত্যু।

প্রদীপ ও প্রজাপতি

গল্প লেখবার চেষ্টা করছিলাম।

সামনে ক্যাণ্ডল-স্ট্যাণ্ড থেকে ফোঁটায় ফোঁটায় মোম গ'লে পড়ছে নীচের প্লটটার ওপর—মোমবাতির ঋজু দীর্ঘ দেহটা অতি ধীরে ধীরে হ্রস্ব থেকে হ্রস্বতর হয়ে আসছে। বাইরে ধোলা জানলা দিয়ে তাকিয়ে দেখছি, সামনে বরেন্দ্রভূমি বা বারিন্দার প্রসারিত ধানের ক্ষেত—গরুর গাড়ির কঠিন চাকায় ক্ষত-বিক্ষত বর্ষা-পঙ্কিল ডিস্টিক্ট বোর্ডের দাস্তা হাঁসমারির খাঁড়ির ওপারে জ্যোৎস্নার কুয়াশায় নিশ্চিহ্ন হয়ে মিলিয়ে গেছে। মনে হচ্ছে, দৃষ্টির অতীত ওই জ্যোৎস্নাময় পৃথিবীটা যেন এখানকার মত মৃৎপিণ্ডে তৈরি নয়, ওখানকার ব্যাপারটা যেন সম্পূর্ণ বায়বীয়। যেন জলন্ত নীহারিকার অবয়বহীন খানিকটা বাষ্পরূপ রাত্রির আকাশের তলা দিয়ে এক ঝাঁক সরালি হাঁস শীতলীর দীঘির দিকে চ'লে গেল, নিদ্রিত আকাশের তলায় বহুক্ষণ ধ'রে বাজতে লাগল অপস্রয়মান পক্ষধ্বনির একটা ক্রান্ত তরঙ্গ।

এলোমেলো মুখ—টুকরো টুকরো ছবি। আধুনিক কবিতার মত অচেতন সত্তা থেকে ভিড় ক'রে আসছে অসংলগ্ন চিন্তাধারা। 'সিলুট' ছবির মত পলকে পলকে দেখা দিয়ে বাচ্ছে ছায়াময় পরিচিত অপরিচিত অসংখ্য পটভূমিকা। কোনটাই স্পষ্ট ক'রে ধরা দেয় না, অগণিত সূচনার খণ্ড স্রবণুলো সমষ্টিগত একটা ঐক্যতানের মধ্যে বার বার হারিয়ে যাচ্ছে। টেবিলের ওপর কলমটা নামিয়ে রেখে, তারই একটা সূত্র ধরবার চেষ্টা করছিলাম।

হঠাৎ বাইরে থেকে কি একটা পতঙ্গ উড়ে এল, ফরফর ক'রে পরিক্রমণ করতে লাগল মোমবাতির নীলাভ শুভ্র শিখাটাকে। তাকিয়ে দেখলাম, রাত-

চরা একটা বড় আকারের প্রজাপতি। বর্ণ-গৌরবে খুব চমৎকার নয়, অন্তত কবি-কল্পনাকে কিছুমাত্র প্রশ্রয় দেয় না। কিন্তু নিরাভরণ এই অসুন্দর প্রজাপতিটার দিকে তাকিয়ে চকিতে একটা কাহিনী মনে প'ড়ে গেল। সত্যিকারের কাহিনী। অনাগত অস্বচ্ছ গল্পগুলোর ভিড় ঠেলে মনশ্চক্ষের সামনে স্পষ্ট প্রত্যক্ষ সত্তা নিয়ে উড়তে লাগল অনাহৃত এই প্রজাপতিটার মতই!

* * * * *

ছুটিতে দেশে আসতে হয়েছিল।

ছ-চার দিনের জন্ত গ্রাম আমার মন্দ লাগে না। কখনও কখনও অলস-কল্পনার মুহূর্তে দস্তুরমত ভাবপ্রবণ হয়ে উঠি, উচ্ছল নাগরিকতার বাইরে পলাতক জীবন যাপন করবার স্পৃহা জাগে। ছেলেবেলায় সোনা-পিসীমাদের বাড়ি এদিক দিয়ে আমার আদর্শস্থল ছিল।

গ্রামের দক্ষিণ দিয়ে ছোট একটি খাল ধানক্ষেতের আড়ালে আড়ালে এঁকেবেঁকে একেবারে সাহেবের চর শীমার-বাটের নীচে আড়িয়লখায় গিয়ে নেমেছে। সেই খালের ওপরে নড়বড়ে বাঁশের চার বাঁসাকো পার হ'লেই সোনা-পিসীমার বাড়ি। ভাঁট ফুলের এলোমেলো জঙ্গল ছাড়িয়ে সুপুরির বাগান, ঘন ছায়ার তলা দিয়ে শ্রাঁতসৈঁতে কালো মাটির ভিজে পথ পায়ের দাগে দাগে চিহ্নিত হয়ে এগিয়ে গেছে মুখুজ্জে-বাড়ি পর্যন্ত। পথের আশেপাশে চার-পাঁচটি মঠ বা চিতা, মুখুজ্জে-বাড়ির লোকান্তরিত প্রাক-পুরুষদের স্মরণচিহ্ন। আমাদের পূর্ব-বাংলার গ্রামে প্রায়ই কোন নির্দিষ্ট আশানভূমি থাকে না, নিজেদের জমির এলাকাতেই শবদাহ করবার নিয়ম।

সোনা-পিসীমারা এককালে খুব অবস্থাপন্ন ছিলেন। কিন্তু মামল-মকদ্দমায় এবং ভূতপূর্ব মুখুজ্জেদের আত্মবন্দিক দোষে সে অবস্থায় ভাঁটা পড়েছে এখন। দোল-দুর্গোৎসব আজও হয়, কিন্তু এখন সে সব নিছক

পূর্বপুরুষদের ক্রিয়াকাণ্ড রক্ষা করা মাত্র। চণ্ডীমণ্ডপের অবস্থা জরাজীর্ণ, আগাগোড়াই হোগলার বেড়া বেঁধে দিতে হয়েছে। একবার বৈশাখের ঝড়ে নাটমন্দির উপড়ে পড়েছিল, তারপরেই রাতারাতি টিনগুলো যে কোথায় চালান হয়ে গেল, আজও তার হদিস মেলে নি। দোলমঞ্চটায় অসংখ্য ফাটল, বিষধর সাপের আস্তানা। তিন বছর থেকে দুর্গাপূজায় আর প্রতিমা তৈরি করা হয় না, ষটের মাথায় ফুল-জল দিয়েই দেবীকে আহ্বান করা হয়। পিতৃপিতামহের ধারা, তাই একেবারে বাদ দিয়ে দেওয়া চলে না।

একেবারে অসচ্ছল অবস্থা এখনও বলা যায় না। তালুক থেকে সম্বৎসরের ধান চাল আসে, ছোট্ট সংসারটি চ'লে যায় অত্যন্ত স্বচ্ছন্দ এবং পরিপাটি ভাবে। আর সোনা-পিসীমার হাতের চিঁড়ের মোয়া সারা গ্রামে স্রবিস্থাত, আমার পক্ষে সেটাও একটা দুর্বীর আকর্ষণ।

বাগান পেরিয়ে বাড়ির ভেতর পা দিতেই টুন্স-বউদির সঙ্গে সর্বপ্রথম দেখা হয়ে গেল। উঠনের একপাশে ছোট চালায় নীচে ঢেঁকি বসানো। টুন্স-বউদি চিঁড়েই কুটছিলেন বোধ করি। নোলক-পরা ছোট একটি প্রতিবেশিনী মেয়ে ঢেঁকির সামনে বসে ছিল, নতুন মাছষ দেখে সে হাঁ কু'রে আমার দিকে তাকিয়ে রইল।

গাছকোমরটা খুলে নিয়ে ঘোমটার মত ক'রে মাথায় তুলে দিলেন টুন্স-বউদি। তারপর আমার দিকে একরকম ছুটে এলেন বললেই হয়। অ্যা, রঞ্জন-ঠাকুরপো যে! গরিবের বাড়িতে পথ ভুলেই এলেন নাকি?

টুন্স-বউদি সেই জাতের মাছষ, যার কেবলমাত্র উপস্থিতিটাই অকারণ প্রসন্নতায় মনকে পরিপূর্ণ ক'রে তোলে। স্বাস্থ্যপুষ্ট আমল মুখখানা হাসিতে উজ্জল, কপালে আর সীমস্তে সিঁদুরের রক্তরাগ। রুক্ষ চুলের নীচে প্রশস্ত ললাটের প্রান্তে প্রান্তে মুক্তাচূর্ণের মত ঘামের বিন্দু জ'মে উঠেছিল।

বললাম, সত্যি, কদিন সময় পাই নি। তারপর সবাই ভাল তো?

টুঙ্গ-বউদির মুখের ওপর কেমন একটা ছায়া পড়ল। বললেন, না ভাই, ভাল আর কোথায়? মাকে নিয়েই বড় অশান্তিতে আছি।

—মাকে নিয়ে? পিসীমা? তাঁর আবার কি হয়েছে?

—ওঃ, আপনি জানেন না বুঝি?

বউদির চোখের দৃষ্টি স্নান হয়ে এল। বললেন, গত বছর কার্তিক মাসে খুব বেশি অসুখ হয়েছিল, কোন আশাই ছিল না। সেরে উঠেছেন, কিন্তু ডান দিকের সব অঙ্গগুলো একেবারে অসাড় হয়ে গেছে। বয়স তো আর কম হ'ল না। ঘরে চলুন না, দেখবেন।

ঘরে ঢুকতেই মুহূর্তে মনটা আড়ষ্ট এবং সংকুচিত হয়ে উঠল। সোনা-পিসীমাকে এ অবস্থায় দেখবার কল্পনা কোন দিন করতে পারি নি। খোলা জানলার ফাঁক দিয়ে বিকালের সূর্য তার রক্তরশ্মি ঘরের মধ্যে ছড়িয়ে দিয়েছে, তারই খানিকটা অত্যন্ত করুণ হয়ে পিসীমার মুখের ওপর এসে পড়েছিল। মুখখানা বাঁ দিকে অভূত রকমে বড়শির মত বেঁকে এসেছে, ডান চোখটা ভীতিকরভাবে বিক্ষারিত, যেন তলার থেকে আর একটু ধাক্কা লাগলেই কোটর থেকে বেরিয়ে চ'লে যাবে। ঘরময় অস্বাস্থ্যকর একটা গন্ধ। যে অংশটায় আলো পড়ে নি, সেখানে অস্বচ্ছ খানিকটা ছায়া জমাট বেঁধে রয়েছে অন্ধকারের মত। কাঠের একটা বেঁটে টিপয়ের ওপর কতগুলি কবিরাজী শিশিপত্র, একটা সাদা কানা-ভাঙা চীনা মাটির পাত্রে মলমজাতীয় খানিকটা সবুজ জিনিস। ঠিক বিছানার ওপরেই অপরিচ্ছন্ন একটা পিতলের পিকদানি। সবটা মিলিয়ে ঘরের মধ্যে মৃত্যুর অতি প্রত্যক্ষ বিষনিশ্বাস যেন আমি অনুভব করলাম।

বউদি বললেন, মা, রঞ্জন-ঠাকুরপো এসেছেন।

পিসীমা উঠে বসবার চেষ্টা করলেন। তাঁর বাঁ চোখটা পরিচিত স্নেহ-কোমলতায় করুণ আর স্নিগ্ধ হয়ে উঠেছে। বললেন, কে, রঞ্জন? কতদিন পরে এলি বাবা! ভাল আছিস তো?

বললাম, ভালই আছি পিসীমা।

—বঁচে থাক বাবা, রাজরাজ্যেশ্বর হয়ে থাক। বন্ধুর কাছে শুনেছিলাম, বি, এ, পাস করেছিস তুই। শুনে কত যে খুশি হয়েছি, কি বলব। তা চাকরি-বাকরি কিছু কি জুটল?

—আপাতত কলকাতায় এম, এ, পড়ছি পিসীমা।

—কলকাতা? মুহূর্তে সোনা-পিসীমার কণ্ঠস্বরে স্পষ্ট একটা পরিবর্তন লক্ষ্য করলাম। জানলার ফাঁক দিয়ে বিকালের যে সোনালো আলো তাঁর মুখের ওপরে প্রতিফলিত হয়েছিল, সেই আলোতে তাঁকে অনেকখানি স্বতন্ত্র ব'লে মনে হ'ল।

সোনা-পিসীমা যেন অনেকটা স্বগতোক্তি করলেন, বন্ধুর ইচ্ছে বউমাকে কলকাতা নিয়ে যায়। মেসে খাওয়া-দাওয়া ক'রে আপিস করতে ওর বড্ড অস্ববিধে হচ্ছে। আর আমি তো পাঠিয়েই দোব ভেবেছিলাম, কিন্তু অস্বখে প'ড়েই—

তুন্তু-বউদি বাধা দিলেন। ব্যস্ত হয়ে বললেন, ওসব কথা থাকুক মা। মালিশের তেলটা এনে দোব? কবিরাজমশাই তো বিকেলবেলাই মালিশ করতে ব'লে গেছেন।

সোনা-পিসীমা চুপ ক'রে রইলেন। তাঁর পক্ষাঘাতগ্রস্ত বাঁকা মুখখানার দিকে তাকিয়ে অত্যন্ত বেদনা বোধ হতে লাগল। মনে হ'ল, আগাগোড়া সমস্ত ব্যাপারটার মধ্যেই কি একটা অলক্ষ্য বস্তুর হস্তস্পর্শ—এদের দুজনের মারুখানে কোথায় বিচ্ছেদের একটা সূক্ষ্ম রেশমী যবনিকা ছলছে। কেউ যেন কারও কাছে স্পষ্ট ক'রে খরা দিতে চায় না। পারিবারিক জীবনের প্রাত্যহিক পরিচয়ের আড়ালে অভিমান আর অবিখাসের একটা ছায়ামূর্তি স্থির হয়ে দাঁড়িয়ে আছে।

কয়েক মুহূর্ত পরে সোনা-পিসীমা বললেন, মালিশ একটু পরে করলেও চলবে। বিজ্ঞয়ার পরে রঞ্জন এসেছে বউমা, দুটি চিড়ে

মডকি দাও ওকে। যা বাবা, বাইরে বোস গিয়ে। রুগীর ঘরে বেশিক্ষণ থাকতে নেই।

রোদের সোনালী রঙ ফিকে আর কালচে হয়ে আসছে। সোনা-পিসীমার বাঁ চোখটা বৃষ্টি এল, ডান চোখ তখনও অস্বাভাবিক বিক্ষিপ্ত। তাঁর স্নান মুখের ওপর ছায়া ছড়াতে লাগল—ক্ষীয়মান পশু জীবন আর অভ্যাসিত পাণ্ডুর মৃত্যু।

টুই-বউদি বললেন, চলুন ঠাকুরপো, বাইরে চলুন। বেশি কথা কইলেই গুঁর অস্বস্তি বাড়ে।

দাওয়ায় একখানা হোগলা পেতে দিয়ে টুই-বউদি আমার জন্তে এক খালা ঘোয়া আর নারকেলের সন্দেশ এনে হাজির করলেন।

অন্তমনস্তভাবে খেয়ে চলেছিলাম। ফাটল-ধরা দোলমঞ্চ আর গুঁর্ণি চণ্ডীমণ্ডপটার দিকে তাকিয়ে নানা অর্থহীন চিন্তা মনের ভেতর ঘুরে বেড়াচ্ছিল। পাশেই চাটুজ্জের পোড়ো ভিটেতে এক বুক জঙ্গল! আজ প্রায় বিশ বছর হতে চলল, কলকাতায় গিয়ে বাস্তু বেঁধেছে তারা। ভাঙাচুরো ভিটেগুলির ওপর উইয়ে-ধরা দুটো একটা শালের খুঁটি, পচা বাঁশের টুকরো, ভাঙা মরচে-পড়া দু-একখানা টিন। গ্রামের লোকে দরজা-জানলা, কাঠ-বাঁশ যথাসম্ভব সরিয়েছে, সাপের ভয়ে এখন আর এদিকে কেউ পা বাড়ায় না। একেবারে খালের পাশেই বহুকালের পুরনো যে হিজলগাছটা চারপাশে বুড়ির মত জটা নামিয়ে দিয়েছে, তার তলায় শ্রান্তসৈতে অন্ধকারে যে শ্রাঁওলা-পড়া লম্বা বেদী, ওইটেই ছিল চাটুজ্জের কালীখোলা। গভীর রাতে খাল দিয়ে চলবার সময় ‘কেরায়া’ নৌকোর মাঝিরা ওখানে নাকি অসম্ভব মূর্তি দেখতে পায়, শুনে পায় অমায়িক কান্না!

হঠাৎ চমক ভাঙল। আঁচলের কোণটা হাতের আঙুলে জড়াতে জড়াতে টুই-বউদি হঠাৎ প্রশ্ন করে বসলেন, আপনি তো কলকাতায় থাকেন ঠাকুরপো, গুঁর সঙ্গে আপনার দেখা হয়?

বললাম, কে, বন্ধুদা? হ্যাঁ, অনেক দিন আগে একবার পথে দেখা হয়েছিল বটে।

টুন্স-বউদি অগ্রমনস্কভাবে বললেন, এবার পূজোর সময় দেশে এসেছিলেন। বললেন, শরীরটা আদৌ ভাল যাচ্ছে না। মেসের খেয়ে দশটা পাঁচটা আপিস করা, বুঝতেই তো পারেন।

না বোঝবার কথা নয়। বললাম, কলকাতার বাসা করতে চান বুঝি?

—তাই তো বলছিলেন। কিন্তু মার এই অবস্থা, এখন গুঁকে ফেলে আর—

বললাম, তা গুঁকেও নিয়ে গেলে হয় না?

অপ্রশ্ন মুখে টুন্স-বউদি চুপ করে রইলেন। নীরবতার অর্থটা অত্যন্ত পরিষ্কার। মৃত্যু যেখানে অনিবার্য অথচ অকারণ বিলম্বিত, সে ক্ষেত্রে নিষ্ফল সহানুভূতির বোঝা টানতে টানতে মানুষের ক্লান্তি আসবেই। শুশ্রূষায় তিক্ততা, সেবায় বিরক্তি।

বললেন, অটেল খরচা, তা ছাড়া নাড়াচাড়া করতেও হান্ধামা আছে বিস্তর। আর একটা কথা কি, জ্ঞানেন? মা কিছুতেই বাড়ি ছেড়ে যাবেন না, যেতেও দিতে চান না। গুঁর ধারণা, ক্ষেতের ধান, পুকুরের মাছ, বাগানের ফল-পাকড়—এর চাইতে স্বপ্ন নাকি কোথাও নেই।

—তা এমন মন্দ কি?

টুন্স-বউদির চোখ দুটি উজ্জল হয়ে উঠল; বললেন, মন্দ কি? আপনিও তাই বললেন? মাছ-তরকারির স্বপ্নটা কি এতই বড় হ'ল? শরিকী হান্ধামা, চোরের উপদ্রব, দিনরাত একজনের জগ্নে দুশ্চিন্তা—আচ্ছা, আপনিই বলুন তো ঠাকুরপো, এতে লাভটা কি?

দৃষ্টির ভেতর দিয়ে টুন্স-বউদির মনটি বেরিয়ে আসছিল। সায় দিয়ে বললাম, না, লাভ নেই।

বউদি আবার নীরব হয়ে রইলেন। সমস্ত উঠনটার ওপর দিয়ে আসল

সন্ধ্যার স্নানিমা। বাড়িটা বিচিত্রভাবে নির্জন, কেবল ঘরের ভেতর সোনা-পিসীমার কাসির শব্দ শোনা যাচ্ছিল। অস্বস্তি বোধ হতে লাগল। বললাম, অন্ধকার হয়ে এল বউদি, এবারে চলি।, যাওয়ার আগে আর একদিন আসব।

বহন না, তাড়া কিসের? আচ্ছা ঠাকুরপো, যদি সত্যিই এমন হয়, মানে—। একবার দ্বিধা ক'রে বউদি বললেন, মানে, কলকাতায় যদি আমাদের বাসা হয়, তা হ'লে খোঁজ-খবর নেবেন তো?

—বাঃ, নোব না!

টুহু-বউদির কণ্ঠস্বর ধীরে ধীরে স্বপ্নাতুর হয়ে আসছিল। সামনে স্পুরি-বাগানের দিকে দৃষ্টি মেলে দিয়ে তিনি বলতে লাগলেন, আমার ভাবতে বেশ লাগে ঠাকুরপো, ছোট্ট একটি বাসা ক'রে আছি দুজনে। ছিমছাম গুছনো একটি সংসার। সন্ধ্যাবেলা উনি আপিস থেকে ফিরলে কড়ায় ক'রে খান কয়েক লুচি ভেজে দোব, চা ক'রে দোব। ছুটির দিনে দুজনে যাব আলিপুরের চিঁড়িয়াখানায়, কোন দিন যাবো বায়োস্কোপ দেখতে। টকি আমার খুব ভাল লাগে ঠাকুরপো। মামার বাড়িতে থাকবার সময় দু-একবার দেখেছিলাম, তারপরে আর হয় নি।

বেশ তো, কলকাতায় গেলে প্রাণ ভ'রে টকি দেখবেন।

—আর ষিয়েটার! ওঁর কোন্ এক বন্ধু নাকি ষিয়েটারের পাস দেয় ওঁকে। ইচ্ছে করলেই উনি বিনা পয়সায় ষিয়েটার দেখতে পারেন।

টুহু-বউদির বলবার আরও অনেক ছিল, কিন্তু আমার আর বসবার সময় ছিল না। দু-চার কথার পরে আবার আসবার প্রতিশ্রুতি দিয়ে টুহু-বউদির কাছ থেকে বিদায় নিলাম। কেবল অন্ধকার বাগানের পথ দিয়ে আসবার সময় সোনা-পিসীমার কাসির শব্দটা তীরের মত এসে আমার কানে বিঁধতে লাগল।

আর কিছুদিন পরে খবর পেয়েছিলাম, সোনা-পিসীমা মারা গেছেন।

কাহিনীটা এখানেই শেষ হতে পারত। কিন্তু প্রায় তিন বৎসর বাদে একদিন অত্যন্ত আকস্মিক ভাবে দেখা হয়ে গেল বন্ধুদার সঙ্গে।

ঠনঠনিয়া কালীবাড়ীতে প্রণাম করছিলেন বন্ধুদা। বগলে এক গাদা বই নিয়ে লাইব্রেরি-ওয়ার্কের পরে আমি ফিরে আস ছিলাম ইউনিভার্সিটি থেকে। হঠাৎ বন্ধুদার সঙ্গে চোখোচোখি হয়ে গেল। বিদ্যুৎবেগে হাতের সিগারেটটাকে জুতোর তলায় চালান ক'রে দিলাম। আমাকে দেখে বন্ধুদা হাসলেন। বললেন, আরে, রঞ্জন যে, ভাল আছ?

মাথা নেড়ে জানালাম, ভালই আছি। তারপর জিজ্ঞাসা করলাম, দেশের সব কুশল তো?

—দেশ? দেশে কে আছে আর? না মায়া যাওয়ার পরে সবই তো এখানে তুলে এনেছি।

চকিতে বহুদিনের আগেকার একটি আসন্ন সন্ধ্যা মনে প'ড়ে গেল। চমকে বললাম, বউদিও এখানে?

বন্ধুদা সলজ্জ ভাবে হাসলেন।

—বাপু রে, সেটা আগে বলতে হয়! ঠিকানা দাও, কালই দেখা ক'রে আসব।

বন্ধুদা বললেন, হ্যাঁ হ্যাঁ, সেও বলেছে অনেক দিন। তা তুমি যে সৃষ্টি-ছাড়া মানুষ ভায়া, তোমার পাত্তা কি সহজে মেলে! কয়েকবার খোঁজও করেছিলাম, কিন্তু দেখা পাই নি।

বন্ধুদা ঠিকানা দিলেন। বাগবাজারে কি এক হরিহর দাস বাই লেন। গলিটা কখনও দেখেছি ব'লে মনে পড়ল না।

—খুঁজে নিতে একটু কষ্ট হবে। জায়গাটা কি বলে—একটু ইয়ে কিনা। ওই মদনমোহনের বাড়িটা ছাড়িয়ে কয়েক পা এগোলেই। তা কবে-শাচ্ছ?

বললাম, যাব একদিন সময় ক'রে। বউদিকে ব'লে রেখে।

—হ্যাঁ হ্যাঁ, রাখব বইকি। আচ্ছা, তা হ'লে এখন আসি ভাই। আমার আবার টিউশনি আছে, দেরি হয়ে যাবে।

অত্যন্ত অমায়িকভাবে হেসে বন্ধুদা চ'লে গেলেন। আধময়লা লংকুথের পাঞ্জাবির ছেঁড়া কাঁধটা তাঁর অত্যন্ত প্রত্যক্ষ, মুখে তিন দিনের না-কামানো দাড়ি, পুরনো ছাতাটার বর্ণসাম্যহীন তালিগুলোতে দারিদ্র্যের নখর-চিহ্ন।

কয়েক দিন নানা কাজে নিখাস ফেলবার জো ছিল না। বেনামীতে এক বইওয়ালাকে নোট লিখে দিয়েছিলাম, কণ্ট্রাক্টের টাকা কটা আদায়ের জন্য দিন কয়েক হাঁটাহাঁটির ব্যাপার ছিল। সেটা মিটে গেলে টুই-বউদির সঙ্গে দেখা করতে গেলাম।

কলকাতার বহু গলির সঙ্গেই পরিচয় আছে। প্রাসাদপুরীর আলোকিত রঙ্গমঞ্চটার পেছনে মাল্লবের গম্য-অগম্য অনেক অন্ধকার গহবরেই ষাতায়াত করতে হয়েছে, তাই হরিহর দাস বাই লেনকেও আবিষ্কার করতে পারলাম। ইম্প্রুভমেন্ট ট্রাস্টের কল্যাণে একটা বড় বাড়িকে ভেঙে অনেকটা জায়গা বার করা হয়েছে, সন্ধ্যা হ'লে সেখানকার চুন-স্রকির ভূপের ওপর বিরূতরূপা একদল মেয়ে বিফল প্রসাধন ক'রে খরিদারের আশায় ব'সে থাকে, বিড়ি টানে, অশ্লীল ভাষায় ইয়াকি করে, একটু দূরে যে লোকটা লোহার উত্তুনে পেরাজফুলরি ভাজছে তার সঙ্গে করে কলহ। ঠিক তারই পাশ দিয়ে ছোট্ট একটু কানা গলি—হরিহর দাস বাই লেন। সিউয়ার্ড ডিচের মত দেড় হাত প্রশস্ত অন্ধকার পথ—দু পাশে নোনা-ধরা দেওয়ালগুলো গায়ের ওপর চেপে আসবার উপক্রম করে। পায়ের নীচে পচা ভাত আর মাছের কাঁচা, খবরের কাগজে মোড়া অকথ্য আবর্জনা।

ব্যাঙের মত লাফিয়ে লাফিয়ে বন্ধুদার দেওয়া নম্বরটার কাছে এসে যখন পৌঁছলাম, তখন বাড়িটার দিকে তাকিয়ে আমার চক্ষুঃস্তির হয়ে গেল।

কোন ভদ্রলোক এমন জায়গায় বাস করতে পারে, এ কল্লনার অতীত। পুরনো একতলা বড় বাড়ি, চুন-সুরকি-খসা দেওয়ালে নগ্ন ইটগুলো কোণা বার ক'রে রয়েছে। সদর দরজায় কবার্ট নেই, একটা ছেঁড়া চট'সেখানে পদ্দার মত ঝুলছিল।

কড়া নাড়বার জো নেই। গলা-খাকারি দিয়ে ডাকলাম, বন্ধুদা, বন্ধুদা আছেন ?

—কে গো ?—নারীকণ্ঠে ককশ ভাবে প্রশ্ন এল, কাকে চাই ? পরক্ষণেই ছেঁড়া চটের ফাঁক দিয়ে প্রোচার একখানা তামাটে কুংসিত মুখ বেরিয়ে এল। শকুনের মত তীক্ষ্ণ চোখ আমার সর্বাঙ্গে ঝুলিয়ে নিয়ে সে মুখখানা আবার জিজ্ঞেস করলে, কাকে চাই মোশায়ের ?

সসঙ্কোচে বললাম, বন্ধিম মুখুজ্জে এখানে থাকেন কি ?

খনখন ক'রে গলা বেজে উঠল, থাকেন না তো যাবেন কোন্ চুলোয় ? তা এখন তো তাঁর পাত্তা মিলবে না, তাঁকে পাওয়া যাবে রাত দশটার পরে। তুমি কি পাওনাদার বাপু ? তা হ'লে সোজা চ'লে যাও, তাঁর চাকরি নেই এখন।

বললাম, না, পাওনাদার নই। আমি তাঁদের আত্মীয়, তাঁর স্ত্রীর সঙ্গে একবার দেখা করব।

—আত্মীয় ? তা অত আদিখ্যেতার দরকার কি, আগে বললেই তো হ'ত। এস এস, ভেতরে এস। এ বাড়ী আমার, আমিই এখানকার বাড়ি-উলি।

ভেতরে ঢুকতেই প্রোচা বাঁ দিকে একখানা ঘর দেখিয়ে দিলে, ওই তাদের ঘর। আর কোন দিকে যেয়ো-টেয়ো না বাপু, আমার অগ্নি ভাড়াটে আছে। তাদের আবার আক্র বড্ড বেশি।

নির্দিষ্ট ঘরখানার দিকে এগোতেই ধোঁয়ায় আমার দমবন্ধ হয়ে আসবার উপক্রম হ'ল। একটা টিনের তোলা উলুনে সবে আঁচ দেওয়া হয়েছে,

নিবিড় কয়লার ধোঁয়ায় কোলের মানুষ দেখা যায় না। তবুও তার ভেতর দিয়ে ঘরের বারান্দায় আমি টুঙ্গ-বউদিকে দেখতে পেলাম।

বললাম, টুঙ্গ-বউদি, আমাকে চিনতে পেরেছেন?

টুঙ্গ-বউদি উঠে দাঁড়ালেন। হর্ষোচ্ছল গলায় বললেন, রঞ্জন ঠাকুরপো! এসেছেন?

কিন্তু টুঙ্গ-বউদির একী চেহারা! তিন বছর আগেকার সে মানুষটি আর নয়। এ তার একটা অস্থিচর্মসার কঙ্কালমাত্র। চোয়ালের হাড়ের ওপর একটা পাতলা চামড়ার আবরণ, কালো গর্তের ভেতর মলিন চোখ দুটো প্রায় ডুবে গেছে বললেই চলে। কাচের মাঝেলের মত অস্বস্থ একটা ঘোলাটে দৃষ্টি। যেন বহুদূর থেকে সে দৃষ্টি ভেসে আসছে।

ঘরের ভেতর থেকে ছেঁড়া একটা মাদুর এনে বউদি বারান্দায় পেতে দিলেন। বললেন, উঃ, কতদিন পরে দেখা হ'ল আপনার সঙ্গে!

বললাম, কিন্তু আপনার এ কি শ্রী হয়েছে বউদি! একেবারে যে চেনাই যায় না!

টুঙ্গ-বউদি ক্লিষ্টভাবে বললেন, কমাস থেকেই শরীরটা ভারী খারাপ যাচ্ছে ঠাকুরপো। রাত্রে ঘুসঘুসে জ্বর হয়, আর সেই সঙ্গে কাসি। উনি কী একটা কবিরাজী ওষুধ নিয়ে এসেছেন কদিন হ'ল, তাই খাচ্ছি একটু একটু।

স্থির দৃষ্টিতে আমি টুঙ্গ-বউদির মুখের দিকে তাকালাম। কোন ভুল নেই। এ বাড়ির আবহাওয়ায় দিনের পর দিন যে মুহূর্তবীজেরা পুষ্ট ও লালিত হয়ে চলেছে, তাদেরই অলক্ষ্য ক্ষুধা টুঙ্গ-বউদিকে স্পর্শ করেছে এসে। বুকের প্রাণপিণ্ড দুটোকে মুহূর্তে মুহূর্তে নিঃশেষে কেটে কেটে খেয়ে চলেছে তারা।

সঙ্গে সঙ্গেই দৃষ্টি পড়ল উঠানের কলতলার দিকে।

তরল কাদা আর এক রাশ উচ্ছিষ্ট। একটা কাক ডিমের খোলা ঠোঁট ক'রে উড়ে গেল। তিন-চারটি মেয়ে কলতলায় প্রাণপণে বাসন মাজছে,

একটির বন্ধোবাস অশোভন রকমে অসংযত। ছেঁড়া গামছা পরা একজন রোমশ পুরুষ একটু দূরে একটা তোবড়ানো টিনের মগ হাতে দাঁড়িয়ে, থেকে থেকে অসংবৃত-বসনা মেয়েটির দিকে তার চোখের তির্যক দৃষ্টি ঘুরে আসছে। ওদিকের বারান্দা থেকে কে খানিকটা পানের পিক ফেললে, জল-কাদার সঙ্গে মিশে পিকের লাল রঙটা উঠানের অনেকখানি অবধি প্রসারিত হয়ে গেল।

দুর্বল কণ্ঠে টুহু-বউদি বললেন, সত্যি, বড্ড কষ্টেই আছি। আপিসে একজন মাদ্রাজীকে নিলে, তাইতে চাকরি গেল, এখন ছুটো টিউশনিই ভরসা। তবু তো দুবেলা ছুটোছুটির কামাই নেই। একটা ছেলে হয়েছিল জানেন বোধ হয়, মাস তিনেক আগে রক্ত-আমাশয়ে ম'রে গেল, একবার ডাক্তার অবধি ডাকতে পারলাম না। মাঝে মাঝে ভাবি, এর চাইতে গ্রামে থাকলেই বোধ হয় ভাল হ'ত, কিন্তু ঠুকে এভাবে ফেলে কী ক'রে যাই?

একটু থেমে আবার বললেন, আচ্ছা ঠাকুরপো, বায়োস্কোপে 'বাংলার মেয়ে' দেখেছেন আপনি?

টুহু-বউদির চোখ দুটো চকচক করতে লাগল, আশায় নয়—অশ্রুতে।

*

*

*

ভাবনায় ছেদ প'ড়ে গেল।

কলমে কালি ফুরিয়ে এসেছে। চোখ তুলে তাকাতেই দেখলাম, জলতে জলতে মোমবাতিটা প্রায় নিঃশেষ হয়ে এসেছে, আর ক্যাণ্ডলস্ট্যান্ডের নীচের প্রেটখানার ওপর প'ড়ে আছে সেই প্রজাপতিটা,—মৃত্যুর স্পর্শে তার প্রসারিত ডানা দুটি নিশ্চল।

হুণ

পর পর তিনখানা নৌকো সন্ধ্যার অন্ধকারে ঘাটে এসে ভিড়ল। ঘস্-স্-স্। কাদার পাড় ঠেকেছে আর তার সঙ্গে মাথা তুলে বাধা দিয়েছে ডুবে যাওয়া ঘাসের বন।

ধাওয়াদের ডিজি। সারাদিন বিলে মাছ ধরে এই সন্ধ্যায় ফিরল ঘরে। নৌকার খোলের ভেতর বন্দী চিতলের লেজের বাপট শোনা যাচ্ছে, জলের মধ্যে খল খল করছে বোয়ালের ছানা। জালের গায়ে গায়ে কাঁটাওয়ালা চাঁদা মাছগুলো রূপোর চাকতির মতো আটকে রয়েছে।

কাদার মধ্যে লগি পুঁততে পুঁততে সৈফুদ্দিন বললে, দিনের পর দিন হল কী বিলের! সারাদিন জাল ফেলেও পাঁচ সের মাছ পাওয়া যায় না, এবার যে না ধেয়ে মরতে হবে রে।

হাঁটু জলে নেমে জয়নাল ডিজিটাকে পাড়ে আনবার চেষ্টা করছিল। রুদ্ধশ্বাসে এবং রুদ্ধ আক্রোশে চাপা একটা গর্জন করলে সে। বললে ওই শালা ‘বিনে’র দল। বারো মাস ভেসাল নামিয়ে চুনোপুঁটিগুলো অবধি সব সাবড়ে নিলে মাছ কি আশমান থেকে ঝর ঝর করে ঝরে পড়বে নাকি?

খোলের ভেতর হাতড়াতে হাতড়াতে সৈফুদ্দিন বললে, সত্যি। পশ্চিম থেকে এসে এই ‘বিনে’ আর ‘মালা’রাই আমাদের রুজী মারবার মতলব করেছে। ওদের না তাড়ালে আর—

—কী করে তাড়াবে। কতগুলো করে টাকা জমা দেয় ওরা, ওরা হালিম শাহর ধর্মপুত্রের যে।

তৃতীয় নৌকোর মাঝি বসির ধাওয়া কোনো কথা বললে না। বলবার কিছুই নেই। অভাব অভিযোগ প্রত্যেক দিনের দুঃখ দুর্গতি, এর জন্তে

কাউকে দোষ দিয়ে লাভ নেই কিছু। টাকায় একসের চাল। নুজির দাম পাচ টাকা, আট গুণা পয়সা দিয়েও এক লাটিম জ্বালের সূতো পাওয়া যায় না। বিলের মাছগুলো দিনের পর দিন ফুরিয়ে আসছে বিস্ময়কর ভাবে, সে-ও এই দুর্ভাগ্যেরই অংশ মাত্র। আল্লা মালেক ছাড়া এর জত্তে দায়ী নয় কেউ। বিনেরা নয়, মালারা নয়, হাসানপুরের শাহরাও নয়।

সামনে বিলের কালো জল। আকাশ ভরা তারায় সে জল ঝলমল করছে। অন্ধকারে উড়ছে ঘরে ফেরা গাংশালিক। একটু দূরেই বানের জলে একটা মড়া ঘোড়া ভেসে এসেছে, দুর্গন্ধে বাতাস বিষাক্ত। সেটাকে নিয়ে কুকুরের কোলাহল।

ধাওয়ারা জাতিতে মুসলমান আর পেশায় জেলে। আদি নিবাস ছিল রাজশাহীর চলন বিলের ধারে, কিন্তু জমিদার আর মহাজনের অত্যাচারে দিনাজপুর জেলার এই দক্ষিণাঞ্চলে এসে ঘর বেঁধেছে ওরা। মুসলমান সমাজে নাকি জাতি ভেদ নেই, কিন্তু ধাওয়ারা প্রায় অস্পৃশ্যদের সামিল। নিষ্ঠাবান মুসলমানেরা ওদের জলপান করতে দ্বিধা বোধ করেন, অগ্নি সম্পর্ক তো দূরের কথা। মৃত্যুর পরেও সেই জাতি ভেদের হাত থেকে নিস্তার নেই, সাধারণ কবরখানায় ওদের প্রবেশ নিষেধ। বিলের ধারে গ্রামের শেষ প্রান্তে ওদের গোরস্থান।

সম্প্রদায়টা যেমন নিবিরোধ, তেমনি শান্তিপ্রিয়। সমাজ আর দারিদ্র্যের পেষণে প্রতিবাদের ক্ষীণতম ভাষাটুকুও কণ্ঠ থেকে লুপ্ত হয়ে গেছে। হাসানপুরের শাহ জমিদারেরা এই মধ্য বিংশ শতাব্দীতেও অষ্টাদশ শতাব্দীর ভঙ্গিতে জমিদারী করে চলেছে। ঘরে আগুন দেওয়া কিংবা জোর করে মেয়ে টেনে নিয়ে যাওয়াটা আজকাল বন্ধ হয়েছে বটে, কিন্তু তাই বলে ঘরে ঘরে বেগার খাটানোটা এখনো আছে অব্যাহতভাবে। যখন তখন ঝুড়ি ভরে বিনামূল্যে বা নামমাত্র মূল্যে মাছ তুলে নিয়ে যাওয়াটা এখনো তারা জমিদারীর অধিকার বলে মনে করে।

কিছু বলবার জো নেই। জবাব আসে : বাইরে থেকে ব্যবসা করতে এসে শালারা লাল হয়ে গেলি, দুটো মাছ নজর দিতে গা এমন কর কর করে কেন ?

লাল ! লাল হওয়ার অর্থ যে কী শাহরা নিজেরাও যে তা না জানে এমন নয়। বিদ্রার ছাউনি দেওয়া ঘর বর্ষার জল আটকায়না। লজ্জা নিবারণের জন্তে দু টুকরো 'ফতা' জোটে না ঘরের মেয়েদের। মাছের সের এই যুদ্ধের বাজারের কল্যাণে দু আনা থেকে আট আনায় উঠেছে বটে, কিন্তু তা-ও বেশীর ভাগ চলে যায় দেবতা এবং উপদেবতার উপচারে। ওদের অত্যাচার জর্জর কালো মুখের দিকে তাকিয়ে বরেন্দ্রভূমির মাটি স্ফুণায় আর অপমানে সত্যি লাল হয়ে যায়।

সৈফুদ্দিন তাড়া দিয়ে বললে, বসির ভাই চুপ করে বসে আছে যে ! বরে যেতে হবে না ?

একটা দীর্ঘশ্বাস ফেলে বসির উঠে দাঁড়াল। মাছ সেও বেশি পায়নি, বরং সব চাইতে কম পেয়েছে। ছেঁড়া জালটা সারানো যাচ্ছে না কদিন থেকেই। অথচ এক লাটিম স্রোতের দাম কমসে কম আট গুণা পয়সা।

জালের সঙ্গে মাছগুলোকে জড়িয়ে নিয়ে উঠে পড়ল বসির। ছুঁচারজন ধরিদ্ধার ধালুই নিয়ে বসে আছে বিকেল থেকেই। একটু পরেই আসবে ধানার কনেষ্টবল, দারোগার জন্তে দৈনন্দিন তোলা নিয়ে যাবে। তারপর সকালে বন্দরের বাজার।

বিলের থেকে কয়েক পা উঠে এসেই লালু চৌকিদারের তরমুজের বাগান। অন্ধকারে ফণী মনসার বেড়াগুলো ঘেন কালো কালো গোথরো সাপের মতো ফণা তুলে রয়েছে। কিন্তু লালু চৌকিদারের বাগানে তরমুজ নেই। শুধু তরমুজ কেন, লালু চৌকিদারও নেই। গত বছর বর্ষার সময় দিগদিগন্ত ছাওয়া বিলে মাছের সন্ধানে গিয়ে সে আর ফিরে আসেনি। কোথায় কোন অতলে দাম ঘাসের লতা বন্ধনে জড়িয়ে সে শাস্তিতে ঘুমিয়ে আছে সে খবর কারো জানা নেই।

বসিরের মনটা ভারাতুর হয়ে উঠল। বিশ্বাস নেই বিলকে। মেঘ ওঠে না, অথচ ক্যাপা হাওয়ায় বিল নাচতে শুরু করে দেয় আপন খেয়ালে। আধ-ডোবা শ্রাওড়া গাছের মাধায় আলাদ গোথুর কুণ্ডলী পাকিয়ে থাকে, বিল্লার শীষ দেখে যেখানে আধ হাত জল মনে হয়, সেখানে দশহাত লগি খই পায় না। ভাসমান পোড়া কাঠের গুঁড়িটা কোন মুহূর্তে যে কুমীর হয়ে উঠবে আগে থেকে কেউ তা অনুমান করতে পারে না। বসিরের অত্যন্ত ভয় হয় মাঝেমাঝে। হয়তো এই বিল একদিন তাকেও—

অনুমনস্ক চিন্তা চকিত হয়ে উঠল মুহূর্তে। ওরা ধাওয়া পাড়ার মাঝখানে এসে পড়েছে। একটা কেরোসিনের ডিবা হাতে করে রোসেনা সামনে এসে দাঁড়াল। বললে, পাইকার এসেছে।

—পাইকার!—বসিরের ভারাতুর মনটা বিরক্তিতে বিশ্বাদ হয়ে গেল।

মাছ কিনবার খরিদার যারা ছিল তারা পছন্দ মত মাছ নিয়ে চলে গেল। নগদ দাম মিলল নাম মাত্র। ধাওয়াদের কাছ থেকে নগদ পয়সা দিয়ে মাছ কিনতে গেলে ভদ্রলোকের চলে না। সাতদিন সতেরোবার হাঁটাইট করলে যে যা খুশি তুলে দেবে এই এখানকার রেওয়াজ। প্রতিবাদ নিফল, সে ঔদ্ধত্য হাসানপুরের শাহুরা ক্ষমা করবে না। বিদেশ থেকে এসে মাছের ব্যবসা করে যারা লাল হয়ে যাচ্ছে, তাদের কাছে এটুকু উপকারও পাবে না দেশের লোক? বাড়াবাড়ি করে যদি চালা উপড়ে বিদায় করতে কতক্ষণ?

হালিম শাহুর খাস বরকন্দাজ পীক মিঞা। বেঁটে খাটো চেহারা। ধমক ছাড়া কথা বলে না, ডেকে আনতে বেঁধে আনাটাই তার রীতি—বিশেষ করে ধাওয়াদের সম্পর্কে। সব চাইতে বড় বোয়ালটা জমিদারের নজরান বলে সে কাঁধে তুলে নিলে।

নিরুপায় নৈরাশ্রে বসিরের বৃকের মধ্যে জালা করে উঠল। মাছটার ওপর অনেকখানি আশা ছিল তার—অন্তত দশ আনায় বিক্রী হত বাজারে। এক লাটিম জালের স্রোতো—

—ওটাই নিয়ে যাবে পীরু ভাই? ছোট দেখে একটা—

পীরু খেমে দাঁড়াল। চোখ পাকিয়ে বললে, ছোট দেখে কেন?

—মাছ তো বেশি পড়েনি, তাই—

—তাই বলে হুজুরের মান ইজ্জত সব যাবে নাকি? সহর থেকে মৌলানা সাহেব এসেছেন তার খবর রাখিস?

—কে মৌলানা সাহেব?

পীরু মিঞা বিশ্বয়ে চোখ বিস্ফারিত করে বললে, কে মৌলানা সাহেব! কোথাকার বেকুব লোকেরে তুই! মস্তবড় আলেম, তিন তিনবার হজ করে এসেছেন। কাল সকালে ‘ওয়াজ’ হবে।

পীরু আর দাঁড়াল না।

চোখ ফেটে কান্না আসতে লাগল। সারাদিন মাথার উপরে বাঁ বাঁ করে জলেছে ভাদ্রের রোদ। সেই কোন সকালে এক ছটাক পান্সা ভাত আর তিন সের জল খেয়ে বেরিয়েছিল, ক্ষিদেয় সমস্ত শরীরটা এলিয়ে পড়তে চাইছে। হাতে পায়ে কাঁটার আঁচড়গুলো জলছে বিছুটির জ্বালায় মতো, যে সব জায়গায় জোঁকে ধরেছিল, সে সব জায়গা থেকে ফোঁটায় ফোঁটায় রক্ত গড়াচ্ছে এখনো। অথচ সে প্রাণান্তিক পরিশ্রমের এই পারিশ্রমিক! মাঝে মাঝে মনে হয়, এ সব ছেড়ে ছুড়ে দিয়ে দূরে রোহণপুর ইষ্টিশানে চলে যায় কুলি ধাটতে, রোজগার বাই হোক, তার ওপরে কেউ তোলা বসাতে আসবে না।

এক মুখ হাসি নিয়ে সামনে পাইকার দেখা দিলে। একটা অভূত ক্ষমতা আছে লোকটার। হাজার গালি গালাজ করলেও আর সে হাসির কিছুমাত্র ব্যতিক্রম হয় না, ভেতরের কী একটা অনুপ্রেরণায় সে যেন সব সময়েই চরিতার্থ হয়ে আছে। বৈধের প্রতিমূর্তি পাইকার।

রহমতুল্লা কিংবা করমতুল্লা জাতীয় কী একটা নাম তার আছে, কিন্তু পাইকার নামেই তার প্রসিদ্ধি এবং পরিচিতি। ধানের সময় সে দালালী

করতে আসে, পাটের মরশুমে তাকে ঘুরতে দেখা যায়, এমন কি সাগর দীঘির মেলায় খোপরা পটি বা গণিকা পল্লীর বিলিবন্দোবস্ত করতেও সে হাঁটাইটি করে বেড়ায়। এক কথায় তাকে বলা যায় সর্ববিশারদ। কোথায় তার বাড়ী কেউ জানে না। জিজ্ঞাসা করলে অভ্যস্ত হাসির সঙ্গে উড়িয়ে দেয় প্রশ্নটা। এদিককার ইতর-ভদ্র সম্প্রদায় তাকে শ্রদ্ধা করে, ভয়ও করে খানিকটা, তার কাছ থেকে সহরের নানারকম সংবাদ মেলে। ম্যাজিষ্ট্রেট সাহেবের নূতন পরওয়ানার সন্ধান সে রাখে। যুদ্ধের সব খবর সে মুখে মুখে শুনিয়ে দিতে পারে। আর জানে সিনেমার গানঃ মেরেঝুলা ক্যায়সেঝুলেঁ—

পাইকার বললে, কী বসির ভাই, খবর সব ভালো তো!

দাওয়ার ওপর বসে পড়ে বসির বললে, আল্লা যেমন রেখেছেন।

পাইকার ক্রকুটি করে বললে, আল্লা! আল্লা কী করবেন। মানুষের বদমায়েসী সব। চাল-ডাল-তেল-মুন-রেজগী আল্লা নিয়ে লুকিয়ে রেখেছেন, তাই না?

ক্লান্ত নির্বোধ দৃষ্টিতে বসির তার মুখের দিকে তাকিয়ে রইল। পাইকারের কথাগুলো শুনতে ভালো লাগে না, কিন্তু মনের মধ্যে গিয়ে তলোয়ারের আগার মতো খোঁচা মারে। শিরায় শিরায় মাঝে মাঝে আগুন ধরে যায় যেন। মানুষ! মানুষের চাইতে বড় শত্রু মানুষের আর কে আছে!

পাইকার বললে, ইবলিসের বাচ্ছা সব। কথা নেই বার্তা নেই, অতবড় মাছটা তুলে নিয়ে গেল! আর হালিম শাহ হরদম মদে ডুবে থেকে রাতারাতি পীর হয়ে উঠেছে আজকে। ওর বাড়ীতে বসে মোলানা সাহেব ওয়াজ করবেন—মরি মরি!

বসির চমকে উঠল।

—ওসব কথা বলো না পাইকার! জমিদারের গাঁয়ে থাকি! যদি শোনে তা হোলে—

—ওই জগ্বেই তো জাহান্নামে গেলে।

বসির চুপ করে রইল। পাইকার সত্যিই তার হিতাকাজী। দুঃসময়ে কত যে সাহায্য করে বলবার নয়। এ গাঁয়ে ও গাঁয়ে যাওয়ার পথে যখন তখন তার আতিথ্য নেয়, আর সেই সঙ্গে আনে চাল-ডাল-তেল—প্রয়োজনের চাইতে অনেক বেশী। এমনকি রোসেনার জগ্বে রন্ধন শাড়ী পর্যন্ত। বসিরের ঘরে আসবার পরে রোসেনা যে দু'একখানা শাড়ী পড়েছে সে কেবল পাইকারের অমুগ্রহে। তা ছাড়া ছিন্ন মলিন দু'টুকরা ফতাই তার সম্বল।

কিন্তু ঠিক এই জিনিষটাই বসির যেন কেমন বরদাস্ত করতে পারে না। রোসেনা তার দ্বিতীয় পক্ষের স্ত্রী। রূপ এবং যৌবনের ঐশ্বর্যে পরিপূর্ণ, এমন একটি মেয়ে যাওয়া পাড়ায় আর খুঁজে পাওয়া যাবে না। আর বসির নিজে কুংসিত—অত্যন্ত কুংসিত। বয়স তার যৌবনের সীমা ডিঙ্গিয়ে গেছে অনেক দিন। সর্বাঙ্গে পড়েছে দারিদ্র আর ম্যালেরিয়ার দস্ত চিহ্ন। কিন্তু তার সঙ্গে রোসেনার মন মরে যায়নি। চুলের কাঁটার প্রতি লোভ আছে, বন্দরের সরকারী ডাক্তার বাবুর কলেজে পড়া মেয়ে মাঝে মাঝে যখন গ্রামে বেড়াতে আসে, তখন তার রঙ বেরঙের শাড়ীর দিকে তাকিয়ে লোলুপ হয়ে ওঠে রোসেনার চোখ। তার গা থেকে আসা পাউডারের গন্ধ রোসেনাকে কোন একটা অনাস্বাদিত অপরিচিত জগতের সন্ধান এনে দেয়। ইউনিয়ন বোর্ডের ইদারায় জল আনতে গিয়ে অগমনস্ক হয়ে দাঁড়িয়ে থাকে রোসেনা, সারাদিন মাছ ধরে বসির যে এখন ঘরে ফিরবে সে কথা তার মনেও থাকে না।

এ সব কথা বসির জানে, ভালো করেই জানে। রোসেনাকে সে খুসী করতে পারেনি। সেই জগ্বেই পাইকারের প্রতি একটা তীব্র বিদ্বেষ এবং সন্দেহে মনটা পরিপূর্ণ হয়ে ওঠে তার। কেন সে এত অমুগ্রহ করে তাকে, কী এত স্বার্থ তার? বসিরের ভাঙ্গা ঘরে রাত কাটাবার জগ্বেই বা তার এ

জাতীয় আগ্রহ কেন? তা ছাড়া পাইকারের চেহারা দেখতে সত্যিই ভালো, ফর্সা রং, ধোপদ্রুস্ত পাঞ্জাবী পরে, সিল্কের লুঙ্গি। মিহি আর মিষ্টি গানের গলা, কখনো কখনো একটা বাঁশী বের করে ভাতে ফুঁ দেয়। দরজার পাশে ঠুনঠুন করে ওঠে রোসেনার হাতের কাঁচের চুড়ি।

কালো মুখখানা আরো কালো করে একবার জিজ্ঞেস করেছিল রোসেনাকে, যখন তখন দরজার পাশে অমন করে দাঁড়াস কেন বল দেখি।

রোসেনা জবাব দিয়েছিল, কোথায় যাব শুনি! তোমার সাতমহলা বাড়ীর কোন্ মহলে গিয়ে লুকিয়ে বসে থাকব।

বসির আর কিছু বলতে পারে নি। সাত মহলা বাড়ী—তা বটে; খোঁচা দিতে পারে বই কি রোসেনা। একটা ভাঙা ঘর, এক টুকরো দাওয়া। ছয়টা ঋতু, আলো বাতাস আর বৃষ্টির অধিকার। বর্ষার রাত্রিতে মঙলা চটের বিছানা নিয়ে খুঁজে বেড়াতে হয় কোন দিকটাতে জল পড়ে কম। ঝুলধরা ঘরের চালে কাঁচ পোকা উড়ে বেড়ায় মাকড়সা শিকারের সন্ধানে। এখানে ওখানে ছোট বড় গর্ত, এক দিক বুজিয়ে দিলে উঁকি মারে আর এক দিক থেকে। সাপ কিংবা ইঁদুরের আস্তানা কে বলবে।

তারপর থেকে সে রোসেনাকে কোনো কথা বলেনি। নিজের দীনতায়—নিজের দর্বাঙ্গীন দীনতায় বসির নীরব হয়ে গেছে। খোমটা টেনে রোসেনা পাইকারের সামনে ভাত বেড়ে দেয়, এগিয়ে দেয় পান। পাইকারের অপাঙ্গ দৃষ্টিতে কিছু একটা প্রকট হয়ে ওঠে কি! দাঁতের উপর দাঁত কঠিন হয়ে চেপে বসে বসিরের।

পাইকার বললে, আমার কথা শোনো। লাহিড়ী বাবুদের জমিদারীতে চলে যাও। ওখানেও এমনি বিল—বড় বিল, কৃষ্ণকালীর বিল। ওই বিন্ শালারা ওদেশে গিয়ে হানা দেয়নি এখনো। তা ছাড়া বাবুবাও লোক ভালো, কোনরকম জোর জুলুম—

দীর্ঘ প্রসারিত দৃষ্টিতে বসির তাকিয়ে রইল পাইকারের মুখের দিকে।

এমন প্রস্তাব আরো অনেকবার করেছে পাইকার। কিন্তু বিশ্বাস হয় না লোকটাকে। তুলিয়ে নিয়ে কোন আঘাটায় ভিড়িয়ে দেবে কে জানে। হয়তো নাম লিখিয়ে দেবে পল্টনের দলে। লোকে বলে পাইকারের অসাধ্য কাজ নেই।

—ওসব বলে লাভ নেই পাইকার। ভিটে ছেড়ে আমি নড়বনা কোথাও। না খেয়ে মরলেও নয়।

পাইকারের চোখে দেখা দিল নীরব অলুকা, মুখের ওপর ফুটল সূক্ষ্ম একটা হাসির রেখা—বেশ, তাই থাকো। কিন্তু আল্লাকে দোষ দিয়োনা।

পরদিন সকালে পাইকারই বসিরকে টেনে নিয়ে গেল মোলানা সাহেবের দরবারে। তিন তিনবার হজ্ব করে এসেছেন তিনি, সাতটা জেলা ঘুরেও এত বড় আলেম লোক আর পাওয়া যাবে না। হালিম শাহর বাড়ীর সামনেই বসেছে দরবার। কাঠের একখানা ছোট জলচৌকিতে আসন নিয়েছে মোলানা সাহেব। টকটকে ফরশা রঙ—গোল মুখখানা থেকে রক্ত ঘেন ফেটে বেরিয়ে পড়ছে। সমবেত জনতার দিকে মাঝে মাঝে তীক্ষ্ণ আর রুঢ় দৃষ্টি ক্ষেপণ করে একনিষ্ঠভাবে মালা জপ করে চলেছেন তিনি। তাঁর পাশেই বসেছে হালিম শাহ, ধাওয়া পাড়ার অধীশ্বর, এখানকার জমিদার। মোলানা সাহেবের সাহচর্যে নিজেকে যতটা সম্ভব ধর্মপ্রাণ আর সৌম্যদর্শন করবার চেষ্টা করেছে সে। কিন্তু তার আরক্ত চোখ আর জড়ানো কথার ভঙ্গি থেকে অনায়াসে বোঝা যায় যে, এই সাত সকালেই অন্তত একটি বোতল সে পার করে এসেছে।

হালিম শাহই অভ্যর্থনা জানায় তার স্বভাবসিদ্ধ মধুর ভাষায়।

—কিরে ব্যাটা, তুই কী মনে করে ?

তীক্ষ্ণ আর রুক্ষদৃষ্টি রুক্ষতর করে মোলানা সাহেব গম্ভীর গলায় বললেন—
কে এ ?

—ধাওয়া। বসির ধাওয়া। বিলে মাছ ধরে।

—ধাওয়া ?—ঘণায় মৌলানা সাহেবের ফরসা টুকটুকে মুখখানা বেগুনে হয়ে গেল।—মোছলমানের ব্যাটা হয়ে জেলের কাজ করিস ? মরে যে তুই দোজখে যাবি।

বসির মাথা নত করে রইল। লজ্জায় এবং আতংকে মৌলানা সাহেবের কড়া মুখের দিকে সে তাকাতে পারলনা। বললে, কী করব জনাব, পেটের দায়ে—

—পেটের দায়ে ! তাই বলে কাকের হয়ে যাবি ? কাচ্ছু ধরিস ?

—জালে পড়ে মাঝে মাঝে। কিন্তু বেচিনা জনাব, বিলিয়ে দিই।

—হঁ, বিলিয়ে দিসনা আরো কিছু ! তোবাতোবা। মুখ দেখলেও গুনাহ্ হয় তোদের। বাইশ বাজারে নিয়ে গিয়ে তোকে পয়জার মারা উচিত।

বড় বোয়ালটার কথা বসিরের মনে এল। কিন্তু বলবার সাহস হলনা।

ফিরে এসে সারাদিন চুপ করে বসে রইল বসির। সমাজ তাদের চায় না, ধর্ম তাদের অস্বীকার করে, দুঃখ আর দুর্গতির কালো অন্ধকারে আচ্ছন্ন প্রত্যেকদিনের জীবন। কোনখানে কিছুমাত্র মর্যাদা নেই, মূল্য নেই এতটুকুও। কাকেরের কাজ করে, মাছ ধরে বিক্রী করে বাজারে। সেই অপরাধে জমায়েতের নামাজের সময় সকলের পেছনে চোরের মতো গিয়ে দাঁড়ায়, মসজিদে ঢুকতে গেলে ইমান সাহেবের চোখমুখ ঘণায় কুঞ্চিত আর কুটিল হয়ে ওঠে।

রোসেনা জিজ্ঞাসা করলে, মাছ মারতে যাবেনা ?

বসির ক্লিষ্ট কণ্ঠে বললে, আজ আর বেরোতে পারবনা। বড় খারাপ লাগছে শরীরটা।

রোসেনা এক মুহূর্ত চুপ করে দাঁড়িয়ে রইল।

—কিন্তু কাল চলবে কী করে ?

—চলবেনা। মাহুরটা এনে পেতে দে তুই, আমি শুয়ে থাকব একটু।

পাইকার নীরবে লক্ষ্য করতে লাগল সমস্ত ব্যাপারটা। তারপর এক সময় অত্যন্ত বিশ্বস্তভাবে কাছে এসে বসল।

—সেইজ্ঞাই বলছিলুম। চলে যাওনা এখান থেকে। মোছলমান যেখানে মোছলমানের ওপর এত জুলুম করে, সেখানে মাটি কামড়ে পড়ে থাকবে কিসের জন্তে?

বসির তেমনি দীর্ঘায়ত নিবোধ দৃষ্টিতে তাকিয়ে রইল।

—এর চাইতে হিন্দুর গাঁও ভালো। তারা যাই করুক, ধর্মের ওপরে জুলুম করে না। মোছলমানের বাচ্ছা হয়ে এই বে-ইজ্জৎ সহ করে পড়ে থাকবে ভুমি?

—মোছলমানের বাচ্ছা!—টগবগ করে উঠল রক্ত! চুলগুলো খাড়া হয়ে উঠল, ধকধক করে জলে উঠল চোখ। পাইকারের দিকে অগ্নিদৃষ্টিতে তাকিয়ে বসির বললে, তাই যাব, আজই চলে যাব।

অত্যন্ত স্নেহভরে পাইকার তার হাত চেপে ধরলে। বললে, না, না, অত ব্যস্ত হতে কে বলছে। ভেবে ছাখোনা দু' চার দিন।

কিন্তু দু' চারদিন ভেবে দেখবার আর দরকার হল না।

সন্ধ্যার দিকে আবির্ভাব ঘটল পীকু মিঞার। অসুস্থ মলিন রাত্রি দারিদ্র্য-জীর্ণ পাড়াটার ওপরে ছায়া বিছিয়েছে। অন্ধকারে এখানে ওখানে ঝুলছে হেঁড়া জাল, মাছের আঁশটে গন্ধ। ভিজ়ে কাঁঠ আর পোড়া পাতার ধোঁয়ায় অন্ধকারটা ঘন কঠিন আর শরীরময় হয়ে উঠেছে। ধোঁয়া পাড়ায় সন্ধ্যায় হাঁড়ি চড়েছে। হোগলার বেড়ার ফাঁকে দেখা দিচ্ছে রেড়ির তেলের টিমটিমে আলো।

পীকু হাঁক দিলে, বসির আঁহিস?

বসির উঠে বসল। ভারী আর আড়ষ্ট শরীরের ভেতর স্তিমিত হৃৎপিণ্ড দুটো চমকে উঠল তার। বললে, কী মতলবে? তোলা নিতে এনেছ? কিন্তু জাল আজকে ফাঁকা, বলে দিয়েো তোমার শাহকে।

পীকু মিঞা ধমকে দাঁড়াল। যতটা না অপমান বোধ করলে, বিস্ময় বোধ করলে তার চাইতে অনেক বেশি।

—খুব যে হাঁক ডাক দেখছি। রাতারাতি নবাবী পেলি নাকি! কিন্তু মাছের কথা নয়, জরুরি ব্যাপার আছে।

—কী জরুরি ব্যাপার? ভিটেয় লাঙল দিয়ে শর্ষে বুনবার মতলব আছে?

পীকু মিঞা বিস্ফারিত চোখে বললে, দরকার হলে তা তো করতেই হবে। কিন্তু না শুনেই যে ষাঁড়ের মতো চ্যাচাচ্ছিস, হয়েছে কি তোর? ভয় নেই, খুব স্বখবর! হুজুর মেহেরবানি করেছেন তোকে।

—আমাকে!

—হাঁ তোকেই।—গলার স্বর নামিয়ে আনল পীকু মিঞা, তীক্ষ্ণ দৃষ্টিটা একবার চালিয়ে দিলে হোগলার বেড়ার ফাঁকে, রোসেনাকে চকিতের জগ্গে চোখে পড়ে কিনা। তারপর এক নিশ্বাসে বলে গেল, তোর বিবি তো খুব খাপসুরুং। খেতে পরতে দিতে পারিসরে, ছেড়ে দেনা ওটাকে। হুজুরের নজর পড়েছে, তিনি বলেছেন—

—শা—লা—বসিরের গলা বিদার্ব করে বেরিয়ে এল একটা অমানুষিক চাঁৎকার।

চমকে তিন পা সরে গেল পীকু মিঞা।—এঃ মেজাজ দেখনা। ইজ্জতে যা লেগেছে নাকি সাহেবের! অমন কত গণ্ডা—কানের ওপর দিয়ে শাঁ করে বিদ্যুতের মতো একটা দা বেরিয়ে গেল, একটু হলেই সঙ্গে সঙ্গে নিয়ে যেত পীকুর মাথাটাকেও। আতংকে আত্ননাদ করে পীকু মিঞা পাশের বাড়ীর দাওয়ায় গিয়ে উঠে দাঁড়াল। মুহূর্তে সমস্ত দাওয়া পাড়াটা এসে জড়ো হয়ে গেল বসিরের ঘরের সামনে। ভয়াল মূর্তিতে দাঁড়িয়ে গর্জন করছে সে। তার চোখ দুটোর দৃষ্টি উন্নাদের মতো, তার কালো শীর্ণ দেহটা জিহাংসার প্রতিক্রম ঘেন।—শয়তান হারামীর বাচ্ছা—

সন্ধ্যার অন্ধকার ঘন হয়ে রাত নেমে এল। প্রগাঢ় শান্তির মধ্যে সমস্ত

ধাওয়াপাড়াটা আচ্ছন্ন হয়ে গেল নিবিড়তম স্তম্ভির স্নেহচ্ছায়ায়। সারাদিন পরিশ্রম, বেঁচে থাকার দুঃসাধ্য সাধনা, তার ভেতরে যা কিছু সাধুনা এইটুকুই। ভোরের রঙে আকাশ ফিকে হয়ে উঠবার আগেই খানিকটা মুন-পান্তা গিলে বেরিয়ে পড়তে হবে জীবিকার সন্ধানে।

বিলের দিক থেকে হু হু করে আসছে রাত্রির বাতাস। সেই বাতাসে ভেসে আসা মরা বোড়াটার গন্ধ। লালু চৌকিদারের তরমুজ ক্ষেতে মনসা কাঁটাগুলো খর খর করে শব্দ করছে। বিলের তলায় দাম-ঘাসের স্নেহালিঙ্গন থেকে এই রাতে লালু চৌকিদার মাঝে মাঝে উঠে আসে কি? ঠিক ঘরের পেছনেই কি তার ডাক শোনা যায়—ঘুমের মানুষ, হো ঘুমের মানুষ, জা—গো—

বিলের ওপারে উঠল রুক্ষ পঞ্চমীর চাঁদ। কুণ্ঠিত কালো জলে কলমীর ফুলগুলো হাওয়ায় ঢুলছে। মাথার ওপরে বুনো হাঁসের পাখা জ্যোৎস্নার রঙ মেখে ভেসে চলে গেল।

বসির, রোসেনা আর পাইকার এসে দাঁড়াল বিলের বাটে। সঙ্গে করে নেবার মতো বিশেষ কিছু নেই। একটা ছিন্ন মলিন বিছানা, একটা বদনা, দুটো কলসী, একটা কড়াই আর এক ছড়া জাল। পাইকারের কথাই সত্যি। সন্ধ্যার ব্যাপারের পরে এ গ্রামে থাকবার আর অধিকার নেই ওদের। হালিম শাহর উনবিংশ শতকীয় রাজ্যে এ অপরাধ চূড়ান্ত। হয়তো জেল খাটতে হবে—হয়তো—সর্বগ্রাসী দাবানলের সহস্র শিখর মাঝখানে শুকনো তৃণখণ্ড।

রোসেনা কাঁদছিল। কিন্তু বসির একটা কথাও বললে না, একটি দীর্ঘ-শ্বাসও নেমে এলনা তার। মোছলমানের বাচ্ছা। শিরায় শিরায় হিংস্র রক্ত তখনও ফেনিয়ে উঠছিল। একটুর জগ্ন ফস্কে গেল হাঙ্গরাটা। পীর মিঞার মাথাটাকে নামিয়ে দিতে পারলে কিছুমাত্র ক্ষোভ থাকতনা আর।

একবার পিছন ফিরে তাকালো বসির। দুই পুরুষ আগে চলন বিলের

পার থেকে জমিদারের অত্যাচারে পালিয়ে এসে আশ্রয় নিয়েছিল এখানে। আজ আবার তারই পুনরতিনয় চলছে। সমাজ ওদের আশ্রয় দেয়না, ধর্মের ছত্রছায়া ওদের জন্তে নয়। চেউয়ের মুখে মুখে দ্বীপহীন কূলহীন ওরা জীবনের অতল সমুদ্রে ভেসে বেড়ায়, চারদিক থেকে হিংস্র জন্তুর করাল মুখ জেগে ওঠে ওদের গ্রাস করবার জন্তে। মহামানবের মহাসাগরে ওরা ক্ষণ-বদ্বদ।

ধাওয়া পাড়া ঘুমিয়ে আছে শান্তিতে। শান্তি নয়, নেশার আচ্ছন্নতা। এ স্বপ্ন কতক্ষণ থাকবে? আজ যে দুভাগ্যের দণ্ড ওদের মাথার ওপরে নেমে এসেছিল, কাল আবার সেটা কাকে অলুগ্রহ করবে কে জানে। হয়তো ঘুমের ঘোরে ওরা স্বপ্ন দেখছে যুদ্ধ গেছে থেমে; ক্ষেতে তুলছে সোণার শীষ, মাছের ভারে জাল ছিঁড়ে পড়বার উপক্রম করছে; রোসেনার গারে উঠেছে রূপোর গয়না, পরণে রঙীন ডুরে শাড়ী। হাঁড়িতে জীইয়ে রাখা কই মাছগুলো হয়তো এমনি করেই সমুদ্রের স্বপ্ন দেখে।

বসির ঠেলে নৌকাটাকে বেশি জলে নামিয়ে নিলে, তারপর কালো জল ঠেলে এগিয়ে চলল ডিঙ্গি। ছল-ছল ছায়াং। দাঁড়ের মুখে সাদা সাদা ফেনার ফুল জ্যোৎস্নায় জলে উঠছে। দূরে মিলিয়ে এল হাসানপুরের বন্দর, ধাওয়াপাড়া আর লালু চৌকীদারের কাঁটাওয়ালা ফণী মনসার ক্ষেত। এখানে ওখানে বিনেদের ভেসাল মাথা করে রয়েছে—দূর থেকে মনে হয় তাঁদের আলোয় লম্বা লম্বা ঠ্যাং ডুবিয়ে অতিকায় কতগুলো বক দাঁড়িয়ে আছে যেন। এই বিন্—এরাই ওদের মুখের গ্রাস কেড়ে নিয়েছে। বসির নিরুদ্ধ আক্রোশে দাঁতে দাঁত নিষ্পেষণ করলে একবার।

রোসেনা চুপ করে বসে আছে কাপড়ের একটা ছোট পুঁটলির মতো। সেদিকে একবার অপাঙ্গে তাকিয়ে নিয়ে পাইকার বললে, মন খুব খারাপ করছে, না বসির ভাই?

—মন খারাপ?—নাঃ—দাঁড় টানতে টানতে চাপা স্বরে জবাব দিলে

বসির। কার জন্তে খারাপ করবে মন, কিসের জন্তে? মাটিতে যাদের শিকড় নেই, হাওয়ায় উড়ে যাওয়া শিমূল তুলোর মতো যাদের জীবন, কিসের মোহ তাদের? চলন বিল, হাসানপুর, সেখান থেকে লাহিড়ী বাবুদের জমিদারী কিন্তু সেখানেও আসবে দমকা হাওয়া, আবার এমনি করেই—

বিলের এখানে ওখানে ছোট বড় চর, কর্দমাক্ত মাটি আর শনের জঙ্গল সেখানে মাথা তুলে রয়েছে। দিনের বেলা ঘুরে বেড়ায় কাদা খোঁচা আর গাং শালিক। সেই সব চরের পাশ দিয়ে ছোট বড় নালার মতো রক্ত পথে জল বেরিয়ে গেছে। পথ সংক্ষেপ করবার জন্তে লগির খোঁচা দিয়ে বসির নৌকাটাকে তারই একটা নালার মধ্যে ঢুকিয়ে দিলে।

ঘাস্ করে আটকে গেল ডিজি। তলায় কী একটা বাধা দিয়েছে। জ্যোৎস্নায় দেখা গেল একটা মাছ ধরবার থাঁচা, এ দেশী ভাষায় ‘ডারকিনা’। আর ঠিক সেই মুহূর্তেই শোনা গেল ডারকিনার ভেতরে প্রচণ্ড একটা ছপাছপ আওয়াজ, নিশ্চয় কোনো বড় মাছ আটকে পড়েছে। বিলের বড় বড় বোয়াল আর কালবোস এ সময়ে প্রায়ই ধরা পরে ডারকিনায়। বসির বললে, মস্ত মাছ আছে।

পাইকার জিজ্ঞেস করলে, তুলে নেবে নাকি?

এক মুহূর্ত চিন্তা করলে বসির। পরের জিনিষ তুলে নেওয়ার অর্থই চুরি করা। কিন্তু কী হবে চুরি করলে। যারা তার মুখের ভাত থেকে ঘরের ইজ্ঞৎ পর্বস্ত চুরি করতে চায়, তাদের জন্তে কী অত ভালোমন্দের বিচার করা? রক্ত আবার গরম হয়ে উঠল।

—তুমি নৌকাটা একটু হটিয়ে নাও পাইকার। আমি তুলে আনি মাছটাকে।

পাইকারের চোখ চক চক করে উঠল। অবগুষ্ঠিতা রোসেনা চুপ করে বসে আছে, তার মুখ দেখা যায় না। স্বডোল হাতের ওপর কাঁচের চুড়ি-

গুলোতে জ্যোৎস্না জলছে। পাইকারের চিন্তায় যেন ঝোড়ো হাওয়ার তাণ্ডব চলছিল।

বসির রূপ করে নেমে পড়ল জলে। আর সেই মুহূর্তেই লগির একটা খোঁচ দিয়ে পাইকার নৌকোটাকে নালা ছাড়িয়ে প্রায় বিলের মুখে সরিয়ে নিয়ে এল।

হঠাৎ যন্ত্রণায় আতঁনাদ করে উঠল বসির।—মাছ নয় পাইকার, মস্ত বড় সাপ। আমাকে কামড়ে দিয়েছে। সব জলে গেল পাইকার, নিশ্চয় আলাদ গোথুর।

নিরুত্তরে পাইকার নৌকোটাকে আরো দূরে ভাসিয়ে নিয়ে গেল।

বসির চীংকার করতে লাগল, পাইকার, শরীর জলে গেল পাইকার, ভুলে নাও আমাকে। আমি কিছু দেখতে পাচ্ছি না পাইকার।

রোসেনা কঁদে উঠল, পাইকার, পাইকার।

নৌকোটা তখন দিলের অথই জলের মধ্যে এসে পড়েছে। দাম ঘাসের আগাগুলো মাথা তুলে আছে, হাওয়ায় ঢুলছে গোখরো সাপের কিলবিলে এক রাশ ছানার মতো। বিলের জল বালমল করছে যেন বাঘের চোখ। পাইকার শান্ত স্বরে বললে, কঁদে আর কী করবে বিবিজান, মাছুষ তো আর চিরকাল বাঁচে না।

নিশাচর

পাশ দিয়ে একটা একচক্ষু ট্যান্ডি গেল বেরিয়ে। কালো কাগজে সে চোখটাও আচ্ছন্ন—তার ওপরে এক রাশ বৃষ্টির বিন্দু জমে রয়েছে। জলে-ডোবা নান্নুষের পাণ্ডুর দৃষ্টি যেন। অন্ধকার চিংপুর রোডের দু'পাশে স্প্রের মতো কাদা ছড়িয়ে দিয়ে গেল।

দাঁড়িয়েছিলাম নিজেকে যতটা সম্ভব বাঁচিয়েই। কিন্তু মোটরের কাদা বোমার স্প্লিটারের চাইতেও দ্রুতগামী এবং দূরগামী। বেশ অল্পভব করলাম, ছেঁড়া ব্যাপারটা অভিসিদ্ধিত হয়ে গেছে।

শীতর্ত জাহ্নবীর রাত্রি। আহিরীটোলা পেরিয়ে হু হু করে গন্ধার হাওয়া আসছে। সে হাওয়াতে আর বাই থাক, জননী জাহ্নবীর করুণার আভাস নেই এতটুকুও। ঠাণ্ডায় হাত মুখ যেন ছিঁড়ে টুকরো টুকরো হয়ে যাবে। আর বাইরের ঠাণ্ডার সঙ্গে প্রতিযোগিতা করেই পেটের মধ্যে দাঁউ দাঁউ করে জ্বলছে ক্ষিদের আগুন।

হৃদ্র প্রাচীতে জাপানী বোমা অবতীর্ণ হয়েছে। সাইগন রেডিওতে এশিয়ার কল্যাণে অতি-মানবদের সাক্ষ্য শুভেচ্ছা। পীতবর্ণ কল্কি অবতারের আবির্ভাব হয়েছে জাপানের সম্ভল দ্বীপে।

কলকাতায় ব্ল্যাক আউট। আলোগুলো এখনও সম্পূর্ণ নেভেনি, কালো ঠোঙার ফাঁকে ক্ষীণ আলোক-চক্র অসহায় পদচারীদের দিকভ্রান্তি ঘটাবে মাত্র। আর কলকাতার অসুস্থ আকাশ থেকে আলকাতরার মতো কালো বৃষ্টির ধারা গলে পড়ছে পথের ওপর—চিংপুর রোড রৌরব নরকের পিতৃহ দাবী করতে পারে। তবু অন্ধকারে পথের কাদার স্বরূপটা দেখতে পাচ্ছি না, এইটুকুই বা সাহসনা।

কিন্তু কী করা যায়। এই শীতের রাতে অন্ধকারে পথে পথে ঘুরে বেড়াতে হলে নির্ধাৎ বরফের মতো আমাকে জমে যেতে হবে। কিন্তু জমে যাওয়া চলবে না, অন্তত আজ রাতে কোনোমতেই নয়। পাটির একরাশ অত্যন্ত জরুরি কাগজপত্র আছে সঙ্গে। সে কাগজগুলোকে যথাস্থানে পৌঁছে না দেওয়া পর্যন্ত আমাকে বাঁচতেই হবে এবং নিজেকে বাঁচাতেই হবে শান্তিরক্ষকদের সজাগ সতর্ক দৃষ্টি থেকে।

টং করে ঘড়ির আওয়াজ কানে এল একটা। কটা বেজেছে কে জানে। হয়তো সাড়ে বারোটা কিংবা একটা দেড়টা হওয়াও আশ্চর্য নয়। কলকাতার এই কুৎসিত পল্লীতেও অদ্ভুত স্তব্ধতা। আগে এ পাড়ায় সারারাত কুশীতার উল্লাস চলত, বণিক্ সভ্যতার সমস্ত বর্বরতা মুক্তি পেত এইখানেই। কিন্তু জাপানী বোমার আসন্ন গর্জন কি মানুষের পশুত্বের দিকটাকেও রুদ্ধ করে দিয়েছে? মর্তে সত্যযুগের সত্যিই আবির্ভাব হল নাকি?

তীব্র ছইশিলের শব্দ শোনা গেল দূরে। জুতোর মচ্, মচ্, শব্দে টালা থেকে টালীগঞ্জ অবধি প্রতিধ্বনিত করে এগিয়ে আসছে কেউ। পুলিশ ছাড়া অমন বলদর্পিত পদভরে কে হাঁটতে পারে!

শুভদৃষ্টি হয়ে গেলে বঁধুয়ার হাত থেকে আর নিষ্কৃতি নেই। লালবাজারেই মধুযামিনী যাপন করতে হবে। কিন্তু আপাতত মনের অবস্থা প্রিয়-সঙ্গমের অম্লকূল নয়, তড়িতবেগে পাশের গলিতে ভিড়ে গেলাম।

বাঃ, চমৎকার! ডাইনে বাঁয়ে, মাটিতে অন্তরীক্ষে জীবনৃষ্টির আদিম অন্ধকার; এ গলিটা কখনো জীবনে আলোর মুখ দেখবে বলে আপাতত কোনো চূড়ান্ত আশাবাদীও আশা করতে পারে না। তবু মন্দের ভালো, ঠোকাপরা আলোগুলোর মতো ছলনা করে না, নিজেকে নিশ্চিন্তে সমর্পণ করে দেওয়া যায় রাত্রির করুণার ওপরে। কিছুক্ষণ এখানে গা-ঢাকা দেওয়া চলতে পারে।

কিন্তু সময় আর কাটে না। সারাদিন পেটে প্রায় কিছুই গড়েনি,

ক্রান্তিতে সমস্ত শরীরটা ভেঙে পড়তে চায় মাটিতে ! অসহ শীতে হাড়গুলো যেন রায়বেঁশে নাচ নাচতে শুরু করে দিয়েছে। মুখের ওপর এ'সে বিঁধছে সূচ্যগ্র রষ্টির বিন্দু। পায়ের আঙুলগুলো একটা একটা করে খসেই পড়বে হয়তো।

এ কথাটা কিছুতেই ভুলতে পারছি না—বাঁচতে আমাকে হবেই। আশ্রয় চাই, উত্তাপ চাই। নিদ্রিত নগরীর ঘরে ঘরে উষ্ণ লেপের তলায় আর উষ্ণ নারীমাংসের উত্তাপে পূর্ণোদর মানুষ স্বপ্ন দেখছে এখন। নিয়মিত চাকুরী, নিভৃত নীড়, নিশ্চিন্ত প্রেম। বাইরে অন্ধকার কালো রাত্রির মধ্যে সহস্র বাহু প্রসারিত করে ঘুরে বেড়াচ্ছে পঙ্কিল কামনা, তীক্ষ্ণাগ্র হিংসা। আর—আর হয়তো অতন্ত্র হয়ে প্রহর কাটাচ্ছে নতুন প্রভাতের নতুন সূর্যের তপস্যা।...

খক্-খক্-খক্। খক্-খক্-খক্। পাশের একটা বাড়িতে কে যেন কাশছে। অনেকক্ষণ ধরে কাশছে। কাশছে একটানা ভাবে—শব্দটা সন্দেহজনক। নিভৃত নীড়ের নেপথ্যে কবোঞ্চ প্রেমই শুধু মদিরতা বিস্তার করছে না তাহলে। শীত-জর্জর রাত্রির রাজপথে যে নিরাবরণ নগ্নমৃত্যু বিচরণ করছে, তার বিষাক্ত স্পর্শ অলক্ষ্য জীবাণুর আকারে ঐ সব সূখ স্বর্গে গিয়েও হানা দিয়েছে।

একটা বিচিত্র ভয়ে সমস্ত মনটা যেন শিউরে উঠল। এই বিরাট মহা-নগরীর হুংপিণ্ড দুটোকেও বুঝি ওই বীজাণুগুলো অমনি নিঃশব্দে নিঃশেষ করে চলেছে—কালো রষ্টির কণায় বুঝি তাঁর অন্তিম অশ্রু। পিতৃপুরুষের শতাব্দী সঞ্চিত পাপের বীজাণু—চূড়ান্ত অপমৃত্যু ছাড়া বুঝি নিস্তার নেই তার হাত থেকে।

অন্ধকারে একটু একটু করে এগিয়ে চলেছি। একটা গাড়ী বারান্দা, এক ফালি রোয়াক, মাথার উপর খানিকটা ছাদের আবরণ। কিছু না থাক একটু খানি শুকনো জায়গা চাই অন্তত। পরের কথা ভাবা যাবে কাল সকালে।

বিদ্যুৎস্পৃষ্টের মতো চমকে লাফিয়ে উঠলাম। পায়ের নীচে মাছধের একটা দেহ। মড়া নয়তো?

কিন্তু আমার দুর্ভাবনা দূর করে দিয়ে মড়াটা কথা কয়ে উঠল। বেশ চড়া গলাতেই মড়ার সাড়া এল :

—গায়ের ওপর দিয়েই মাড়িয়ে যাচ্ছ যে? আচ্ছা লোক তো?

—মাপ করো ভাই, অন্ধকারে দেখতে পাইনি।

বিনয় বাক্যে লোকটা খুশি হয়েছে বলে মনে হল।

—মাল গিলেছ কতটা?

এত দুঃখেও হাসি এল। বললাম, মাল গেলার পরসা কোথায়? কিছু ধার দিতে পারো?

লোকটা অন্ধকারের মধ্যে কর্কশ ভাবে হেসে উঠল।

—বাঃ, বেড়ে রসিক লোক তো। বোসো বোসো দোস্ত বিড়ি খাও একটা।

বললাম, শীতে জমে যাচ্ছি যে। বসলে আর উঠতে পারব না।

—শীতে জমে যাচ্ছ?—লোকটার গলায় সহানুভূতির আমেজ এল : সে কথা আগেই বলতে হয়! পাশের গর্তটায় ভিড়ে যাও না, দিকি গরম আছে এখনো।

সবিস্ময়ে বললাম, গর্ত!

—হ্যাঁ, হ্যাঁ, গর্ত। চটপট ঢুকে পড়ো, নইলে আর কেউ এসে দখল করে নেবে। মেড়ো ব্যাটারা অনেক রাত অবধি জিলিপি ভাজে, তাই ভেতরটা এখন খাসা গরম।

ব্যাপারটা বোধগম্য হল এতক্ষণে। রাস্তার পাশে খাবারের দোকানের বিরাট উলুন। তারই গর্তের মধ্যে পেট পর্যন্ত ঢুকিয়ে দিয়ে শীতের রাত্রি যাপন করছে মাছধ। বিধাতার শ্রেষ্ঠ সৃষ্টি মাছধ।

মারোয়াড়ীদের দয়া আছে বলতে হবে। উলুনে কি এই জন্তুই বেশি

কয়লা দেয় ওরা? চৰ্বি মেশান ঘি, সোপস্টোন মেশানো ময়দা আর তিনি মেশানো সর্ষের তেল। কিন্তু ধর্মশালার ধর্মচর্চায় এতটুকু ক্রটি নেই ওদের।

একবার আকাশের দিকে চোখ পড়ল। নিশ্চিহ্ন মেঘে আর নিদ্রিত নগরীর বিযাক্ত প্রস্থাসে একেবারে গ্র্যানাইটের মতো কঠিন আর জমার্ট হয়ে রয়েছে। ছেঁড়া র‍্যাপারটা ভিজে শাঁৎসেঁতে হয়ে উঠেছে—পা দুটো ঘেন কাঠের তৈরী। আর সামনে উল্লুনের লোভনীয় আশ্রয়, কয়লার উত্তাপে রাতটা কেটে যাবে দেখতে দেখতে। সামনে সদর রাস্তায় বুটের শব্দটাও শোনা যাচ্ছে এখনো।

পা দুটো চালিয়ে দিলাম গর্তে। একেবারে কোমর পর্যন্ত। ভেতরের ছাইগুলো গনগন করছে, দু একটা তীক্ষ্ণ জ্বালারও অনুভূতি। কিন্তু বাইরের অসহ শীতের কাছে স্বর্গীয় আরাম বলতে হবে নিশ্চয়।

—তুকেছ তো? ব্যাস, একটা বিড়ি ধরাও এইবারে।

ঘস করে দেশলাইয়ের কাঠি জ্বলে উঠল। আর তারই আলোয় চোখে পড়ল সঙ্গীর মুখখানা। মাথার ধুলো মাখা চুলগুলো জট পাকানো। সমস্ত মুখে ত্রণ অথবা বসন্তের গভীর ক্ষতাক্ষ; একটা রক্তাক্ত ক্ষতে নাকটা ধসে পড়বার উপক্রম করছে, নিশ্চয়ই অকথ্য ব্যাধিতে। দুটো বড় বড় কীটদষ্ট দাঁত বেরিয়ে আছে ফাটা ঠোঁটের খোলা দরজা দিয়ে।

একটা বিড়ি এগিয়ে এল আমার দিকে : নাথার ওয়ান—চলবে?

নাথার ওয়ান—কথাটা সাংকেতিক। বিড়িই বটে, কিন্তু তামাকের নয়, গাঁজার।

বললাম, না চলবে না।

—ধেং দোস্ত, ভারী বেরসিক তুমি। বোতল টানতেই শিখেছ খালি।

চূপ করে রইলাম। বুকের কাছে কাগজগুলো খস খস করছে। এক রাশ নিষিদ্ধ ইস্তাহার। জগতের বঞ্চিত জনগণ, জাগো তোমরা।

হাতুড়ির মুখে পূজিবাদকে গুঁড়ো করে লুটিয়ে দাও মাটিতে। একমাত্র শৃঙ্খল ছাড়া সর্বহারাদের কিছু আর হারাবার নেই।.....

টিপ টিপ করে বৃষ্টির ফোঁটা পড়ছে মুখে। গাঁজার ধোঁয়া আর পচা ঘায়ের গন্ধ যেন নিশ্বাস আটকে আনছে। বন্ধুর সংসর্গ লোভনীয় বোধ হচ্ছে না। গণ-দেবতার রূপ।

—তারপর খবর কী দোস্ত? নেশাভাঙে যে করো না, সে তো চেহারাতেই নালুম হচ্ছে। পুলিশের ভয়ে পালিয়ে বেড়াচ্ছ নয় তো?

বললাম, যা বোঝো।

—বেশ, বেশ, দলে এসো তা হলে।—লোকটা খুশি হয়ে উঠলঃ কী করেছিলে? খুন? চুরি? হাত দিয়েছিলে মেয়ে মানুষের গায়ে? তা চুপচাপ পড়ে থাকো এখানে। শীতের রাত্তিরে কোন্ ব্যাটার সাধ্য যে খুঁজে বার করবে তোমাকে।

সময় গড়িয়ে চলেছে। ফুটপাথের ওপর কল্লয়ের ভর দিয়ে শুয়ে আছি, ছেঁড়া র্যাপার কান দুটোকে রক্ষা করছে হিমেল হাওয়ার আক্রমণ থেকে। শুধু মাঝে মাঝে দূরের সেই বাড়িটা থেকে ভেসে আসছে বক্ষারোগীর কাশির শব্দ।

টিপ্-টিপ্-টিপ্। টপ্-টপ্-টপ্। বড় বড় বৃষ্টির ফোঁটা পড়তে শুরু হয়েছে, চারদিক থেকে কাদার বিন্দু ছিটকে আসছে গায়ে। কয় কয় শব্দে জোরালো বৃষ্টি নেমে এল।

আহত কুকুরের মতো সঙ্গী আর্তনাদ করে উঠল।

উত্তরের ভেতর থেকে পা দুটোকে টেনে বের করে নিয়ে এলাম। এমন অসহায় ভাবে ভেজা চলবেনা কোন মতেই। নিজের জগে নয়—কাগজ-গুলোকে অন্তত রক্ষা করতেই হবে। কিন্তু রাত শেষ হবে কখন! নিত্রিত কলকাতার বুকে এই বীভৎস অন্ধকার—এ যেন কত যুগ যুগ ধরে অনড় আর অটল হয়ে আছে। সন্ধ্যার ছদ্মবেশে মৃত্যু এসে যেন মহানগরীকে গ্রাস

করেছে—এই ঘুম, প্রাসাদপুরীর এই অস্তিম তন্ত্রা আর কখনো ভাঙবে না।

কী অমানুষিক অন্ধকার! হোঁচট খাচ্ছি প্রতি মুহূর্তেই। ডান পায়ের বুড়া আঙুলে তীর একটা যন্ত্রণাবোধ।

অন্ধকার আকাশে বিদ্যুতের একটা তীক্ষ্ণ শিখা দিকে দিগন্তে ভয়াল সরীসৃপের মতো খেলা করে গেল। প্রেত-রাজ্যের মতো তমসচ্ছন্ন গলিটা মায়াপুরীর মতো উদ্ভাসিত হয়ে উঠল মুহূর্তে। বজ্রের গর্জনে দুপাশের বাড়িগুলো বন বন করে কাঁপতে লাগল। মুম্বলধারে বৃষ্টি পড়ছে।

সামনে আলোকিত একটা রোয়াক। বারান্দায় কে যেন দাঁড়িয়ে। এই রাত্রে, এমন গলিতে এখনো মানুষ জেগে আছে নাকি? এখনো কি কেউ কারো জন্তে প্রতীক্ষা করে?

ভাববার আর সময় নেই। চুইয়ে বৃষ্টির জল ভেতরের কাগজপত্রগুলোতে সব ভিজিয়ে দেবার উপক্রম করছে। বিদ্যুৎবেগে উঠে পড়লাম আলোকিত রোয়াকে।

বিবর্ণ সবুজ রঙের স্কাফ জড়ানো বিবর্ণতর একটি মেয়ে। মুখের খাঁজে খাঁজে শাদা পাউডারের প্রলেপ। সাদর আমন্ত্রণ জানালে, এসো এসো ভিতরে।

এক মুহূর্ত দ্বিধা না করেই ভেতরে চলে এলাম।

দরজা বন্ধ করে দিয়ে মেয়েটি আমার মুখোমুখি এসে দাঁড়াল। কেরোসিনের আলোয় এতক্ষণে আমাকে সম্পূর্ণ দৈবধার স্বয়োগ পেয়েছে সে। কোমর পর্যন্ত উত্থনের ছাই। গায়ের ময়লা ছেঁড়া রূপারটা ভিজে সট সট করছে।

মেয়েটার শ্রীহীন মুখ আশংকায় আরো বিস্তী হয়ে উঠল। চেহারা দেখেই সহজাত সংস্কার বশে সে টের পেয়েছে আমি তার খন্ডের নই।

—কী চাই?

জবাব না দিয়ে চারদিকে তাকিয়ে দেখলাম। ঘরে খাট নেই। এক পাশে দুটো টিনের তোরঙ্গ, সামান্য জিনিষপত্র, আলনায় ছেঁড়া ময়লা শাড়ী। সমস্ত মেঝেটা জুড়ে অপরিচ্ছন্ন বিছানা পাতা রয়েছে, তার মাঝখানে ফর্সা একটা তাকিয়া আর একটা হার্মোনিয়াম। এক কোণে এক জোড়া তবলা-ডুগি, ঘুঙুর।

নিরন্তরে বিছানায় বসে পড়লাম। আর দাঁড়াতে পারছি না। ঘরের মধ্যে একটা স্নিগ্ধ উত্তাপ, নেবা-উত্তনের আগুন নয়। হাওয়াটা শুষ্ক এবং মধুর—দৈহিক উপস্থিতির নিবিড়তায় খনীভূত। শীতে শরীরটা কঁকড়ে যাচ্ছে, ইচ্ছে করছিল, বিছানাটার ওপর গড়িয়ে পড়ি।

মেয়েটার মুখেও বোধ করি কথা জোগাচ্ছিল না। কালো এবং কুংসিত। বয়স ত্রিশ পেরিয়ে গেছে হয়তো, হয়তো তার চাইতেও বেশি। জৈব-প্রেরণা কতখানি অত্যগ্র হয়ে উঠলে যে মানুষ নিশীথ-নাট্যে এই মেয়েকে নায়িকা করতে পারে সেটা অল্পমান করা কঠিন। সমস্ত চোখে-মুখে রেখা আর কালি—অসংখ্য লালায়িত সরীসৃপের গতিরেখায় যেন চিহ্নিত।

—কি চাও তুমি?—জিজ্ঞাস্তা ভীত-দৃষ্টিতে সে আমার দিকে তাকিয়ে রইল। রাত্রির আগন্তকেরা সকলেই তার পায়ে প্রণয়-অর্থ নিবেদন করতে আসে না। মদের গ্লাসে তারা অলক্ষ্যে মিশায় স্ট্রিকনিনের গুঁড়ো; নেশা বেশী ঘন হয়ে উঠলে গলায় ছুরি বসিয়ে দিয়ে নিবিবাদে সব কিছু নিয়ে সরে পড়ে। অবিশ্বাস আর অপমৃত্যুর কেন্দ্রবিন্দুতে টলমল করছে ওদের জীবন। পদ্মপাতায় শিশির।

বললাম, কিছুই নয়, খানিকক্ষণ আশ্রয় চাই শুধু।

—আশ্রয়!—মেয়েটার ঠোট দুটো কাঁপতে লাগল : ফেরারী? পালিয়ে বেড়াচ্ছ বুঝি?

হাসলাম।

—কী করেছিলে?

বললাম, বিশেষ কিছু নয়। সঙ্গে কতগুলো কাগজ আছে, তা ছাড়া আর কোন অপরাধ নেই।

দেখতে দেখতে মুখখানা উজ্জ্বল হয়ে উঠল। এতক্ষণে সমস্ত সংশয় দূর হয়ে গেছে, একটা নিবিড় আন্তরিকতায় ছলছল করে উঠেছে ওর চোখ।

—স্বদেশী ?

—অনেকটা তাই।

—এই শীতের রাতে পথে পথে পাগলের মত ঘুরে বেড়াচ্ছ ভদ্রলোকের ছেলে ! গায়ে একটা গরম জামা নেই, কিছই নেই—

বললাম, রাও দশটার সময় হঠাৎ বাড়ী ঘিরে ফেলেছিল, তাই পাচীল টপকে বেরিয়ে পড়েছি।

একটা গভীর উৎকণ্ঠা আর স্নেহের স্বর কানে এল : নাও, নাও, শুয়ে পড়ো ওখানে। এই লেপটাই জড়িয়ে নাও গায়ে। কোনো ভয় নেই।

বললাম, আর তুমি ?

—সে ভাবনা তোমাকে ভাবতে হবেনা।

সত্যিই তো, সে ভাবনা ভেবে আমি কি করতে পারি। এই মুহূর্তে আমার লেপের প্রয়োজন, আমার বিশ্বাসের প্রয়োজন। আমাকে বাঁচতে হবে, অন্তত কাল সকাল পর্যন্ত এই কাগজগুলোর দায়িত্ব বহন করতে হবেই। শুধু নিজের জগুই আজকে আমার জীবনের মূল্য নয়, বহুর জগে—বৃহত্তর পৃথিবীর, সমস্ত জগতের জগে।

লেপের আকর্ষণটা তীব্র মনে হচ্ছে। একবার তার কোমল স্নিগ্ধ আলিঙ্গনে তলিয়ে গেলে সকাল আটটার আগে আর ঘুম ভাঙবেনা। সমস্ত শরীরে ঘেন শতাব্দীর তন্দ্রা আর ক্লান্তি এসে ভেঙে পড়েছে। এই বারবণিতার ঘরে, অসংখ্য ব্যাভিচারের স্মৃতি-কণ্টকিত এই শয্যায়, উজ্জল দিবালোকেও আশ্রয় নেবার কথা ভাবলে দেহ-মন সঙ্কুচিত হয়ে ওঠে। কিন্তু বর্ষাচঞ্চল এই শীতের রাতে আজ সব কিছুবই অর্থ বদলে গেছে। নিশীথ

নগরীর এই ভয়ান্ত ক্লিন্নরূপ, শ্বাসরোধী অপমৃত্যুর মত নিশ্চিন্দীপের অন্ধকার। সমস্ত শতাব্দী ধরে যে গোপন ব্যাধিটা বিষাক্ত হয়ে উঠছিল, আজ তার চরম আত্মপ্রকাশ। এরই মাঝখানে আজ পারিপার্শ্বিক জগৎটা যেন প্রতিভাসিত হয়ে উঠেছে তার সত্য এবং আদিম অমার্জিতরূপে। আলো, প্রসাধন আর ঐশ্বর্যের প্রচ্ছদপটের নীচে রূপাজীবা নগরীর আসল চেহারা—নিভৃত মর্মজগৎ।

—নাও, শুয়ে পড়ো তুমি। আমাদের বিছানায় শুতে হয় তো ঘেন্না করবে, কিন্তু ফুটপাথ কিংবা মিঠাইওলার উত্তনের চাইতে ধারাপ নয় নিশ্চয়ই।

মেয়েটি বিছানার একপাশে এসে বসল। তার বিবর্ণ বিকৃত চেহারায় দারিদ্র্যের প্রতিচ্ছবি। সমস্ত চোখে মুখে যে ক্ষুধা তার প্রকট হয়ে উঠেছে সে ক্ষুধা অগ্নের। জৈবকামনা নয়, মদিরাক্ষী বারবধুর লাস্য-বিভ্রমও নয়। চকিতে মনে হল স্নেহে আর করুণায় তার দীপ্তিহীন চোখ দুটি উদ্বেল হয়ে উঠেছে।

—কিন্তু—সমস্ত ভাবনার ওপর দিয়ে যেন বিদ্যুৎ চমকে গেল। স্বার্থপরতা বই কি! আজ রাত্রে খরিদার না জুটলে কাল হয়তো তাকে উপবাস করতে হবে। ঘরের চারিদিকে যে দারিদ্র্য লণ্ঠনের অমুজল আলোয় আত্মপ্রকাশ করছিল, তার নগ্ন-রিক্ততা যেন আমাকে আঘাত করতে লাগল। এখানে রাত্রিষাপন করবার অর্থ তার মুখের গ্রাস কেড়ে নেওয়া।

বাইরে রষ্টি ধেমে গেছে। অনিচ্ছুক আড়ষ্ট পা দুটোকে একত্র করে দাঁড়িয়ে উঠলাম। কিন্তু আশ্রয়দাত্রীর স্বরে প্রকাশ পেলে ব্যগ্র উৎকণ্ঠা : উঠলে যে ?

—নাঃ, যেতে আমাকে হবেই। তোমার উপকার ভুলব না কখনো—
প্রথমে বাইরে বেরিয়ে এলাম। বৃকের কাছে থস থস করে উঠল রিপোর্ট
আর ইন্তাহারগুলো।

—এই রাত্রে, এই ঠাণ্ডায় না গেলেই চলত না কি ?

মুখ ফিরিয়ে হাসবার চেষ্টা করতে হল : বিপদে পড়লে আবার না হয় ফিরে আসব।

ক্ষণিকের একটা ছায়াছবির মত দেখলাম আলোকিত দরজার পটভূমিতে বিবর্ণ স্কার্ফ জড়ানো পণ্য নারী মূর্তির মতো দাঁড়িয়ে আছে। বাড়ী থেকে বিদায় নিয়ে আসবার সময় কতদিন দেখেছি দিদিকে দরজায় ওই ভাবে দাঁড়িয়ে থাকতে।

আবার সেই অন্ধকার আর গলির পথ। বাইরে হিমেল রাত্রির কবল থেকে কিছুক্ষণের জগ্ন পালিয়ে আশ্রয় নিয়েছিলাম, পলাতক শিকারকে মূঠোর মধ্যে খুঁজে পেয়ে শীতের বাতাস যেন নিষ্ঠুর ভাবে দঙ্কর হয়ে উঠেছে। দুটো বরফের টুকরো কানের ছিদ্র দুটোকে আটকে বসেছে, নাক দিয়ে খানিকটা রক্ত নেমে আসবার উপক্রম করছে বোধ হয়। ডান পায়ের বুড়ো আঙ্গুলে দুঃসহ যন্ত্রণা।

আকাশে তারা দেখা দিয়েছে দু' চারটে। উজল নয়, হাল্কা মেঘ আর কুয়াশায় এখনো আচ্ছন্ন। লোহার রেলিংগুলো একটা বড় বাড়ীর গারগয়েলের মুখ দিয়ে ছড় ছড় করে জল আছড়ে পড়ছে। গেটের কাছে ঢাকনা দেওয়া একটা আলো ; তারই অস্পষ্ট দীপ্তিতে দেখা যাচ্ছে ভেনাসের একটা নগ্ন মূর্তি, অথচ তার সর্বাঙ্গে পাতলা নীল শ্রাওলার একটা আন্তর পড়েছে। এই অন্ধকার গলির সঙ্গে অন্ধকার মাথা শ্রীহীন বাড়ীটা অদ্ভুত ভাবে মানিয়ে গিয়েছে।

সামনে একটা বড় রাস্তা। শোভাবাজার স্ট্রীট নিশ্চয়। বড় বড় বাড়ীগুলো যেন অন্ধকারের দুটো অসমতল কালো প্রাচীর খাড়া করে রেখেছে। রূপিতে ভেজা প্রশস্ত পথ ক্ষীণ আলোতে জলজল করছে।

বন্ বন্ করে একটা প্রবল শব্দ এল কাণে। সমস্ত শরীরটা মুহূর্তে ছম্ ছম্ করে উঠল চকিত আশংকায়। নিদ্রিত কলকাতার এ প্রান্ত থেকে ও প্রান্ত পর্যন্ত বোধ হয় ছড়িয়ে গেল শব্দটা।

নিশাচরের মতো চোখের দৃষ্টি তীক্ষ্ণ হয়ে উঠেছে। তাকিয়ে দেখলাম এমন রোমাঞ্চকর নয় ব্যাপারটা। তিন চারটে কুকুর এক সঙ্গে বোধ হয় একটা ডাস্টবিনের ভেতর আশ্রয় নেবার চেষ্টা করেছিল, তাদের সমবেত চেষ্টায় সেটা আছড়ে পড়েছে। পিচ-চালা চকচকে রাস্তার উপর দিয়ে দু' তিনটে কি বড় বড় দৌড়ে গেল এক পাশে, বোধ হয় ড্রেনের কাঁজির মধ্যে গিয়ে নামল। ইঁদুর।

দূরে চিংপুর রোড দিয়ে একটা মোটর গ্রে স্ট্রিটের পথে বেরিয়ে গেল। হয়তো ডাক্তারের গাড়ী, হয়তো সোণাগাছি থেকে আনন্দ লুণন করে ফিরলে কেউ; হয়তো—

দপ্ দপ্ করে একটা আগুন জ্বলে উঠল। একটা বাড়ীর গাড়ী বারান্দার নীচে। রাত্রির বুক চিরে যেন এক ঝলক টাটকা রক্ত পড়ল ছড়িয়ে। আগুনের আলোয় পাঁচ সাতটা মাথা উদ্ভাসিত হয়ে উঠল—একদল ভিখারী। ওদের দিকেই এগিয়ে চললাম, হাত পা দুটোকে অন্তত সঁকে নেওয়া চলবে।

চমৎকার আসর জমিয়েছে। গোল হয়ে আগুনটাকে ঘিরে বসেছে ওরা, ছেঁড়া কষল আর নোংরা কাপড়-চোপড়ের বাইরে অনাবৃত অঙ্গগুলোকে আগুনে সেকে নিচ্ছে। আর হল্লে ত্রাকড়া জড়ানো একটা ছোট কল্কি বৃত্তটির ভেতর পরিভ্রমণ করে বেড়াচ্ছে।

—আ যাও ভেইয়া, বৈঠে যাও। তাম্‌কু পিব?

বললাম, তাম্‌কু তো নেহি পিতা ভেইয়া, জাব্‌কে লিয়ে খোড়া আগ্‌কা জরুরং—

—বহ্‌ আচ্ছা, বহ্‌ আচ্ছা। আগ্‌তো হায়ই হিয়াপর—

লোকগুলি আমার মুখের দিকে একবার তাকাল মাত্র, কোন প্রশ্ন করল না। প্রশ্ন করবার কিছু নেই। প্রতি রাত্রে এমনিতর অসংখ্য মানুষকে দেখেছে তারা, দেখেছে নিশীথ নগরীর রক্তমঞ্চে অসংখ্য অভিনয়। শীতের রাত্রে বৃষ্টিতে ভিজ়ে যারা পথে পথে ঘুরে বেড়ায়, তারা যে স্তরের লোকই

হোক না কেন, নিঃসন্দেহে তাদেরই সগোত্র। দুঃখ এবং রিক্ততার পটভূমিতে সমস্ত মানুষ একাকার হয়ে গেছে; ভিক্ষুক আর ভবঘুরে, চোর আর বার-বণিতা, গুণ্ডা আর কুলত্যাগিনী।

কোথা থেকে কাঠ-কুঠরো আর কাগজের টুকরো জোগাড় করেছে ওরাই জানে, আগুনটা জলছে মন্দ নয়। হাত পা গুলো সঁকে নিলাম। র‍্যাপারটার জল গায়ের উপর অনেকটা প্রায় শুষে নিয়েছিল, বাকীটুকু আগুনে শুকিয়ে এল। পৌষের রাত্রে গাড়ী বারান্দার তলায় ভিখারীদের এই অগ্নিকুণ্ডটা যেন গ্রেট ইস্টার্ন হোটেল!

আগুনের আলোয় সকলের মুখের উপর দিয়ে চোখ বুলিয়ে নিলাম। অদ্ভুত সব মুখ—একটা থেকে আর একটার যেন পার্থক্য নির্ণয় করা যায় না। রাশি রাশি চুল দাড়ি, ঝুলে পড়া চামড়া, ঘোলা চোখ। মনে হল যেন যুগ-যুগান্তরের ব্যবধান পার হয়ে গুহাবাসী একদল আদিম মানুষ এই গভীর রাত্রে কলকাতার ফুটপাথে এসে দেখা দিয়েছে; সেই আদি মানবের মত আগুনের কুণ্ড জেলে বসেছে ওরা; সামনে পুড়ছে নিহত শিকারের মাংস। সত্যতার সমস্ত বিবর্তনকে অস্বীকার করে শ্রেণীহীন প্রথম সমাজ এসে আবির্ভূত হয়েছে নিরঞ্জন বর্ষরতায়।

চাপা স্বরে কী আলোচনা করছে ওরা। একটু উৎকর্ণ হয়ে উঠতেই কথাগুলো কাণে এল। ভাবটা এই রকম:

—কলকাতায় বোমা তাহলে গিরবেই?

—গিরবে বই কি। নইলে আর এত আতঙ্কার কেন চারদিকে? হাওয়াই জাহাজ এসে বোমা ফেলে দিয়ে যাবে, ঘরবাড়ী বিলকুল উড়িয়ে দেবে।

—বিলকুল উড়িয়ে দেবে? মল্লমেন্ট, চৌরঙ্গী, সরকারী দপ্তর, লাট সাহেবের কোঠা—তামাম?

—তামাম।

—উঃ, তবে ত ভয়ানক।

—আলিপুরের হাজতটা উড়িয়ে দেয় আগে? আর টাঁকশাল? আর ক্লাইভ স্ট্রীট? এত্না এত্না রূপেয়াতে সব মরচে ধরে গেল' আর জিন্দা আদমি ভূথে মরে যাচ্ছে।

হাসি এল। টাঁকায় মরচে ধরে যাচ্ছে আর না খেয়ে মরচে ক্ষুধার্ত মানুষ। স্বর্ণকুলীন সভ্যতার এই-ই বাস্তব রূপ। পৃথিবীর সমস্ত দেশের সমস্ত বড়ফুর আর্ন্তনাদ এসে ধ্বনিত হয়েছে এই দুটি কথার মধ্যে। একথা কাউকে শোনাতে হয় না, বোঝাতে হয় না, এ গণদেবতার স্বতোৎসারিত বাণী। তাই রক্ত পতাকাকে সম্বর্ধনা জানাচ্ছে দিকে দিকে কোটি বজ্রমুষ্টি।...

কিন্তু আর বসে উচিত নয় এক জায়গাতে। বঁধুয়ার কথা ভুললে চলবে না। ব্ল্যাক আউটের তমাল-কুঞ্জে তিনি ঘুরে বেড়াচ্ছেন রাধিকার সন্ধানে, চোখে চোখ মিললে আর নিস্তার থাকবে না। ভিখারীদের দলে যতই ভীড়ে ঘাই না কেন, তাঁর অভ্যস্ত দৃষ্টিকে ফাঁকি দিতে পারব না। তার উপর যে অহিজ্ঞান সঙ্গে বয়ে বেড়াচ্ছি, তাতে কতদিনের জন্তু যে মিলন-বাসর রচনা হয়ে যাবে, সে সম্পর্কে আগে থেকে কিছু না ভাবাই ভালো।

বাঁশী শোনা গেল। প্রাণনাথ গ্রে স্ট্রীটের মোড়েই আছেন। এই দারুণ শীত আর দুর্ঘোগেও তাঁর কর্তব্য প্রেরণা কিছুমাত্র হ্রাস হয়নি। পরক্ষণেই গুনতে পেলাম দূরে সেই টালা থেকে টালীগঞ্জ-প্রকম্পী দিগ্বিজয়ী পদধ্বনি।

উঠে পড়লাম। শরীরটাকে অনেকখানি চান্দ্রাবোধ করছি এখন। বরফে হিম হয়ে যাওয়া শিরা স্নায়ুগুলোর মধ্যে যেন আবার গরম রক্ত বইতে শুরু হয়েছে। পেটে অতি তীব্র ক্ষুধার অল্পভুতিটা এখন আর কিছুমাত্র বুঝতে পারছি না, সারা রাত পুস্তর মতো দাপাদাপি করে বোধ করি এখন সেটা শান্ত হয়ে ঘুমিয়ে পড়েছে। পা দুটো কিছুক্ষণ বিশ্রাম পেয়েছে, এখন আবার কিছুটা পথ পাড়ি জমানো চলবে।

মহুগ ফুটপাথটা কী অস্বাভাবিক শীতল। যেন বরফের তৈরী। কোথায় যেন হাইড্রান্ট দিয়ে গঙ্গার ময়লা জল উছলে উঠছে, অঙ্ককারে গুনছি তার

ঝিঝি কল্ কল্ শব্দ। রাত বোধ করি আর বেশি নেই। আকাশের কালির রঙ জ্বলো হয়ে আসছে, রথতলা ঘাটের ওপার থেকে গঙ্গার স্পর্শ আরো স্ততীক্স মনে হচ্ছে। হু' পাশের বড় বড় বাড়িগুলোর ওপর দেখতে পাচ্ছি উড়িয়ে দেওয়া তুলোর মতো অস্পষ্ট কুয়াশার রাশি এসে জমছে, স্নান প্রভাতের সূচনায় কালো ঠোঁড়ায় অবগুষ্ঠিত শাদা আলোগুলোতে দেখা দিয়েছে লালশা।

স্ট্র্যাণ্ড রোড। সামনে দিয়ে অপরিচ্ছন্ন রেল লাইন, একটু দূরেই হু' তিনটি মালগাড়ি দাঁড়িয়ে আছে পাটগুদামের সঙ্গে একাকার হয়ে। তার ওপারে 'চিরকলতান উদার গঙ্গা, বয়ে চলেছে প্রায়স্কারে, পোস্তার গায়ে শোনা যাচ্ছে জোয়ারের তরঙ্গোচ্ছ্বাস। রথতলা ঘাটে কালো কালো কঞ্চল মুড়ি দিয়ে ঘুমোচ্ছে পোর্ট কমিশনারের কুলি, রিক্সওয়ালা আর ভবঘুরে পশ্চিমার দল। স্ট্রিমারের লাল-নীল আলো দেখা যাচ্ছে জগন্নাথ ঘাটে।

—কোন্ হায়ে রে—

চমকে উঠলাম। অন্ধকারে কে কাকে চ্যালেঞ্জ করছে। হয়তো গুম্টির গেট-কীপার, হয়তো মালগুদামের পাহারাওয়ালা। রাজপ্রহরী হওয়াও আশ্চর্য নয়।

জ্রুত এগিয়ে চললাম। নোংরা কর্দমাক্ত পথ। ছকড় লরী আর গোরুর গাড়ির কল্যাণে হুড়িগুলো মাথা তুলে রয়েছে, আহত বুড়ো আঙুলটায় বিলক্ষণ চোট লাগল একটা। গঙ্গার হাওয়ায় উত্তর মেরুর আত্মীয়তা।

কাশী মিত্রের ঘাট। একটা লাল শিখা আর মাংস-পোড়া হলদে ধোঁয়া প্রাচীরটাকে ছাড়িয়ে উঠছে। কার ঘেন নখর দেহ মিলিয়ে যাচ্ছে পঞ্চভূতে। যাক—বাকী রাতটুকুর জন্তে ভদ্ররকমের একটা আশ্রয় পাওয়া গেল। বিবাগীর পক্ষে শ্রাশানের চাইতে ভালো জায়গা আর কী আছে।

কোন্ অনাত্মীয় হুঁচকা পুড়ছে কে বলবে। শ্রাশানে জনমানব নেই। শুধু নিঃসঙ্গ একজন ডোম বাঁশ দিয়ে চিতাটাকে বেড়ে দিয়ে নিদ্রাজড়িত চোখে চলে গেল, মড়াটার আর বেশি বাকী নেই। সামনে এখনো অস্তুত

তিন ঘণ্টা রাত্রি—এ সময়টুকু সে নিশ্চিন্তে কাটাতে পারবে কবলের উত্তপ্ত আরামের মধ্যে।

চিতাটির দিকে তাকিয়ে দেখলাম হুঁটো হাত পা আর আকারহীন একটা বিকৃত বস্তু, মাথুখ বলে চেনা যায় না; জলন্ত কাঠকয়লার নীচে পোড়া শূয়োরের মতো দেখাচ্ছে। আচমকা মনে পড়ে গেল দক্ষিণ-সমুদ্রের নর-খাদকেরা খেতাজদের কায়দায় পেলে বড় শূয়োর বলে পুড়িয়ে খায়!

নিশ্চয় হয়ে দাঁড়িয়ে রইলাম। সামনে দক্ষপ্রায় মৃতদেহ, শ্মশানের গন্ধ, গন্ধার কলোচ্ছ্বাস। হঠাৎ চোখে পড়ল চিতাটার এক পাশেই একটা শূত্ৰ দড়ির খাটিয়া। ওই মড়াটাকে বয়ে আনা হয়েছিল নিশ্চয়।

জয় ভগবান! এতদিন ভুল্ললোককে ভুলেছিলাম, আজ তাঁর অপার করুণা দেখে মনে নির্ধাৎ আন্তিক-বুদ্ধি মাথা চাড়া দিয়ে উঠল। এমন চমৎকার আগুনের পাশে এমন রাজশয্যা! এ যে লাটসাহেবের গদীকেও লজ্জা দেয়। নির্জন এই শ্মশানে দাঁড়িয়ে মনে হ'ল আমিই সন্ধ্যাট আলমগীর—আর এ হচ্ছে আমার মোতিমহল। 'হমেনস্ত্ হমেনস্ত্ ওয়া হমেনস্ত্!' জীবন্তের কলকাতাকে ভয় করি, কিন্তু মৃতের কলকাতার অসীম দাক্ষিণ্যকে অস্বীকার করবে কোন্ অকৃতজ্ঞ!

হেঁড়া রূপারটা জড়িয়ে খাটিয়াটার ওপরে শুয়ে পড়লাম। চিতার উত্তাপটা কী চমৎকার লোভনীয়! মড়াপোড়া গন্ধটা যেন ক্লোরোফর্মের বাজ করছে। আর এমন জায়গায় বধূয়ার পদার্পণও যে সহজে ঘটবে না, সম্ভবভাবে এ আশা করা যায়। পাথরের মতো ভারী হয়ে দেহ আর চেতনার উপরে ঘুম নেমে এল।...

—উগ্র হরিধ্বনিতে ধড়মড় করে উঠে বসলাম। অজস্র লোক আর দুটো মড়া এসে জমেছে। কড়া রোদে জাগ্রত জীবন্ত কলকাতা—কানীমিত্রের ঘাটে স্নানার্থিনীর ভিড়। বেলা সাড়ে আটটার কম হবে না। এইবার মহানগরীর পথ দিয়ে বেরিয়ে পড়তে পারি নিরাপদ আশ্রয়ের সন্ধানে।

সৈনিক

ডুম ডুম ট্রুম—

সাঁওতালদের নাগাড়া বেজে উঠল। বরেন্দ্রভূমির ঘুমন্ত আকাশে অনেক দিন পরে জাগরণের ছোঁয়া লেগেছে।

আশ্চর্য দেশ। বাঙলা দেশই বটে, কিন্তু বর্তমানের নয়। মৃত বাঙলার অস্থিকংকাল রাশি রাশি ইট-কাঁকরে ভাঙা জাদাল আর মজা দীঘিতে ছড়িয়ে রয়েছে, একটা বিরাটের মহাশ্মশান যেন। চারদিকে ধূ ধূ করছে অক্লবের মাঠ, বিরল বসতি গ্রামগুলোর ওপর দারিদ্র্যের নগ্নতা; মাধার ওপর ক্ষুধার্ত চিল চীৎকার করে উড়ে যায়; আর লাল মাটির ছোট বড় অসংখ্য টিলার এখানে ওখানে বিরাটকায় শঙ্খিনী সাপ পেট টেনে টেনে মন্তরগতিতে এগিয়ে চলে।

ডুম ডুম ট্রুম ট্রুম—সাঁওতালদের নাগাড়া বাজতে লাগল। যাযাবর। ঘর ছেড়ে বেরিয়ে পড়েছে নতুন উপনিবেশের সন্ধানে। যেখানে মিলবে নির্জনতা, মিলবে খাদ্য। বিমুখ প্রকৃতিকে ওদের ভয় নেই এতটুকুও। মাটির বুক থেকেই ওরা ছিনিয়ে আনতে পারে প্রতিদিনের উপকরণ, বুনো ওল সেদ্ধ করেই ওদের এক বেলা চলে যায়, গো-সাপের পোড়া মাংসেই ক্ষিধে মেটে। নাগাড়া বাজিয়ে ওরা বাঘ মারে আর যুদ্ধ করে, মাদল বাজিয়ে ওরা নাচে, আর বাঁশী বাজিয়ে ওরা ভালবাসে।

মৃত বাঙলার বুকে বহুদিন পরে জীবন্ত মানুষের দল এসে দেখা দিয়েছে। এই শ্মশান ওদের ভালো লেগেছে, এখানেই ঘর বাঁধবে ওরা। মজা যাওয়া দীঘিতে ওদের চোখে পড়েছে কুমীরের ছায়া; ঘাস বনের ভেতর থেকে বুনো গুয়োরের গায়ের উগ্র গন্ধ ওদের নাকে লেগেছে; শিকড়ে শিকড়ে পাথর জড়ানো বট গাছের কোঠরে ওরা দেখেছে লকলকে গো-সাপের জিত।

সামনের বড় মাঠখানা পেরিয়ে প্রায় পাঁচ মাইল এগিয়ে গেলে কুমারদহ গ্রাম। মুসলমান আক্রমণের ভয়ে পালিয়ে এসে দেবীকোট রাজবংশের কে একজন এখানে আস্তানা নিয়েছিলেন। তাঁর উত্তর-পুরুষ চন্দ্র চৌধুরী এখানকার জমিদার।

এই কাহিনীর যখন আরম্ভ, তখন চন্দ্র চৌধুরীর বয়স অতিক্রম করেছে পঞ্চাশের সীমারেখা। টকটকে লাল চেহারা, রক্তের চাপে সমস্ত মুখ ঘেন ফেটে পড়ছে। কপালের দু'পাশে শিরা দু'টো অত্যন্ত স্ফীত। বাঁ-হাতে তিনটে আঙুল নেই। হিজল বনে একবার বাঘ শিকার করতে গিয়েছিলেন তিনি—বন্দুকের টোটা ফুরিয়ে যাওয়ায় বাঘের সঙ্গে কুস্তিতে লড়াইতে হয়েছিল তাঁকে। শোনা যায় আছাড় মেরেই বাঘটাকে তিনি বধ করেছিলেন—এগনি শক্তিমান পুরুষ চন্দ্র চৌধুরী।

কিন্তু একক চন্দ্র চৌধুরী অসম্পূর্ণ। তাঁর নামের সঙ্গে আর একটি প্রাণী জড়িয়ে আছে অচ্ছেদ্য হয়ে—সে নীল বাহাদুর।

হাতী। কাল বৈশাখীর জমাট ঘন-নীল মেঘের মতো তার চেহারা—নীল বাহাদুর নাম তার সার্থক। আশামের পাহাড়ে নিজের দলবলের মধ্যে সে সে ছিল গজেন্দ্র। গুঁড়ের টানে আকাশ-ছোয়া সরল গাছগুলোকে মড় মড় করে দেশলাইয়ের কাঠির মতো নামিয়ে দিত সে, ভরা বর্ষায় সানন্দে অবগাহন করত তরঙ্গ-মাতাল ব্রহ্মপুত্রের জলে। বসন্তে তার মদস্রাবের গন্ধে পাহাড়ে পাহাড়ে চঞ্চল হয়ে উঠত স্বেচ্ছাচারিণী হস্তিনীর দল।

তারপর যুগপতির পায়ে একদিন শৃঙ্খল পড়ল। তখন ফাল্গুন মাস। মহুয়ার গন্ধে বাতাস ঘন হয়ে গেছে—সমস্ত দিন বপ্রকীড়া করেও এতটুকু স্বস্তি নেই নীল বাহাদুরের। স্বর্গভ্রষ্টা অপ্সরীর মতো সামনে এসে দেখা দিলে অপরিচিতা হস্তিনী, নীল বাহাদুর নিজেকে হারিয়ে ফেলল। কয়েকদিন পরে যখন চমক ভাঙল তখন আর উপায় নেই—‘কুনকি’র ছলনায় সে খেদার মধ্যে বন্দী।

অসহায় আক্রোশে কলা গাছগুলোকে উপড়ে, ধারালো দাঁতে মাটিকে বিদীর্ণ করে সে পাগলের মতো ছুটোছুটি করলে। তারপর মানুষের নিষ্ঠুর অত্যাচারের মুখে ধীরে ধীরে সমস্ত বীর-বিক্রম তার শাস্ত হয়ে এল। নীল বাহাদুর আজ চন্দ্র চৌধুরীর বাহন। মাহতের নির্দেশে সে সসম্মানে হাঁটু গেড়ে বসে পড়ে, ডাঙসের ভয়ে সন্ত্রস্ত হয়ে থাকে তার মন। পায়ের নীচে পাহাড়ীদের গ্রামগুলোকে একদা দলে চুরমার করে দিয়েছে—সে সব এখন গত জন্মের স্মৃতি মাত্র।.....

বাইরের দেউড়িতে তখন নীল বাহাদুরের পিঠে হাওদা কষা চলছিল। চন্দ্র চৌধুরী যাচ্ছেন মহালে। দেউড়ির সামনে জমেছে মাঝারি গোছের একটা ভিড়। ঠিক এমনি সময় মূহূ-গম্ভীর মাদল বেজে উঠল দূরে।

চন্দ্র চৌধুরী চকিত হয়ে উঠলেন। বললেন, শব্দটা কিসের ?

সদর নায়েব নৃসিংহ মুখুজে খবরটা আগেই পেয়েছিলেন। বললেন, রাজমহলের গঙ্গা পেরিয়ে সাঁওতাল এসেছে একদল।

—সাঁওতাল ? কি চায় ওরা ?

—পালগ্রামে ঘর বেঁধে থাকবে, তারই অনুমতি চাইতে এসেছে।

—পালগ্রামে ? চন্দ্র চৌধুরীর চোখে মুখে বিস্ময় প্রকাশ পেল : সেখানে থাকবে—খাবে কি ? মাটিতে তো লাঙ্গল বসবে না।

—খাবে কী ? নৃসিংহ মুখুজে হাসলেন : ওদের খাবার ভাবনা আছে নাকি হজুর ? পালগ্রামের টিলায় তো আর সাপের অভাব নেই, তাই মেরেই পুড়িয়ে খাবে।

—সাপ খাবে ?

—খাবে বই কি। সাপ তো সাপ হজুর, বাঘের মাংস পেলে তাও কাঁচা চিবিয়ে খেয়ে ফেলতে পারে। বলে কী, জানেন ? বাঘে যখন আমাদের মাংস খাবে, তখন আমরাই বা বাঘকে ছেড়ে দেব কেন ?

অকৃত্রিম আনন্দে চন্দ্র চৌধুরী হেসে উঠলেন।

বললেন, এ একটা কথার মতো কথা বটে। হ্যাঁ, এরাই পালগ্রামের যোগ্য বাসিন্দা।

সাঁওতালের দলটি তখন ছোটখাটো একটা শোভাযাত্রা করে এগিয়ে আসছিল। তার সঙ্গে বাজনা। তবে এবার আর নাগাড়াটিকারা নয়, মাদল। ধিতাং তাং ধিতাং তাং। এটা ওদের বিজয়োৎসবের আনন্দ উল্লাস। সাত আটজন কাঁধে বাঁশ ঝুলিয়ে কী একটা মহাকায় জীবকে বয়ে আনছে।

সকৌতুকে এবং কৌতুহলে চন্দ্র চৌধুরী তাকিয়ে রইলেন। মাদলের শব্দে ক্রমশ উত্তাল হয়ে উঠছে। বাঁশের তুণে বোকাই তীরের ঝকঝকে ফলা, গো-সাপের চামড়া দিয়ে বাঁধানো ধড়ক। প্রাগৈতিহাসিক যুগের কালো পাহাড়ের গহ্বর থেকে বেরিয়ে এসেছে কালো গ্যানাইটের তৈরী কিরাতেঁর দল।

বাঁশের সঙ্গে ঝুলিয়ে এনেছে সজোনিহত প্রকাণ্ড একটা দাঁতালো শূয়োরকে। মহিষের শিঙের মতো বাঁকা তীক্ষ্ণ দাঁত ঠেলে উঠেছে প্রসারিত নাকের তলা দিয়ে। গায়ের অপ্রচুর প্লিথসর লোমগুলো দীর্ঘ এবং শাণিত। অপরিচ্ছন্ন কালো শরীরে আট দশটা তীর শরশয্যার মতো বিধে রয়েছে। সর্বাঙ্গে থক থকে গাঢ় রক্ত রোদের তাপে শুকিয়ে গিয়ে আলকাতরার মতো চট্‌চট করছে।

চন্দ্র চৌধুরীকে সামনে দেখে সাঁওতালেরা সাষ্টাঙ্গে অভিবাদন জানাল।

—কি রে, কী চাই তোদের ?

কালো মুখে সাদা সাদা দাঁত বের করে তারা হাদল। তাঁর প্রজ্ঞা হতে চায় তারা। সেই উপলক্ষে শূয়োরটা তাদের উপচোকন।

—তাই বলে শূয়োর দিয়ে কী করব রে !

—খাবি বাবু।

—শূয়োর খাব ? বলিস কিরে—তোদের মতো সর্বভুক পেলি নাকি ?
বা বা, ওটা তোরাই নিয়ে যা।

সাঁওতালেরা মলিন এবং বিষন্ন হয়ে গেল। ওদের শ্রেষ্ঠ উপচার ওরা জমিদারের জন্তাই সাজিয়ে এনেছে। তাই প্রত্যাখ্যানের ছায়া স্পষ্ট হয়ে ছড়িয়ে পড়ল ওদের চোখে মুখে।

—তবে তোকে আমরা কী দেব বাবু।

চন্দ্র চৌধুরী সম্মেহে বললেন, কিছু দিতে হবে না। পালগাঁয়ের জঙ্গল তোরা সাফ করে দিবি, তা হলেই সব ঠিক হয়ে যাবে।

সাঁওতালদের মাদল বাজতে লাগল সোংসাহে। আর তারি সঙ্গে সঙ্গে অকস্মাৎ যেন কতকালের গভীর একটা আচ্ছন্নতার তলা থেকে জেগে উঠল নীল বাহাদুরের ঘুমন্ত চেতনা। এ স্মর কতদিন সে শোনেনি। চন্দ্র চৌধুরীর সঙ্গে সে কুমীর শিকার করতে গেছে, ইকড় ঘাসের মধ্য থেকে সোপালি বাঘকে গুলী খেয়ে লাফিয়ে উঠতে দেখেছে আগুনের হলকার মতো। কিন্তু আসামের পাহাড়ে সেই উন্নত যৌবন। হড়পা বান নেমে ব্রহ্মপুত্র হাজার হাজার হাতীর মতো গজরে উঠছে। সে যেন জন্মান্তরের কথা।

জন্মান্তর? আজ এই মাদলের ধ্বনি যেন নীল বাহাদুরকে আবার জাতিস্মর করে তুলল। কোন ঝড়ের রাত্রে মর্মরিত অরণ্যের সুর। বানের জলে বড় বড় গাছ ভেসে চলেছে, পাথরের চাক্ষুড় নামছে ছড় ছড় শব্দে। নদীর বুকের ওপর অনেকটা জুড়ে ফেনিল জলের বাষ্প-কুয়াশা, আর সেই কুয়াশায় রোদ পড়ে যেন ইন্দ্রধনুর মায়া জলছে।

নীল বাহাদুরের ছোট ছোট চোখ দুটো ঝলমল করে উঠল। চঞ্চল গুঁড়টা দুলতে লাগল বাজনার তালে তালে। উত্তেজনায় বেরিয়ে এল একটা প্রবল বৃংহণ ধ্বনি।

মাহত বললে, এদের নাচ দেখে হাতীটার ভারী স্মৃতি হয়েছে হজুর।

চন্দ্র চৌধুরী সকোতুকে বললেন, হ্যাঁ, সে তো দেখতেই পাচ্ছি। গান গাইবারও চেষ্টা করছে।

সাঁওতালেরা কী বুঝলে কে জানে। কিন্তু নীল বাহাদুরকে ঘিরে ঘিরে

তারা নাচতে লাগল। উষ্ণ একটা আভিজাত্যের অহুভূতিতে কিমিয়ে এল নীল বাহাদুরের চোখ। কতদিন পরে সে অহুভব করেছে, শুধু ডাঙ্কস্‌ খেয়ে দিন কাটানোই তার শেষ কথা নয়, সে গজেন্দ্র, সে যুধপতি। আর অরণ্যের প্রতিধ্বনি হয়ে আরণ্য-মাতৃষ এই লোকালয়েও বয়ে এনেছে তার যথাযোগ্য সম্বর্ণনা।

পালগ্রামের মৃত সমৃদ্ধি কোন্‌ অলিখিত যুগের কাহিনী যে বহন করছে, ইতিহাস তার কোনো হৃদিশ দিতে পারে না।

বাঙলার পাল রাজাদের তলোয়ার একদিন সমস্ত উত্তর ভারতের আকাশে বিদ্যুতের মতো জলে উঠেছিল। দেবপাল, ধর্মপাল। চক্রবর্তী রাজাদের দুর্দান্ত প্রতাপে বাঙলার সমৃদ্ধি উছলে উঠেছিল সহস্র ধারায়। হয়তো তারি কোনো বিস্মৃত বৃন্দ এই পালগ্রাম। মঞ্চে যাওয়া দীঘির শীতল কাদার তলার অজ্ঞাত শিলা লেখন হয়তো বিস্মৃত ইতিহাসের বন্ধ-দুয়ার খুলে দিতে পারে। উত্তর বাঙলার মাঠে ঘাটে, বরেন্দ্র ভূমির কাঁকর মেশানো রাঙা মাটিতে অতীতের চূর্ণ কঙ্কাল।

স্বাধীনতার শ্মশানে এসে নতুন করে বাসা বাঁধল স্বাধীন মাতৃষের দল। কুঁচিলার বিষ মাখানো তীরের ফলা। নাগাড়া টিকারার রণ-হৃন্দুভি।

সময় গড়িয়ে চলল। ভাঙা-পাথর আর গুঁড়ো ইটের তলা থেকে বেরিয়ে এল প্রকৃতির রসধারা—বর্ষার নতুন জলে লকলক করতে লাগল ধানের শীষ। তীর ছাপিয়ে কাঞ্চনের জল এসে নামল ছুদিকের বিলে, সেই জলে টান ধরলে বোরোর ক্ষেতে যেন সোনা ফলতে লাগল। বনে জঙ্গলে এখন আর শূয়োর শিকার করতে হয় না, ভুট্টা আর আখের ক্ষেতে মাচা বেঁধে পাহারা দেয় সাঁওতালেরা। টুকরো টুকরো শাকের জমি চোখে স্নিগ্ধতার অঞ্জলি বুলায়, ছোট ছোট তামাকের ক্ষেতে ধসধসে পাতাগুলো হাওয়ায় কাঁপে। আর তারি মাঝখানে কলা বাগানে ঘেরা সাঁওতালদের গ্রাম। মাটি দিয়ে নিকানো পরিচ্ছন্ন দেওয়াল, বাবলার খুঁটি। বারান্দার খাঁচায় দোয়েল শিস

দেয়, পচাইয়ের নেশায় আচ্ছন্ন হয়ে বাণের মতো তেজী কুকুর উঠানে পড়ে ঝিমোয়।

ছবির মত গ্রাম।

ঠুন-ঠুন-ঠুন। ঠুন ঠুন ঠুনঠুন। হাতীর গলার ঘণ্টার শব্দ বহু দূর থেকে ভেসে এল। চক্ররেখার মাঠের ওপারে একটা হাতী দেখা দিয়েছে। নীল মেঘের মতো তার প্রকাণ্ড চেহারা। বিরাট ছুটি দাঁত সামনের দিকে দুখানা তলোয়ারের মতো বেরিয়ে এসেছে। শুঁড়ের সঙ্গে মস্ত একটা গাছের ডাল, মাঝে মাঝে সেটাকে মুখে পুরে দিয়ে চৰ্ণ চলছিল।

—জমিদার, জমিদার এসেছে।

মন্ত্রবলে যেন সাঁওতালপাড়া জেগে উঠল। টেকির কাজ ফেলে বেরিয়ে এল রূপোর নথ পরা মেয়েরা, আদমের প্রথম পুত্রের মতো বোরোর জমি থেকে উঠে এল কর্দম মলিন আধা উলঙ্গ পুরুষের দল। আধাপোড়া ভুট্টা হাতে নিয়ে ছোট ছোট ছেলে-মেয়েরা তাকিয়ে রইল মুঢ় আগ্রহে।

সুস্তের মতো চারটে মস্ত মস্ত পা ফেলে এগিয়ে আসছে নীল বাহাদুর। গলায় বাজছে পিতলের ঘণ্টা। মাহতের পেছনে হাওদার ওপর দেখা গেল চন্দ্র চৌধুরীর মূর্তি।

নিয়মিত পাদক্ষেপে নীল বাহাদুর এসে পাড়ায় ঢুকল। ক্ষুদ্রে চোখের দৃষ্টি বুলিয়ে যেন একবার সকলের কুশল সে জিজ্ঞাসা করে নিলে। পরিচিত, পুরাতন বন্ধুগণ। নীল বাহাদুরের সঙ্গে একটা অচ্ছেদ্য ভালোবাসার সম্পর্ক গড়ে উঠেছে ওদের। কেবল নাচের তালেই ওরা নীল বাহাদুরকে সম্বর্ধনা করে না, তার সঙ্গে আছে কলামূলো-ভুট্টার প্রীতি উপহার।

—বৈঠ্, বৈঠ্—

অঙ্কুশের তাড়া পড়ল মাথায়। বিশাল শরীরটাকে অতি কষ্টে সঙ্কুচিত করে পিছনের পা দুটো ভেঙে বসে পড়ল নীল বাহাদুর। তলোয়ারের

মতো দাঁত দুটো মাটিতে গিয়ে ঠেকেছে, পুরোণো স্কেটের মতো কালো গলার চামড়া ঝুলে পড়েছে নীচে। এ কথা আর অস্বীকার করার জো নেই যে, নীল বাহাদুরের বয়স বেড়েছে আগেকার চাইতে। গজেন্দ্রের চোখে তন্দ্রাবিলতা।

হাতী থেকে চন্দ্র চৌধুরী নামলেন। এই বারো বছরে তাঁকেও আর চেনা যায় না। বহুদিন জরাকে ঠেকিয়ে রেখেছিলেন, এতটুকু আমল দেননি। তাই জরা এসে যেদিন অধিকার বিস্তার করেছে, সেদিন এতটুকুও ফাঁক রাখেনি।

মাথার চুলগুলো শাদা। মুখটা অনবরত আপনা থেকেই নড়ছে। হাতের সিল্কের মতো পাতলা শাদা চামড়ার তলা থেকে ঠেলে উঠেছে মোটা মোটা নীল শিরা। তবুও ঈষৎ পিঙ্গল চোখের তারায় আজো সেদিনের সেই বহি দৃষ্টি।

সাঁওতালেরা সাষ্টাঙ্গে প্রণাম করলে।

—ভালো আছিঁস তোরা সব ?

ওদের মুখভরা কৃতার্থতার হাসি। ক্ষেতে কাজ করতে করতে এগিয়ে এসেছে। সারা গায়ে জল আর কাদা, প্রকৃতির স্নেহ-নিবিড় স্পর্শ।

—ফসল কেমন রে এবার ?

—খুব ভালো ফসল বাবু। তিন বছরে এমন বোরো হয়নি।

চার পাঁচটা কাঠ আর বেতের আসন চারদিক থেকে এসে জড়ো হয়েছে তখন। চন্দ্র চৌধুরী জাঁকিয়ে বসলেন। তারপর যুঁহু হেসে বললেন, এবার তা হলে খাজনা দিবি আমাকে ?

—খাজনা ? উদ্বীপনায় সাঁওতালদের চোখ জলে উঠল এক সঙ্কে :
তোর যা খুশি তাই নে না বাবু। তুই চাইলে—

—থাক থাক, অত ভক্তি দেখাতে হবে না আর—চন্দ্র চৌধুরীর দুই চোখে পিতৃস্নেহ : তোরা পালগাঁয়ের পোড়ো জমিতে ফসল ফলিয়েছিল,

এই আমার যথেষ্ট খাজনা। বাব আর ডাকাতির ভয়ে আগে তো এখান দিয়ে মানুষ চলতে পারত না। তোরা হচ্ছিস আমার নিজের লোক, আমার জঙ্গী পলটন। তোদের কাছে আবার খাজনা কিরে!

গর্বে, আনন্দে আর রুতজ্ঞতায় সাঁওতালদের উজ্জল চোখগুলো ছলছল করে এল।

ওদিকে নীল বাহাদুরকে ঘিরে আর এক পর্ব চলছে তখন। শিশু, বালক আর মেয়ের দল এসে ব্যাহ রচনা করেছে তার চার পাশে। নীল বাহাদুর তার বিশাল গুঁড়টাকে ভিক্ষার্থী একখানা হাতের মতো বাড়িয়ে দিয়েছে, দৈনন্দিন নিয়মমতো খাদ্য প্রার্থনা করছে সকলের কাছে। ছেলেদের হাসি এবং আনন্দধ্বনির মাঝখানে একটা কলা অথবা একটা ভুট্টা এসে পড়ছে তার গুঁড়ের আগায়। আর নীল বাহাদুর সঙ্গে সঙ্গে সেটাকে নিজের মুখের ভিতর নিয়ে পুরে দিচ্ছে—আনন্দে তৃপ্তিতে ক্ষুধে ক্ষুধে চোখ দুটো বুজে এসেছে তার।

ফেরার পথে কেন কে জানে : অত্যন্ত অহেতুকভাবে উদাস আর আচ্ছন্ন হয়ে উঠল চন্দ্র চৌধুরীর মন। হাতির পায়ে পায়ে পুরোনো ইটের টুকরো মাঝে মাঝে ছিটকে পড়ছে দুপাশে। বিজয়ী বিধর্মী শত্রুর মশাল কবে একদিন সহস্র শিখায় পালগ্রামের মাথার ওপর জলে উঠেছিল। বিদীর্ণ শবদেহ—লাঞ্ছিতা নারী। তারপরে স্তব্ধতা—সেদিনের মৃত্যু অতিক্রম করে এতটুকু আলো এপারে এসে পৌঁছায় না। চন্দ্র চৌধুরীর মনে হল, বার বার মনে হল : সেদিনের পালগ্রাম আবার জেগে উঠেছে নীরবতার সঞ্জীবনীতে। অত্যাচারী রাজার একক প্রতাপে নয়—বহু মানুষের, বহু মাটির মানুষের লৌহ কঠিন পেশীর শক্তি মুখে।

নীল বাহাদুরের গলার ঘণ্টাটা বাজতে লাগল ছন্দোময় দ্রুত তালে। ঠন-ঠন-ঠন। ঠন-ঠন-ঠনাঠন। নির্জন মাঠ প্রতিধ্বনিত হতে লাগল ঘণ্টার শব্দে।

কিছুদিন পরে পাগলা ষোড়া থেকে আছড়ে পড়ে চন্দ্র চৌধুরী মারা গেলেন

তারপর ইতিহাসের এম. এ. ইন্দ্র চৌধুরী গ্রামে জমিদারী করতে এলেন। চন্দ্র চৌধুরীর একমাত্র সন্তান। বিশ্ববিদ্যালয়ের কৃতী ছাত্রের কাছে জমিদারী করবার মতো দুঃসহ ব্যাপার আর কিছুই নেই, কিন্তু উপায়ান্তর না দেখেই গ্রামে বাস করতে এলেন ইন্দ্র চৌধুরী।

পিলখানায় মোটা শিকলে বাঁধা নীল বাহাদুরের চোখে ঘুমের জড়তা। তার কোনো কাজ নেই এখন। মদশ্রাবী ধ্যাণ্ডুলো শুকিয়ে মরে গেছে তার—ক্লেটের মতো কালো চামড়া আরো অনেকখানি ঝুলে নেমেছে। তলোয়ারের মতো দাঁত দুটো একটু বাড়লেই কেটে নেওয়া হয় আজকাল, সেই দাঁতের আঘাতে আসামের পাহাড়ে আকাশ ছোঁয়া শাল গাছগুলো যে একদিন মড়মড় করে উঠত, সে কথা নীল বাহাদুরের মনেও পড়ে না।

তার জায়গা দখল করেছে ইন্দ্র চৌধুরীর বেবি অস্টিন। গ্রামের পথে বড় গাড়ি চালানো যায় না, কিন্তু দরকার হলে পাঁচ সাতজনে মিলে অস্টিন ঠেলে নদী নালা পার করে দেওয়া যায়। পল্লীজীবনের নিঃসঙ্গ প্রবাসে অস্টিনই একমাত্র সান্ধনা।

পিলখানার সামনে দিয়েই মুছ গর্জন করে বেরিয়ে যায় মোটরটা। কৌতুক এবং কৌতূহলে নীল বাহাদুর তাকিয়ে থাকে এই অদৃষ্টপূর্ব বানটার দিকে। পেট্রোলের গন্ধ ভারী বিচিত্র মনে হয় তার। শুঁড়টা সামনে বাড়িয়ে শব্দ করে নীল বাহাদুর, নাকের মধ্যে টেনে নেয় গন্ধটা—জীবটার প্রকৃতিনির্ণয়ে চেষ্টা করে।

মাঠের পথে, গোরুর গাড়ি চক্রবিদীর্ণ অসমতলের ওপর বাঁকুনি খেতে

থেতে বেবি অস্টিন এগিয়ে চলে। জমিদারীর কাজকর্ম দেখা শোনা করবার চাইতে পথ-ঘাট বন জঙ্গলের প্রতিই ইন্দ্র চৌধুরীর কৌতূহল প্রবল। মুখের পাইপ থেকে কড়া বিলাতী তামাকের গন্ধ আসে, ষ্টিয়ারিঙের ওপরে রাধা স্থূল আঙ্গুলে হীরের আংটি ঝকঝক করে, আঙ্গুর পাঞ্জাবী হাওয়ায় উড়তে থাকে। আর পেছনের আসনে আড়ষ্ট হয়ে বসে থাকেন নৃসিংহ মুখ্যে—তাকে নইলে ইন্দ্র চৌধুরীর বেড়ানো হয় না। অথচ, মোটর জিনিসটা সম্পর্কে একটা অহেতুক ভীতি আছে নৃসিংহের মনে। পাগলা ঘোড়ার চাইতেও এই কল কজাগুলোকে তাঁর অবিখ্যাত মনে হয়। ধরো, মোটর যদি উলটে যায়? গাছের সঙ্গে ধাক্কা লাগাই বা আশ্চর্য কি? গ্রামের যা পথ—পিছলে পুকুরে গিয়ে যদি পড়ে, তা হলে?

কিন্তু ইন্দ্র চৌধুরীর ভয় নেই। নৃসিংহের ভীকতা ভারী উপভোগ্য মনে হয় তাঁর—জোর করেই অনেকটা তাঁকে তুলে আনেন তিনি। তা ছাড়া পাকা লোক নৃসিংহ। পথঘাট নদী নালার খবর তাঁর চাইতে বেশি আর কে জানে?

ব্রাস-স-স—আচমকা শব্দ হল একটা। মস্ত বাকুনি দিয়ে বেবি অস্টিন থেমে গেল। নৃসিংহ ভয়ানক ভাবে চমকে উঠলেন—কোনো কিছু দুর্ঘটনা ঘটল না তো?

কিন্তু দুর্ঘটনা কিছু নয়। চলতি মোটরকে হঠাৎ ব্রেক কষে থামিয়ে দিয়েছেন ইন্দ্র চৌধুরী। দামী চশমার নীচে তাঁর ঐতিহাসিকের চোখ লোলুপ হয়ে উঠেছে।

পাশেই পাহাড়ের মতো উঁচু জায়গা একটা। ভাঙা ইট আর পাথরের টুকরোয় অলিখিত ইতিহাস। সঙ্গে যাওয়া দীঘির পারে তালের বীথি শন শন শব্দে মাথা নাড়ছে।

—এটা কোন জায়গা মুখ্যে মশাই?

—পালগাঁয়ের টিলা।

পালগায়ের টিলা! ইন্দ্র চৌধুরীর চোখে মুখে কৌতূহল প্রখর হয়ে উঠল : আমার জমিদারীর ভেতর এমন একটা জায়গা যে থাকতে পারে :স তো ভাবতেই পারিনি।

নৃসিংহ বোকার মতো তাকিয়ে রইলেন : আজ্ঞে এতে আশ্চর্য হওয়ার কী আছে ?

—বাঃ, বলেন কী ! টিলাটাকে দেখে কি মনে হয় না যে ওর তলায় পাহাড়পুরের মতো একটা প্রচ্ছন্ন বিহার কিংবা ওই রকম একটা বিরাট কিছ—

—আজ্ঞে ?

নৃসিংহের বিস্ফারিত চোখের দিকে তাকিয়ে ইন্দ্র চৌধুরী সশব্দে হেসে উঠলেন। বললেন, চলুন, চলুন ওই পাড়াটা একবার দেখে আসি।

সাঁওতালদের ছোট ছোট ছেলে মেয়েরা এসে জড়ো হয়েছে মোটরটার চারপাশে। কড়া তামাকের একমুখ ধোঁয়া ছড়িয়ে ইন্দ্র চৌধুরী তাদের ধমকে উঠলেন :

—যা, যা পালা সব। দেখছিস তো, মোটর গাড়ি ? চাপা দিয়ে এক-দম মেরে ফেলব, ভাগ।

মোটর গাড়ী, নীল বাহাছুর নয়।

বাড়ি ফিরে ইন্দ্র চৌধুরী নৃসিংহকে বললেন, ওই সাঁওতালগুলোকে তাড়িয়ে দিন।

নতুন জমিদারের ব্যবহার নৃসিংহের দুর্বোধ্য। চন্দ্র চৌধুরীর প্রায় সমবয়সী তিনি, এতটা বয়স পর্যন্ত প্রাণপণে জমিদারীর অঙ্কি-সন্ধি আরম্ভ করেছেন। দলিল জাল থেকে দাঙ্গার লাস গুম করা পর্যন্ত কোনো ব্যাপারে তার বিচক্ষণতার অভাব হয়নি। কিছ—

—আজ্ঞে, ওদের তাড়াবেন কেন ?

অপ্রসন্ন মুখে ইন্দ্র বললেন, খাজনা তো দেয় না, পুঁষেই বা কী লাভ।

কিন্তু সে সব ভাবছি না। দুশো টাকার জন্তে আমার হাহাকার নেই। কথা হচ্ছে, ওই টিলাটা আমি একক্যাভেট করাব।

—আজ্ঞে ?

—একক্যাভেট করার মানে, খোঁড়াব। দশ হাজার, বিশ হাজার—যা লাগে। কে জানে হয়তো : একটা আনন্দ ও উৎসাহের দীপ্তিতে ইন্দ্র চৌধুরী উজল হয়ে উঠলেন : হয়তো ওই টিলাটার তলা থেকে এমন একটা প্রচলিত ব্যাপার বেরিয়ে পড়বে—যার ফলে বাঙলার ইতিহাসই লিখতে হবে নতুন করে—কথার শেষ দিকটার তাঁর কণ্ঠস্বর গাঢ় হয়ে উঠল।

উচ্ছ্বাসটা বুঝতে না পারলেও মূল ব্যাপার এতক্ষণে নৃসিংহের বোধগম্য হল।

—ওই টিলাটা খুঁড়তে হবে বুঝি ?

—হ্যাঁ এতক্ষণে বুঝেছেন।

নৃসিংহের কণ্ঠে সংশয় প্রকাশ পেল : কিন্তু ওদের তাড়ানো কি ঠিক হবে ?

—ঠিক হবে মানে ? উত্তেজনায় ইন্দ্র চৌধুরী সোজা হয়ে উঠে বসলেন : জানেন, ইতিহাসের কত বড় একটা তথ্য, হয়তো ওই টিলাটার নীচে মুক্তির প্রতীক্ষা করছে ? হয়তো পাল রাজাদের মূল্যবান কোন তাম্রশাসন হয়তো তাঁদের দিগ্বিজয়ের—হয়তো কত কী—আমি আর ভাবতে পারছি না।

নৃসিংহও কিছু ভাবতে পারলেন না।—কিন্তু ওদের উচ্ছেদ করে দিন। একমাস সময়—ফসল কাটা শেষ হয়ে যাবে। আর এর ভেতর কলকাতায় চিঠি লিখে সব ঠিক করে ফেলছি আমি। আমার কী ভেবে আনন্দ হচ্ছে জানেন ?

নৃসিংহ মাথা নেড়ে জানালেন, তিনি জানেন না।

—আনন্দ হচ্ছে এই ভেবে যে, হয়তো টিলাটা একক্যাভেট করিয়ে ঐতিহাসিকদের কাছে চিরস্মরণীয় হয়ে থাকবে আমার নাম !

—তা বটেই তো।

কিন্তু নৃসিংহ কিছু বুঝতে পারলেন না। অতীতের ইতিহাস! অতীতেই যা শেষ হয়ে গেছে, মাটির তলায় যা আত্মগোপন করেছে, বাইরের আলোকে তাকে টেনে আনবার, উদ্ঘাটিত করবার সার্থকতা কোথায়। মৃত যে, তাকে মৃত্যুর মধ্যে শেষ করে দেওয়াই তো ভালো। আজ অতীতের ভাঙা কবরের ওপর নতুন যুগের মানুষ এসে বাসা বেঁধেছে, ফলে-ফসলে তাকে জাগিয়ে তুলেছে নতুন প্রাণের মধ্যে। সেই জীবন্ত মানুষদের তাড়িয়ে দিয়ে মৃত্যুর কঙ্কালকে পূজো করতে হবে—এ কোন্ দেশী খেয়াল?

যথাসময়ে খবর এল। সাঁওতালেরা অবাধ্য হয়ে উঠেছে—বেশি চাপ দিলে বিদ্রোহী হওয়াও আশ্চর্য নয়।

লাঙ্গলের ফলা হুমড়ে বন্ধ্য মাটিকে উর্বরা করেছে তারা। তীরের আগায় নির্বংশ করেছে দাঁতালো শ্যোরের পাল! বন্যমের মুখে বিধে তুলেছে দীঘির পারে ঘুমন্ত কুমীরকে। এত সহজেই তারা ছেড়ে দেবে না তাদের ঘর-বাড়ি।

কথা শুনে ক্রোধে ইন্দ্র চৌধুরী পাংশু হয়ে উঠলেন। দোর্দণ্ড প্রতাপের জমিদারী চালানোর বাসনা তাঁর নেই, প্রজার ওপর জোর করে নিজের রাজমহিমা প্রচার করবার মনোভাবও তাঁর নয়। কিন্তু বাঙলা দেশের বিশ্বৃত ইতিহাস—জ্ঞান জগতের দাবী। এর চাইতে বড় কর্তব্য কী থাকতে পারে।

নৃসিংহ সবিনয়ে বললেন, কর্তামশাই ওদের বড় ভালোবাসতেন—

উগ্রস্বরে জবাব এল, তাইতেই তো মাথায় চড়েছে। যান আপনি।

নৃসিংহ চলে গেলেন। কিন্তু খুশি হয়ে গেলেন না।

দিনের পর দিন অবস্থাটা তিক্ত আর তীক্ষ্ণ হয়ে উঠতে লাগল। আকাশে বাতাসে খণ্ড যুদ্ধের আভাস। ইতিহাসের এম. এ. ইন্দ্র চৌধুরীর শিরা স্নায়ুতে দেবী কোট রাজবংশের রক্ত ফেনিয়ে উঠেছে। কেবল ঐতিহাসিক জ্ঞান লিপ্সাই নয়, শক্তিটাকেও একবার যাচাই করা ভালো।

আর পিলখানায় তন্দ্রাতুর নীল বাহাদুর কী একটা সন্দেহ করে। মাহত আর তাকে তেমন সেবায়ত্ত্ব করে না আজকাল। অপ্রচুর খাড়ে পেট ভরে না, চার দিকের আবর্জনা আর দুর্গন্ধে তার সমস্ত মন বিস্মাদ হয়ে ওঠে। ইন্দ্র চৌধুরীর আমলের সেই দিনগুলি। জমিদারের সঙ্গে সঙ্গে মর্যাদাও সে সমানভাবে ভাগ এবং ভোগ করে এসেছে। জমিদারকে দেখে পথের দু'ধার থেকে যারা সমস্ত্রমে সেলাম জানিয়েছে, তাদের অভিবাদনের অনেকটা যে তারও উদ্দেশ্যে নিবেদিত হয়েছে, এ কথা নীল বাহাদুর জানে।

কিন্তু এক বছরে কী পরিবর্তন। কী বিস্ময়করভাবে নিরর্থক হয়ে গেছে তার সমস্ত মূল্য। দিন কয়েক আগে দু-তিনজন লোক তাকে দেখতে এসেছিল। কী কথাবার্তা বলেছে কে জানে, কিন্তু তাদের সন্নিধ তীক্ষ্ণ চোখ নীল বাহাদুরের ভাল লাগেনি। কেন কে জানে তার সন্দেহ হয় এখানকার প্রয়োজন হয়তো তার নিঃশেষ হয়ে গেছে। একটা অশুভ সূচনার মতো মনে হয়, এখান থেকে হয়তো বিদায় নিতে হবে তাকে—সে অনাবশ্যক।

মুহূর্ত্ত গর্জন করে সেই যান্ত্রিক জানোয়ারটা ছুটে যায় পিলখানার সম্মুখ দিয়ে। ইন্দ্র চৌধুরীর বেবি অস্টিন। কত ছোট—অথচ কী আশ্চর্য গতিবেগ। পোড়া পেট্রলের গন্ধটা এক নিঃশ্বাসে অনেকখানি শুঁড়ের ভেতর টেনে নেয় নীল বাহাদুর—ভারী বিচিত্র মনে হয় তার।

হঠাৎ একটা প্রচণ্ড জিজ্ঞাসা যেন তার ঘুমন্ত চেতনাকে একটা ঝাঁকুনি দিয়ে সজাগ করে তোলে। কেন করে কে জানে : সে বুঝতে পেরেছে ওই জানোয়ারটাই তার প্রতিদ্বন্দ্বী। আসামের পাহাড়ে সেই হিংস্র মদমত যৌবন যেন বছরদিন পরে ফিরে আসে নীল বাহাদুরের শিখিল শরীরে। মদস্রাবী গ্রস্থিতে দেখা দেয় চাকল্য। পায়ের নীচে খাশিয়াদের পাড়া সে দলে পিষে চুরমার করে দিয়েছিল। কিন্তু সে কবে—সে কবে! এক আছাড়ে ওই জানোয়ারটাকে কি ধুলো করে উড়িয়ে দেওয়া যায় না?

ওদিকে ইন্দ্র চৌধুরী অধৈর্য হয়ে উঠেছেন আর সমানভাবে বিপন্ন করে

তুলেছেন নুসিংহকে। ওই টিলা তাঁর চাই। মামলামোকদ্দমা করে নয়, আইনের আশ্রয় নিয়েও নয়। অব্যাহত কতগুলো বস্ত্র প্রজাকে যদি বাহ বশেই বশীভূত না করা যায়, তা হলে কিসের জমিদারী।

কিন্তু সাঁওতালদের ভয় করেন নুসিংহ। উত্তর বান্দলার শান্তি নিবিরোধ রাজবংশী নয় ওরা। গলায় তুলসীর মালা পরে না, কৃষ্ণের ইচ্ছার ওপরেই সব কিছু সঁপে দিয়ে বসে থাকে না। ওদের নাগাড়া টিকাড়া, ওদের রণ ডঙ্কা! ঝড়ের মেঘের মন্ড জাগে তার নির্ধোষে।

মুখের ওপর অন্ধকার ঘনিয়ে তুলে ইন্দ্র চৌধুরী বললেন, বেশ, আমিই ব্যবস্থা করব।

দেউড়ির সামনে পায়চারী করতে করতে তাঁর চোখে পড়ল নীল বাগানবনের বিশাল অবয়ব। শিকলে বাঁধা এই অতিকায় প্রকাণ্ড জানোয়ারটা মূর্তিমান অপচয় মাত্র। হাতীটাকে বিক্রী করবার চেষ্টায় আছেন তিনি, কিন্তু খরিদার মিলছে না। অথচ দিনের পর দিন হাতীটার ভোজ্য সংগ্রহ করতে—

মুহূর্তে মগজের মধ্যে চমৎকার একটা মতলব খেলে গেল।

পিলখানার সামনে এসে ইন্দ্র চৌধুরী দাঁড়ালেন। কী কুশী কদাকার জানোয়ারটা—বিধাতার সৃষ্টিতে কী পরিমাণ অস্থি মাংসের অপব্যবহার। সর্বাঙ্গে লোল স্থবিরত্ব। একটা বিশী দুর্গন্ধে শারীরিক অস্বস্তি বোধ করতে লাগলেন তিনি।

হাতীটার ছোট ছোট চোখ দুটোর দিকে তিনি তাকালেন। মনে হল, এই নির্বোধ বিশাল জানোয়ারটার চোখে কী একটা কথা মুখর হয়ে উঠেছে—যেন একটা মর্মভেদী দৃষ্টি পাঠিয়ে সে তার নিভৃত অন্তরের সমস্ত সন্ধান জেনে নিয়েছে।

চকিতে হাতীটার চোখ থেকে দৃষ্টি ফিরিয়ে নিলেন তিনি। তারপর মাছতকে ডেকে আদেশ দিলেন, আজ থেকে তিন দিন হাতীটার খোরাক বন্ধ।

ক্ষুধায় তৃষ্ণায় নীল বাহাদুর অস্থির হয়ে উঠল। তিনদিন থেকে এক ফোঁটা জল পর্যন্ত দেয় না তাকে। সমস্ত দেহে মনে তার বিপ্লব। এরা কি তাকে অনাহারেই মেরে ফেলবার মতলব করেছে? বার্ষিকের শেষ শক্তি দিয়ে নীল বাহাদুর বাঁধন ছিঁড়বার চেষ্টা করে, লোহার শিকলের আংটাগুলো মট মট করে ওঠে, পাথরের স্তম্ভটা হুয়ে পড়তে চায়। ব্যর্থ ক্ষুধা আর ক্ষোভে চোখের ছুই কোণ দিয়ে জল গড়িয়ে পড়ে, থেকে থেকে বেরিয়ে আসে কাতর আর্তনাদের মতো এক একটা রুংহন ধ্বনি। সেই পাহাড় গুঁড়োনো শক্তি আজ আর নেই—নীল বাহাদুর আজ স্থবির, মৃত্যুর পথিক।

তৃতীয় দিনে ইন্দ্র চৌধুরী আর নৃসিংহ এসে দাঁড়ালেন সামনে।

—আপনি হাতী নিয়ে বেরিয়ে যান মুখ্যে মশাই, আমি মোটরে আসছি।

নৃসিংহের সমস্ত মুখ পাংশু এবং পাণ্ডুর।

—ব্যাপারটা একটু কেমন—

ইন্দ্র চৌধুরী কথাটাকে শেষ করতে দিলেন না। বললেন, আর দেবী করবেন না, যান। তারপর বড় বড় পদক্ষেপে অদৃশ্য হয়ে গেলেন তিনি।

বহুদিন পরে নীল বাহাদুরকে আবার বাইরে বের করে আনা হল। দড়ির হাওদা কষা হতে লাগল তার পিঠে। অসহ্য ক্ষুধায় দৃষ্টি অভিভূত—রাশি রাশি ওনকি উড়ছে শুধু। তবু ধৈর্য ধরে সে প্রতীক্ষা করতে লাগল। হাওদা কষা হচ্ছে, যাত্রার আগে নিশ্চয়ই খাণ্ড মিলবে।

কিন্তু খাণ্ড মিলল না। দুর্গানাম জপ করতে করতে ভয়াবহ নৃসিংহ হাওদায় উঠে বসলেন আর পরক্ষণেই মালতের স্তম্ভের ডাঙ্গস এসে বিঁধল নীল বাহাদুরের মাথায়।

ক্ষিপ্তের মতো নীল বাহাদুর চলতে শুরু করল। বাইরের জগৎ সম্বন্ধে সমস্ত ধারণা তার অবলুপ্ত হয়ে গেছে—মাথার ওপর ডাঙ্গসের তীব্র অহুভূতি। চোখের সামনে সমস্ত পৃথিবীটা ঢুলছে—অস্পষ্ট, আর ছায়ায় আচ্ছন্ন। নীল বাহাদুরের নীল মেঘের মতোই মহাবপুটা ঢুলতে লাগল—এক সঙ্গে জেগে

উঠেছে বুদ্ধা আর বার্ক্য। তবু আজ সমস্ত শক্তিকে শেষবার সংহত করে সে চলতে লাগল লক্ষ্যহীন অন্ধ চোখে। আর মাঝে মাঝে মনে হতে লাগল, পিছনে বহু দূর সে সেই যান্ত্রিক জানোয়ারটার অক্ষুট গুঞ্জন শুনেতে পাচ্ছে—হাওয়ায় আসছে পোড়া পেট্রলের বিচিত্র গন্ধ।

সামনে পালগাঁয়ের টিলা। কলা বনে ঢাকা সাঁওতালদের গ্রাম—মঞ্চে বাওয়া দীঘির পারে তালের বন বাতাসে মর্মরিত হচ্ছে। পুরোণো পৃথিবীতে নতুন মাহুষের সার্থক তপশ্রা দেখা দিয়েছে ফলে ফসলে। নৃসিংহ মুখ্যে ভাবতে লাগলেন : এদের নির্বাসিত করে প্রাচীরের কঙ্কালকে উদ্ধার করা—কী তার প্রয়োজন ?

কিন্তু নীল বাহাদুর কিছু ভাবতে পারছে না। অসহ ক্ষুধায় সে যেন মূর্ছিত হয়ে পড়বে। এমন সময় তার নাকে ভেসে এল অপূর্ব একটা সৌরভ।

অপূর্ব সৌরভ বই কি। মুহূর্তে দেহের শিরা স্নায়ুগুলো প্রধর হয়ে উঠেছে তার। পাকা ফসলের গন্ধ—পরিপুষ্ট সোণালি ধানের গন্ধ। অন্ধ চোখ দুটো মেলতেই সে দেখল, সামনেই বিলের ধার দিয়ে বোরোর ধানে লক্ষীর অজস্র করুণা। দু'পাশে যতদূর দেখা যায়, পাকা ধানের সানন্দ বিস্তার—মধুগন্ধী খাত্তের আমন্ত্রণ।

তিন দিনের অভুক্ত নীল বাহাদুর পাগলের মতো ক্ষেতে গিয়ে পড়ল। মাহত তাকে বাধা দিলে না, বরং আরো ক্ষেতের মধ্যে নিয়ে গিয়েই নামিয়ে দিলে তাকে।

পিছনে সেই যান্ত্রিক জানোয়ারটা এসে থেমেছে। ইচ্ছা চৌধুরীর উত্তেজনা কম্পিত কণ্ঠস্বর শোনা গেল : খাইয়ে দে সমস্ত ধান, দলে পিয়ে শেষ করে দে। জমি ছাড়বে না—রামরাজ্য পেয়েছে।

—ডুম-ডুম-ট্রুম্।

সমস্ত সাঁওতাল পাড়াকে মুখর করে নাগাড়া বাজতে লাগল। পাল গ্রামের টিলার ওপর সার বেঁধে এসে দাঁড়িয়েছে নতুন যুগের সৈনিকের দল।

হাতে তাদের উগত তীর আর ধনুক । সংশপ্তকের অস্ত্রের লক্ষ্য আজ বদলে গিয়েছে । জমিদারের হাতী এসে তাদের বৃকের রক্তে ফলানো ধান নিঃশেষ করে দিয়ে যাচ্ছে—দলে দিয়ে যাচ্ছে সারা বছরের জীবন সঞ্চয় ।

নাগাড়ার সঙ্গে ঝাঁকে ঝাঁকে তীর উড়ে আসতে লাগল : শী-শী-শী । শাণিত দীর্ঘ ফলাগুলো নির্মমভাবে বিঁধতে লাগল নীল বাহাহুরের সর্বাঙ্গে : একটা অশ্রুট চীৎকার করে নৃসিংহ মুখ্যে নীচে লাফিয়ে পড়লেন ।

ক্ষিপ্ত নীল বাহাহুর পাকা ধানের গোছাগুলো উপড়ে উপড়ে মুখে পুরতে লাগল । তার সমস্ত শরীরে বিশ্বগ্রাসী ক্ষুধা ছাড়া আর কোন অনুভূতি নেই । দুই চোখের ওপর দিয়ে রক্ত নেমে আসছে—সারা গায়ে তীর বিঁধে রয়েছে সজ্জার কাঁটার মতো । কিন্তু কোনটাতেই কিছুমাত্র জ্বলমল নেই তার ।

দুম-দুম করে দুটো শব্দ হল বন্দুকের—দেবীকোট রাজবংশের শেষ প্রতাপ । আকাশ ফাটানো মাহুকের কলরব জেগে উঠল । আর নীল বাহাহুরের সামনে অকস্মাৎ পৃথিবীটা একটা চাকার মতো ঘুরতে শুরু করে দিলে । তীরের ফলায় কুঁচিলা তার রক্তের মধ্যে ক্রিয়া শুরু করে দিয়েছে—তীব্র আর্সেনিকের ক্রিয়া ।

টলমল করে ঢলতে লাগল যুথপতির দেহটা । শেষ শক্তিতে আর এক গুচ্ছ ধান মুখে পুরে দিয়ে সে টলতে টলতে পিছনে হটে এল, তারপর শুঁড়টাকে আকাশে তুলে একটা প্রচণ্ড চীৎকার করে আছড়ে পড়ে গেল মাটিতে । আর তারই সঙ্গে সঙ্গে শোনা গেল বিস্ফোরণের মতো বাস্তবিক-জানোয়ারটার অগ্রিম আর্তনাদ । নীল বাহাহুরের বিরাট শরীরের চাপে সেটা পাখীর বাসার মতোই গুড়িয়ে গিয়েছে ।

বেঙ্গল পাবলিশিং পক্ষে প্রকাশক—শ্রীশচন্দ্র নাথ মুখোপাধ্যায়, ১৪, বঙ্কিম চার্টার্ড স্ট্রীট, কলিকাতা । দ্বিতীয় প্রিন্টিং হাউসের পক্ষে মুদ্রাকর—শ্রীপুলিন বিহারী সামন্ত, ১০, আপার সার্বানন্দ রোড, কলিকাতা । প্রচ্ছদশিল্পী—এ কে ছেন—শ্রীআণ্ড বন্ধ্যোপাধ্যায় ব্রহ্ম ও মুদ্রণ—অমর কটোচাইপ প্রিন্টার্স । বেঁধেছে—বেঙ্গল বাইণ্ডার্স ।



